





Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
5875(2)/Ac[Pt. 2]







Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
5875(2)/Ac[Pt. 2]





Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
5875(2)/Ac[Pt. 2]



Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
5875(2)/Ac[Pt. 2]



5875 (7) A/2

a 27628<sup>x</sup>


(pts i-ii)

A x L

16/5

Last (blank) leaf  
wanting at end  
of pt. 1











27628 x 50482  
MEDICINA  
ASTROLOGICA

OMNIBVS MEDICINAE  
STVDIOSIS LONGE VTI-  
lissima & necessaria, iam denuò multis in lo-  
cis aucta, vnà cum Practica Chirurgiæ  
breui & facili. Auctore Cornelio  
Schylandro Albissensi Me-  
dico Antuerpiano.

*Galen. lib. Epid. 1.*

Medico necessarium est, cuiusque perspe-  
xisse Sideris emerfus & occasus.

*Galen. in sua Mathemat.*

Figura genituræ accuratè disquirenda est,  
vt de morbi qualitate iudicemus.



ANTVERPIÆ,  
Apud Antonium Tilenium ad insigne  
Struthionis. 1577.  
Cum Privilegio Regis.



**SVMMA EORVM QVAE  
HIS LIBRIS  
CONTINENTVR.**

*Lib. I.*

**Tractatur dierum Criticorum intentio &  
quomodo de salute vel morte ægrotantis iu-  
dicabimus.**

*Lib. II.*

**De parte affecta & qualitate morbi ex mo-  
tu Lunæ eiusque cōfiguratione, ad reliquos  
planetas in duodecim Signis Zodiaci.**

*Lib. III.*

**De inuestigatione partis affectæ non viſo  
ægroto aut aliquo eius excremento, adiuncta  
methodo quadam breui & facili de vrinæ in-  
ſpectione.**

*Lib. IIII.*

**De phlebotomia & purgationibus quibus  
tēporibus expediant & quibus minimè: nec  
non simplicibus ſingulis mēbris appropriatis.**

**Auctor ad zoilum.**

*Dente Theonino quid carpis Zoile? nostra*

*Si tibi displiceant, fac meliora precor.*

*Artis enim nihil est absentem rodere dictis:*

*Sed doctis labor est equiparaſſe viris.*

**REVE-**



REVERENDO IN<sup>3</sup>  
CHRISTO PATRI, DOMINO  
GVILIELMO GRAVIO, S. MICHAELIS  
apud Hantuerpianos Prælato Schylander.  
S. D.



Ice[m]t multos fore non dubitabam Reuerende Domine, qui hunc nostrum laborem post tot Medicorum myriadas inutilem minimeq[ue] necessarium arbitrarentur: ipseq[ue] mihi conscius eram quam parum pro impensa opera emolumentum & laudis reportare, tamen hac mea fuit ratio, atque ita in animu[m] induxi meum, vt i[m]primis mihi laude indigni non videantur, qui id student, ne tempus aliquod in florida etate pereat, quiq[ue] præstantissima quæq[ue] maximis vigilijs consequi conantur, nihilq[ue] prætermittunt, quo ad eruditionis fastigium peruenire queant: Quorum monumenta nullo auo nulla iniuria interitura cognoscat posteritas.

Quisquis enim duros casus virtutis amore Vicerit, ille sibi laudem decusq[ue] parabit.

Quæ causa fuit vnica quæ me ad scribendum impulit. Iuuenta nihil fugacius est, quæ vbi auolarit veditura nunquam. In hac ingenium exercere nihilq[ue] laboris subterfugere placuit.

Tentanda via est quo me quoq[ue] possim Tollere humo victorq[ue] viru[m] volitare per ora. Nec dubito quin plerisque alijs quos secula superiora videre, idem fuerit institutum, licet euentus se fellerit. Quorum conditio tamen non aspernanda: Ete-



nim in rebus magnis vel conatus laudari solet. Sed quantum periculi sibi accersat qui se publica censura hodie edendis scriptis exponit, nemini non est perspicuum. Si enim quippiam ab alijs prius dictum retexerit, non solum alienam cantionem recantare: verum etiam aliena vsurpare, aliorumquē sese plumis ornare dicitur. Quod si idem parum feliciter præstiterit, se quam plurimis imò omnibus deridendum exponit, & fenestram ad omnem contumeliam sibi patefacit. Quid enim rostratorum sycophantarum improbitas non molitur? Qui Grillo illi Homérico non dissimiles superstitie Cerere palam glandibus victitant & clanculum panem esitant, ne Cereris inuentum laudare viderentur. Quiq; malunt quàm semel induerunt opinionem pertinacissimè defendere, quàm ea posita aliquando ad meliorem mentem redire. Arrogantiores quàm vt velint, indoctiores quàm vt possint meliora addiscere. De quibus verè id Horatianum dici potest.

Laudat, amatque domi, premit extra limen iniquus.

*comparatiu* Quorū maledicta & opprobria floccifacio. Vt enim feras mordaces in nostrum commodū vertimus, earumq; pellibus vestimur, carnibus vescimur, & felle medemur: haud secus nobis agendum est, vt ab inimicis non solum nō ledamur, sed adiueamur. Satis mihi est bonos & eruditos viros mea studia ad publicam vtilitatem spectantia prouehere, atque promouere, quorum fauore & clementia ad metam eruditionis tandem perueniam. Qui mihi & vice calcaris fuerint



# N V N C V P A T O R I A .

rint ad summorū virorum excellentiam contendēdi,  
 eumq; montis tractum tenendi quò millesimus vix  
 vnquam forsitan est peruenturus. Ego autem nō par-  
 uam partem mei studiū in hanc artem exercendo con-  
 sumpsi, & vt mei incepti voti compos efficerer, quot  
 labores perpeffus sum, quāsue misérias exantlaui?  
 Ideò si id mihi honori dabitur, non inuideant precor  
 meo honori, cum labori & vigilijs non inuideant. For-  
 tasse dicas nihil dictum esse quod nō dictum sit prius.  
 Fateor equidē ex antiquorū lucubrationibus me ex-  
 cerpsisse quæ ad meum propositum conferre videban-  
 tur, & Galenū Hippocr. & Ptolomæū sequutū varia  
 cōpilasse, quæ huic nostro proposito seruire putabam:  
 sed eadem methodo tractasse & simul verborū serie  
 descripsisse penitus diffitemur. Si id reprehensione di-  
 gnum, merito & alij non vulgaris eruditionis accu-  
 sandi qui eandem ferme materiam tractantes hāc di-  
 uersimode, idq; vel compendiosiori vel faciliiori ratio-  
 ne dilatant. Verū quid hisce immoror? Certum est  
 mihi potius incultē indocteq; scribere, quā Epicuræū  
 nomen videar subiturus.

Iudicijs amor, aut odiū melioribus obstat.

Et quod scire graue est, carpere cuiq; leue.

Quare cū hoc seculo in omnes artium Mat-  
 hematicarum zoilea probrositas grassetur, certē  
 aliquis heros mihi quarendus fuit, sub cuius auspicijs  
 & tutela hi mei labores in publicum prodirent. Con-  
 sideranti autem mihi quem cui hanc meam qualem-  
 cumque faturam consecrarem rectissimē deligerem,  
 tu vnus mi Reuerende Domine Pralate occurristi,



## 6 EPISTOLA NVNCVP.

cuius Excellentia ( sic enim mibi citra controuersia polliceor ) quicquid nuncupatur ab omni iniuria immune est, vt quæ veluti Mæcenate propensione musis ipsis quā maximè faueat, adeoq; benignissimè easdē cū suis cultoribus foueat. Quæ causa est, vt eā docti agminatim etiam atque etiā suspiciant, magnopere colant, & cum summa reuerentia venerētur. Quam obrem & ego erga tuam dignitatem adeo sum affectus, vt omittere non potuerim ob tuum in me singularem affectum, quin aliquid mei erga te amoris testimonium darem: vt hinc quanti quoque tuam dignitatem eximiam faciam, quamq; intimè ob tuam erga me philiatrum benignitatem amem, liquidò intelligeres. Et si hac nostra mea fetura Domino tanto sit indigna, precor boni consulat, non tam munus ipsius quàm animum dantis expendens.

Sunt hæc præludia tantum

Post grauiore sono nostra Camena canet.

Accipe igitur studiosorum omnium Patrone hanc meam quaecunque operam nomini tuo consecratam hilari & exporrecta fronte. Atque à superciliosis quibusdam, & palliotenus astrologis vindicare digneris, qui calum terræ miscere malint, quàm committere vt quicquam ignorasse videantur. Quiq; omnem operam nauabunt, scio, quò me falsitatis redarguant, & ad τάλως δ' αὖ reuocent. Quod si tua excellentia fecerit, ad maiora deinceps nomini eius consecranda animus meus extimulabit. Christus eam plurimos in annos sospitem, & incolumen seruet. Antuerpia quarto Calendas Iulij. Anno 1569.

COR-



**CORNELII BVSENNII**  
Bredani, Medicinæ Doctoris Hen-  
deca syllabum.

*Quàm Doctus Medica Schylander artis  
Sit lector, facit hic palam libellus.  
Latis hunc oculis legas & equis,  
Nam paucis ibi multa continentur  
Vulgi quæ superant opinionem.  
Authorem quibus æstimare nosti,  
Ex parvis velut vnguibus Leonem.*

**Distichon**

*Parue liber si quis te tandem lumine cernat  
Lividus obliquo, dic, meliora lege.*

**A 4 COR-**



# CORNELII SCHYLAN- DRI MEDICINÆ ASTROLOGICÆ

de Crisi & diebus Criticis  
Pars prima.

## Periculosa esse iudicia.

### Caput I.



Non est aliquid magnificen-  
tius vel admirabilius in tota  
rerum natura, quàm naturæ  
pugna cum morbo, dum sti-  
mulata à corpore cælesti be-  
nignam & vtilem materiam à  
praua & inutili secernere cona-  
tur, & ad expulsionē præparare cum magna ac-  
cidentium exacerbatione: ita res est profecto vn-  
de energia influxuum in hæc inferiora facillimè  
intelligi possit, quæq; ob difficultatē nō medio-  
cri periculo affectetur, eo quòd iuxta Paremiã  
Græcam *Ὁὐ πάντες οἱ ἀνδρες ἐς κόρινθον ἐσθ' ὕπλεις*  
Vnde multis vsu venire videmus, vt ex astris sua  
vaticinia instituentes, in futilia incidant, & ne-  
phandos errores: dum citra rationem. citraq;  
delectum secus quã res se habet aliquid de mor-  
bi exitu pronunciant, pariterq; ægrotatē suis  
dictis perplexū reddunt, adeò vt nullus Orphe-  
us tam sit canorus, nullaq; tam salubris medici-  
na quæ eius animum denuo refocillare possit.  
Quòd quidem nos commouit, vt partim è me-  
dijs artis Astrologicæ præceptis quædam nostro  
proposito conuenientia deligentes: partim quæ  
diutino legendi studio sumus consequuti, & va-  
ria lectio-



ria lectione philosophorum, obseruauimus, ac-  
comodantes, de Crisi & diebus Criticis, & co-  
gnitione partis affectæ ex sola caelesti theoria ali-  
quid proponeremus. Non id quidem conantes  
artem hic totā vt complectamur, sed studiosis an-  
sam præbuisse contenti, quasiq; materiam quan-  
dam futuri operis subministrasse, nō inuidemus  
si penes alium sit vel tota gloria, modo à nobis  
ad medicinæ cādidos aliqua deriuarit utilitas.

Auctores qui de hac parte scripserunt.

Caput II.

**P**orro ne quis inuentum hoc neotericum ac  
nuper domi nostræ natū existimet, sciat hāc  
partem νεκκιν à Ptolomeo doctissimo locis va-  
rijs describi, & philosophos aliquot in huius vo-  
lumina alioquin obscura commentatos. Quod  
sane nequaquam facere poterant, nisi & hisce  
magnam laboris partem impēdissent. Quorum  
libri si hodie à nonnullis euoluerentur, non ad-  
modum futurū erat opus hisce meis præcepti-  
unculis. Accedit ad hoc quod non piguit viros  
disertissimos diligēter in hac parte physices ex-  
erceri. Vt Hippocr. testatur. Qui astrorum or-  
tus & occasus considerandos esse præcipit, nec  
non morbi naturam, ex Lunæ domicilio & reli-  
quis aspectibus cum planetis, prognosticatur.  
Idem Galenus inquit libro de diebus Criticis ter-  
tio, & in sua Mathematica vbi omnia hæc quam  
fussimè explicat, nihilq; intactum relinquit.  
Huius opinionis & Aristotelem fuisse, qui soler-  
tissimus causarum naturalium inquisitor extitit,  
satis eius monumenta testantur ab ipso exarata,  
A 5 in qui-



10      MEDICINAE ASTROLOG.

in quibus præcipit diligenter aspectus cæli esse considerandos, distantiam Lunæ à Saturno, & alia id genus quæ ab Alchyndo diligentissimè sunt conscripta.

Aliorum sententia de Siderum influxu.

Caput III.

**N**Eque quicquam mea refert, si quibus hæc Phisycæ pars vitio data est, qui oēs influxus bonos esse contendunt, negantq; Saturnum tantopere à philosophis decantatum malum esse, Iouemq; bonum. Siquidem ut ipsi affirmant sub ipso Saturno.

*Aurea prima sata est ætas, quæ vindice nullo,  
Sponte sua sine lege fidem, rectumq; colebat.  
Postquam Saturno tenebrosa in tartara misso  
Sub Ioue mundus erat, subijtq; argentea proles,  
Auro deterior, fuluo preciosior ære.*

Statis hic nobis est eorum facultates aliquando in nobis deprauari, aliquando salutare esse pro diuersa recipientis conditione. Si demonstrationes omnium effectuum exigas, & aliam rationem præter experientiam velis, quare tali aut tali qualitate sint planetæ prædici, vicissim sciscitabor quæ causa sit æstus maris, attractionis ferri in magnete, reciprocationis paroxysmorum in tertiana præcisè tertio die, & in quartana quarto? Si itaque horum quæ cōmuniter fieri conspiciamus causam ignoramus, non mirum videri debet si eorum quæ altioris sunt speculationis causa nesciatur. Quibusdam subinde rebus occultæ proprietates sunt ingenitæ, quæ nō sunt  
alicuius



alicuius elementi, quarum causæ latentes sunt, ita ut humanus intellectus rationibus ullis nequeat inuestigare. Ut videre est in Struthio camelo in cuius vetriculo ferrum cōcoquitur, nō ratio caloris vehementis, sed proprietatis à natura ingentis. Quamobrem nō ideo tollendus est astrorum influxus, quia nescitur cur astra potius ad hunc quam illum effectum inclinantur. Sufficit nobis doctissimorum virorum autoritas, qui hæc longa experientia edocti posteritati reliquerunt.

Duplicem esse Crisim.

Caput IIII.

**C**Risim bifariam terminari non arbitror obscurum esse, vel Galeno & Hippocrate testatibus, qui per euacuationem aut deriuationem materię ad membra remotiora hanc fieri affirmant. utpote per fluxum sanguinis, vomitum, secessum, yrinam, sudorem, sputum, lachrymas, saniem fluentem ex naribus vel auribus, per morbum icterum, abscessus, & bubones. Cæterum citius an tardius futura sit ex morborum natura & temporibus, aut ex periodorum inter se proportionis obseruatione intelligemus. Tertianæ siquidem si initio simul ut inuasit agnosci queat, ex ea ipsa licet sumere tum citam eius fore crisim. Si quotidiana, tardam: eaq; tardio rem si quartana. Morbi tempore æstiuo breues existunt, quod per id temporis humores redundantes perspirabili cute digerantur. Hyberno autem tempore quia intra corpus tanquam latibulis delitescunt, longi & tardius soluantur, perseuerantibus



rantibus nimium eorum causis, teste Hippocr. Comment. ij. Aphoris. vigesimoquinto, vbi inquit. Æstiuæ quartanæ plerunque breues: Autûnales longæ, & inter eas maximè quæ ad hyemē spectant. Singulis enim morbis celeritatē æstas: tarditatē verò hyems addere solet. Paroxysmorū etiam incrementa certum statumq; vigoris futuri diem ostendunt. Qui si maiori temporis intervallo anteuerterint, plus durauerint & vehementius afflixerint, haud pœnitendum morbi portendunt augmentum, celeremq; eius motionem esse & in proximo vigorem significant. Concitatiores autem morbi motus, si minores aut parui, & eadem hora qua pridie inceperūt postridie redant, longius abfore Crisim indicant. Neceffe est enim qui ita ægrotant, morbo impediri diuturniori, quàm si principij accessions horam incertam & inordinatā habere cōtigisset. Quum enim exacerbationum causa constans & firmata fuerit, eandem periodum & statam horam seruat, & solutu sit difficilis. Prætermitto signa Crisima, cuiusmodi sunt sudores, hæmorrhagia, dolor capitis, derepente natus, & alia sexcenta quæ duplicem adferunt prouidendi rationē, videlicet salutis propinquæ, si post morbi coctionem accidāt: vel criseos improbæ siquidem morbi cruditatem fuerint consequuta. Vt enim bona & laudabilis sit crisis, neceffe est vt die decretorio & cum signis concoctionis accidat. Porro qui sint eiusmodi dies, postea subiungemus.

Quas ad res conferat hæc dierum  
cognitio.

Capit



## Caput V.

**Q**UO itaque studiosa medicinæ inuētus pro-  
pēriorib<sup>9</sup> animis in hoc studiū incūbat, quas  
ad res conducat paucis aperiemus. Principio ad  
ægri conditionem cognoscendam, non parum  
adfert momenti, id est, quæ nam sit futura morbi  
conditio, hæc dierum diligens obseruatio. Pec-  
liariter autem confert ad refrenandum seu cohi-  
bendum ea quæ alioquin præ malignitate mate-  
riæ & cælestium orbium efficacia euenissent. A-  
strologus enim præsentiendo futura de longin-  
quo quasi obuiā it, nihilq<sup>ue</sup> quod ægro possit con-  
ducere prætermittit: atque tempore paroxismi  
quod ex siderum habitudine & motu præuidet,  
naturæ vehementer occupatę omnia permittit,  
ne ab extrinseco irritata tandem lassata det ma-  
nus. Non raro etiam vsu venit, vt homines mor-  
bi exitum desiderent, vbi si hac arte destituti, he-  
sitabimus, aut temerē alios spe vana lactabimus,  
pariterq<sup>ue</sup> & ipsi ridiculi nostram prodentes in-  
scitiam miseros consilio nostro enecabimus.  
Quod malum facillimè vitarit, cui in promptu  
erit dierū Criticorū cognitio, deq<sup>ue</sup> parte affecta  
ex stellarum configuratione iudicium. Neque  
verò mediocriter quoque contulierit hæc iatro-  
mathesis ad dietæ ordinationem, vt Galenus &  
Hippocrates sexcentis in locis testantur, vbi  
tantum de tenuitate victus remittendum esse di-  
cunt, quāto ab extremis. i. vigore morbus abfue-  
rit lōgius. Præterea obsecro quæ posset huius stu-  
dij pœnitere, quū videmus praxim hanc de parte  
affecta indaganda nō viso ægroto, aut aliquo e-  
iusdem excremēto, hac quæ de inspectione lotij  
est, multo esse veriore. Paradoxa esse fateor,  
sed



sed talia, quæ (modo nullum committatur erratū) proculdubio à quouis merito probari debēt. In quibus si falli contingat inscitiae practican-  
tis imputandum est, non autem ipsi arti. De cuius praxi in secundo tractatu scribemus.

Prima præceptio & causa dierum  
Criticorum.

Caput VI.

**H**Æc quasi præfati superest vt ad propositum haccingamur. Videmur itaque non absurdè facturū si præmoneamus primò diligenter obseruandum esse quo die ab hora inuasionis morbi aliquis affligi cæpit.

*Sudores enim febricitantibus boni, qui manare cæperint de Tertio, Quarto, Quinto, Septimo, Nonno, Vndecimo, Decimoquarto, Decimoseptimo, Vigesimo primo, &c. Qui secus euenerint morbi longitudinem significant. Febricitantibus enim si sexto die rigores incidant, iudicationem habent difficilem: Et alibi: Nisi diebus imparibus febris reliquerit, solet reuerti.*

Cuius causam volētes assignare veteres, coacti fuerunt recurrere ad cælestium corporū motus. Non enim virtuti regitiuæ corporis eiusmodi ascribendos putabant, cum huius non sit vlla ratio cur potius vno quàm altero die tale quid in corpore humano efficiat. Neque materiæ peccanti, cum alioquin motus in Choleris non de septimo in septimum, sed de tertio in tertium foret: in melancholicis autē, de quarto in quartū. Vnde cōpulsī mensē quē vocant medicinalem

con-



constituerūt, quē ab Heliaco ortu auspicabātur, id est, ab apparitione post cōiunctionē. Sed hæc opinio quā sit veritati contraria vel mediocriter in hac arte exercitato, perspicuum esse potest. Luna enim silente si quis morbo peracuto laborare incipiat, ut frequenter accidit, & tertio vel quarto die, hæc primum à coniunctione illuminetur, nullus hic dies Criticus assignari posset. Præterea cum ob obliquitatem Zodiaci & Horizontalis vel Eclipticę latitudinem, aut motus inæqualitatem, Luna nunc citius nunc tardius appareat illuminata, decretorius dies videlicet septimus, decimusquartus ob instabilitatem principij semper incertus erit. Approbanda itaque magis videtur aliorum hac in re sententia, qui diem criticum & Crisim per Lunæ motum metiri volunt, & habitudinem ad reliquos planetas. Sed dubitari hic potest, cur Hippocr. in Prognostico dicat: Insultus in febribus acutis in vigesimum per additionem terminari cum Aphorif. supra allegato vigesimiprimi faciat mentionem. Ex febribus, inquit, quæ pessimæ sunt aut imprimis malitiosæ, atque exitialia signa præ se ferentes quarto die aut etiam antè ægrotantem tollunt è medio. Ipsarum igitur primus impetus sic terminatur: Secundus ad septimum: Tertius ad vndecimum: Quartus ad decimumquartum: Quintus ad decimum septimum: Sextus ad vigesimū. Hactenus Hippocrates. Ad quod respondemus utrūque diē decretoriū esse, id quod ob Lunæ velocitatē vel tarditatē. Sed dies vigesimus frequentius longè: vigesimus autē primus in frequentius & cū maiori securitate. In hunc enim non cadit nisi dum Luna motu tardiori ad nonagesimum gra-



gradum utpote quadraturam pertingit, ad quem vigesimo die motu citatiore peruenisset. In decimum quartum, vel vigesimum primum nisi incidat malus aspectus, valde seruantur ægri, quoniam locus iste aduersatur initio morbi.

Erigendam figuram esse cum quibusdam  
Aphorismis.

Caput. VII.

**Q**Uum itaque aliorum sententia magis rationi cōsentanea est, qui Crisim diemq; criticū per motum Lunæ & habitudinem ad reliquos planetas, stellasq; fixas inuestigari volunt: operæ precium esse arbitror, si modum quo id fiat facillimè, paucis aperiam. Primò igitur habita hora decubitus ægroti, aut alicuius manifestæ læsionis operationum in corpore, ad eam Lunæ locus in signifero inquirendus est secundum temporis & loci exigentiam, ad quem additis octies quadraginta quinque diebus patebunt octo anguli, qui dies criticos, iudiciarios & quid in his futurum est pro cuiusque ægritudinis acutæ natura ostendent pulcherrimè. In quibus angulis reliqui quoque planetæ constituentur pro loci & temporis diuersitate. Quibus rectè dispositis attentè notandum est, ad quem post defluxum Luna sese applicet, aut à quo separata ad quem defluat, disiuncta cuius diametro aut quadrante affligatur. Coniuncta cuius congressui cōsociata suffragetur. Beneficis enim congressu vel aspectu copulata, præsentius & efficacius auxiliatur. Malis autem configurata, ad vitæ desperationem



nem morbum intendit. Quæ, vt particulatius intelligantur, Aphorismos aliquos subiiciam, ad quos ceu lydium lapidē figura examinanda est.

## APHORISMI.

**A**pplicatio Luna cum Saturno, malum, & hoc maioris maliciæ, quo motu tardior fuerit. Si autem retrogradus & ante oppositionem Solis recidua futura signum est.

Saturnus Orientalis à Sole, si morbus fuerit ex frigore, conualescet tandem: sin caliditate, in superabilis erit.

Contra, si Occidentalis à Sole extiterit.

Item Saturno augem sui circuli permeante, si fuerit morbus ex retentione, peierationis indicium.

Contra, si morbus ex solutione ventris proueniat.

In Coniunctione Luna cum Saturno: si Luna cursum intendit, timendum de aegritudine diuturna & crisi horrenda. Motu si tardetur aut augeatur lumine, minus mali quàm si lumine diminuta foret, significat.

Luna Marti iuncta, malum. Si lumine decrescens minuetur de malitia, crescetq; aegritudo si motu velociore prouecta luminis incremento turgescere incipiat.

Mars post Solis oppositionem non adeo formidandus, ac si ante oppositionem foret.

Mars in auge & morbus ex siccitate morbum intendit. Contra, in augis opposito & ex humiditate infirmitas.



In Coniunctione, si nec Luna, nec stella cui iungitur, fuerit latitudo, testimonium firmum de crisi: & quo latitudo maior, hoc magis deficiet de fortitudine indicij.

Luna in oppositione Saturni & Iouis, valebit quidem aeger, sed non euadet, nisi fuerit Saturnus, Retrogradus, & Iuppiter directus.

Luna cum Saturno & Marte, malum. Quos si aspexerit Iuppiter aut Venus, liberabitur infirmus.

Luna cum Ioue vel Venere, bonum.

Luna in initio morbi sine aspectu, si die Critico stellam aliquam aspiciat, melius vel peius agrotanti erit secundum naturam sideris.

Ad quadraturam vel oppositionem Luna ubi peruenit, sine aspectu vel applicatione alicuius planetae, si sit in domo sua, aut exaltatione, signum bonum: Sin casu vel opposito domus, vel in maleficum impingat, vel eius quadrangulum vel diametrum, malum.

Quæ dicta sunt, exemplo declarantur.

### Caput VIII.

**P**orro quod hæc quæ dicta sunt, facilius intelligantur exemplum adiiciam, de mercatore quodam insigni, qui tertio die à primo morbi insultu diem extremum clausit. Hic enim tempore decubitus Lunā in vigesimo septimo Scorpionis habuit in tertia cæli parte. Mercurium ascendentis Dominum Retrogradum & combustum in decima iunctum Soli, Venerem in sexta in quinto




to Piscium. Martem dominum mortis in septima. Iouem in quarta Retrogradum in vndecima Capricorni. Saturnum Retrogradum in Horoscopo in oppositione domini mortis. Quem cum aliquot medici non vulgares accessissent: omnes vnanimiter (quod tamē rarum est) cum ex lotio, tum aliis symptomatibus diuersis morbum periculo vacare constanter affirmauerunt: nec citra rationem vt apparebat, cum ex ijs quæ videbantur nullæ apparerent mortis significationes. At ego non penitus confidens huiusmodi, vtpote quæ facillimè ab influxu siderū in egrotis mutari possunt, ilico domū reuersus, erigo figuram cælestem ad primum morbi insultum, planetarumq; habitudine exactè considerata eorum significationem maximè opinioni aliorum medicorum contrariari reperio. Vnde licet primò ab alijs non dissenseram, collegi crisim se non vltra triduum extensuram, ipsumq; vitam cum morte commutaturum audacter pronunciaui. Quem admodum contigisse proculdubio non pauci videre.

Figura cælestis ad horam decubitus  
ægroti erecta, cum eiusdem  
explicatione.

B 2

Tabu-





Verum enimvero quibus rationibus inductus  
 id praefagiui, iam breuiter audi. Consideraui pri-  
 mo cui Luna iungeretur & vnde separata cui ap-  
 plicaret. Nam secundum applicationem bonam  
 vel malam symptomata vel mitigantur vel ma-  
 gis exacerbantur in aegrotante. Reperio quod  
 Luna secundo die ab egritudinis accessu in oppo-  
 situm Mercurij retrogradi & combusti, qui Do-  
 minus erat ascendentis impingat. Quo tempo-  
 re accidentia exacerbari videbantur, cum ob eius  
 combustionem, tum habitudinem quadratam  
 quam cum Domino domus mortis haberet. De-  
 inde paulo post video quod ad Solis diametrum,  
 & tertio die ad Saturni & Martis trientem defle-  
 ctat. Quo tempore maximis cruciatibus maxi-  
 maq; cordis angustia ob malitiam aspectuum &  
 eorum



eorum continuam successionem cōflictatum iri iudicauit. Vt quoq; accidit, adeo vt natura lassata amplius vehementiæ morbi resistere non potuerit, & insignis ille mercator implumis (proh dolor) ad cælestē Ierusalem sic auolarit. Ad accelerationem huius effectus faciebat Luna motu citiore prouecta. Et quia in istis diebus nullus fuit concursus Stellarum beneuolarum ad Lunam, nulla alleuiatio morbi & accidentium remissio fuisse significatur. Cuius habes paradigma.

Hæc conuenire cum doctrina Hippocratis, demonstratur.

Caput IX.

**Q**Uod circulum in tot partes diuiserimus, causa Hippocrates est, qui Libro primo Aphorismorum inquit:

*Index septimi quartus. Sequentis septimana octauus initium. Spectandus quoque est vndecimus, siquidem is secunda septimana quartus est. Rursum decimus septimus spectandus, is enim a quarto decimo quartus est, & ab vndecimo, septimus.*

Siquidem quarto die, quem indicem septimi constituit Hippocrates, Luna motu tardata paulisper, partem quadragesimam attingit, quam motu celeriori intra tres dies absoluit. Septimo autem die quæ Criticum dicit, ad quadraturam Luna festinat, nisi velox sit cursu, tum enim ad octuagesimam partem duntaxat peruenit in sex diebus perfectis. Ob quod crisis in sexta semper est mala, cum id fiat ex Lunæ motu velociori, & in parte quæ primo loco non aduersatur. Vnde

B 3 rigores



rigores quæ sexto die fiunt, iudicationem habere difficilem rectè inquit Hippocr. In septima crisis potest bona & mala esse. Nam si fiat ex tardo Lunæ motu ad octuagesimam partem, mala est: Sin ad nonagesimam, quod plerunque accidit, bona. Decimoquarto die Luna vadit ad oppositum loci in quo erat in principio morbi, vnde Crisis per se bona, seu Luna fuerit tarda siue velox, & ægri vt plurimum seruantur, nisi interueniat malus aspectus. *Morbi acuti intra quatuordecim dies iudicantur.* Vigesimo autem die tantum Crisis bona erit & laudabilis, cum Luna ab oppositione velox noningēta gradus paragrauerit. Sin velox aut tarda, vigesimo die in octuagesimum impingat, mala erit. Hippocrates huius vigesimi diei mentionem facit, non vigesimiprimi, quod rarius fiat, crisis vigesimoprime die, vtpote non nisi Luna cursu tarda post oppositionem nonaginta gradus absolvente. Hoc die quoque vt plurimum seruantur ægri, nisi aspectus nefarius impediat. Merito itaq; secundum Aphorif. in sexta Crisis semper mala: In septima valida & anceps: In decimaquarta valida & bona: In vigesima valida & frequens, plerunque mala: In vigesimaprima, rara sed bona. In decimatertia, mala.

Quo tempore & hora futurum iudicium.

Caput X.

**V**Erùm enim uero, quo tempus futuri iudicii cognoscatur dierumq; Criticorū: vide gradum quadranguli, diametri, vel coniunctionis cum



cum aliquo malorum planetarum, eundemq; in Ephemeride quærito, quem si præcisè inuenias, nullo prætereà opus est calculo. Ipso enim die & hora vigor futurus: sin minus, inuestiga gradū proximo minorem, eumq; substrahe à gradu quadrature vel oppositionis, vel coniunctionis, & residuum tibi horas pomeridianas denotabit, eius nempe, qui gradibus inuentis correspondebit pro binis partibus horam vnam computando. Haud secus morbi alleuiationem inuestigabimus, habitudinem Lunæ ad fortunas respicientes. Dicas si Crisis dependet à motu Lunæ radiis planetarum stellisq; fixis, qui sit Crisim vnus non esse similem alterius in hominibus qui eadem hora ægrotare cœperunt, & eodem temporis momento? Cui respondendum censeo diuersificari virtutē operantis, propter diuersitatem potentia recipiētis. Sol lutum indurat, & ceram liquefacit. Alia est natura pueri, alia senis, alia viri, alia mulieris. Nec inuenias duos adeo similis cōplexionis, vt vnus ab alterius complexione non differat. Vt Porphirius in prædicabilibus testatur. Personam inquires singularem esse cuius proprietates non reperiuntur in omnibus eadem. Essentia autem generica vel specifica, licet conueniamus singularitamē natura essentialiter quisque ab altero distamus.

## De morte vel salute ægrotantis iudicia.

### Caput XI.

B 4

Haftenus



**H**Actenus de dierum Decretorum & Criticorum inuentione ex constellatione. Reliquum est vt differamus quomodo ex eadem edocti de salute vel morte prognosticabimus. Hoc itaque vt recte fiat, erigendum est thema caeleste ad horam inuadentis morbi vel quaestionis propositae in duodecim domos (vt vocant) caelestes distributam, inq̃ ijs collocandi planeta cum parte fortunae, & horum mutua habitudine bene perspecta, de interitu vel vitae prolongatione, deq̃ accidentibus agrotis euenturis (vt dictum est) facillime iudicabimus.

Quippe à Domino signi emergentis, vel Luna, si ille impeditus fuerit, mortis vel sanitatis futurae significationes vt plurimum sumuntur.

Dominus enim ascendentis, & octaua se aspectu malitiae mutuo aspicientes, vel corporaliter iuncti, mortem indicant, nisi inter eos receptio fuerit. Periculosius tamen est dominum Horoscopi iungi malo vel Domino mortis eumq̃ recipere, quam mortis Dominum Domino ascendentis.

Dominator signi Orientis si ex sua retrogradatione separatur à sidere Dominium mortis sibi vindicante, desperationis indicium est, nisi propter retrogradationem à Sole fuerit combustus.

Astrum ceteris in Oriente prepollens, si est Dominus octauae & hora Dominus, significatio mortis, maxime, si illud aliunde impeditum fuerit, & morietur, quando perueniet ad gradum octauae sedis. Idem de sidere dominium in sexta sibi vindicante censendum est.

Dominus



Dominus Horoscopi vel Luna impediti, signum est mortis vel diuturnae infirmitatis.

Item Luna, Dominus sexta, vel anguli Orientalis combusti, retrogradi, aut dominus signi emergentis in angulo octauo coniunctus Marti vel Saturno, morbos ciebit lethales.

Luna in quarta domo cum Marte citra aspectum beneuoli, mortem significat. Luna Orientalis ultra duodecim gradus à Sole non distans, mortis nota, & quo Soli propinquior extiterit, hoc peius.

Luna cum Saturno decrescens in principio infirmitatis, aegritudinis diu duratura signum est: contra, si cum Marte fuerit. Luna in coniunctione Solis, mortis praesaga est.

Luna impedita in principio morbi, per radiationem malam vel coniunctionem, crasim frequenter dubiam & mortem significat.


Si ab hora qua quis agrotare cepit, Luna è combustione exeat, crescet aegritudo donec ad oppositum gradum perueniat: tum enim si iuncta fuerit, malo praesertim Domino mortis, periculum portedit, alias euasione. Sol & Luna dum sunt domini hora, & aspiciunt dominum octauae classis, agrotus non potest liberari.

Prope ascendens si fuerit infortuna ad duos vel tres gradus, signum est pessimum, & tot dies superstes mansurus, quot partes ab ascendente infortuna distiterit, si signum est mobile.

Pars fortuna infortunata vel eius significator ingrediens radios Solares, interitum denunciat. Item



pars fortuna prope caudam ad quatuor partes, vel sub terra, vel in octauo cali domicilio, vel habens aspectum malum ad malos, testimonium mortis. Quae in exemplo, manifesta euadunt.



Non praetermittendum esse hic puto, ne à nonnullis hic ignorantia accusetur, hanc iudicandi methodum, multo certiorē fore si Genesim egrotantis praesciuerimus, eiusque dominum cum alijs significatoribus duodecim (ut vocant) domorum: & potissimū si planetam dominantem in ascendente cognouerimus. Hic enim si hora interrogationis vel decubitus fortunatus, & bene dispositus fuerit, iunctus fortunis



nis aut in horum fortunatis aspectibus, non indicandum de morte ilico, licet dominator oriētis hora quæstionis infortunatus fuerit, in sexta vel octaua calis sede à Marte vel Saturno, sed tamen proculdubio ægritudinem periculosam fore, & malam, vnde tandem ager liberari potest, timendum est. Si Luna gradum Saturni aut Martis aut in fortuna alicuius natiuitatis hora quæstionis perambulauerit, & hi fuerint coniuncti aut in malo aspectu eodem quæstionis tempore, signum magnæ infirmitatis non sine periculo. De his autem qui plura desiderat, legat Mathematicam Galeni, & libellum Hippocratis de significatione mortis & vitæ, secundum motum Lunæ & planetarum in zodiaco. Nos alio properamus.

## Expositio Vocabuli ( Dominus . )

### Caput XII.

**I**N præcedentibus cum sæpenumero facta sit mentio dñi ascendentis vel alterius, ne lectoris imperiti animum suspensum detineamus, hoc capite explicaturi quid & quis is sit. Non enim omnis Planeta qualemcunq; dignitatem in gradu & signo Orientis habens Dominus eius signi est nuncupandus, sed ille qui fortior extiterit ibi in virtutibus essentialibus. Quemamodum Sol vnde vigesimo gradu Arietis, tempore diurno ascendens, ratione domus suæ, quinque dignitates habet, & minoris est efficacitæ: Contra si nocte vigesimus quintus gradus eiusdem signi supra Horizontem emergat, huius Mars ratione domus suæ



suæ & termini, Dominus dicitur. Sol enim quia  
ascensio nocturna & tertia facies Arietis in par-  
tibus illis solam exaltationem habet: Sin nocte  
secunda facies supra hæmispherium attollatur,  
ambo æquales sunt in facultate essentiali. Vterq;  
enim quinque dignitates possidet. Mars ratione  
domus, Sol exaltationis & termini. Non tamen  
ambo Domini sunt censendi, sed horum loca be-  
ne considerata sunt. Quantò enim planeta  
gradui ascendētis propinquior, tantò efficacior:  
Quantò autem remotior, tantò debilior, licet al-  
terū alter dignitate excedat. Si neuter planeta-  
rum in ascendente fuerit, quos eiusdem energie  
esse dicimus, videndum vter illorum sit in domo  
fortiori, in angulo vel succedenti, & meliori ra-  
diatione gradum ascendētis intueatur, eiusmo-  
di enim est dominium signi ascribendum. Ambo  
autem si in vno signo fuerint, considerandum  
vter maioris sit virtutis in parte ista, & potenti-  
or est pro Domino eligendus. Sin æquales, ille  
Dominus reputandus, qui est significator rei  
quæsitæ, aut radijs beneuolentioribus alium as-  
picit. Porro quale dominium quilibet planeta  
in qualibet zodiaci parte habeat, subiecta indica-  
bit tabella,

Tabula



Signa Zodiaci.	Domus Planetarū	Exalta- tiones.	Triplicitates.
♈ ♉ ♊ ♋ ♌ ♍ ♎ ♏ ♐ ♑ ♒ ♓	♈ ♉ ♊ ♋ ♌ ♍ ♎ ♏ ♐ ♑ ♒ ♓	♈ ♉ ♊ ♋ ♌ ♍ ♎ ♏ ♐ ♑ ♒ ♓	♈ ♉ ♊ ♋ ♌ ♍ ♎ ♏ ♐ ♑ ♒ ♓

[illegible]



[illegible]

Peregrinus dicitur Planeta, cum nullam possidet dignitatem.

[illegible]



31  
M E D I C I N A E  
A S T R O L O G I C A E D E  
P A R T E A F F E C T A , E T Q V A -

litate morbi ex motu Lunæ, eiusque  
configuratione ad reliquos Pla-  
netas in xij. signis Zodiaci

Pars II.



Edico itaque necessarium est ani-  
maduertere, quomodo tempore  
decubitus Planetę in singulis sig-  
nis sunt repositæ, & quam habi-  
tudinem cum Luna habent, cog-  
noscere. Ex progressu quoque Lu-  
næ per duodecim signa Zodiaci causæ morborū  
cognoscuntur: nam pro eo atque signa diuersarū  
sunt naturarum, diuersas quoque Luna in ijs  
producit infirmitates. Idque eam ob causam,  
potissimum, quod tempore infirmitatum, Luna  
plerumque in natiuitate peruenit ad quadratu-  
ram sui loci vel oppositionem vel coniunctionē  
alterius planetæ maleuoli. Quamobrem Astro-  
logi annum quartum, septimum, decimum, de-  
cimumquartum, vigesimum primum fatales es-  
se dixerunt, & quinquagesimum sextum in noct-  
urna genitura, & sexagesimum tertium in diur-  
na climactericos, quibus temporibus omnes ma-  
le valent: nisi Saturnus in diurna natiuitate, &  
Mars in nocturna principalioribus vitæ locis do-  
minentur: tum enim optimè homines in huius-  
modi annis valent, Galenus itaque in sua Mathe-  
matica



matica bene precipit figuram genituræ accuratè examinari debere. antequam de morbi qualitate, eiusque euentu quippiam prædicemus: ex ea enim singula, inquit, cognoscuntur, nihilque quod naturale est homini superuenit, quod ex cælesti consensu & sympathia non oriatur, & originem suam nō habeat. Verū quia hoc tēpus genituræ semper haberi non potest, hic praxim subiungimus, quomodo ex loco Lunę, eiusque habitudine ad reliquos planetas, de morbi alicuius natura, & parte corporis affecta, brevisue an diuturnus sit futurus morbus, lethalis, an non lethalis, iudicare poterimus. Nec nouum est, aut a nobis excogitatum. Hermes ille Trismegistus eandem praxim ad Amonem Ægyptium primus cōscripsisse legitur: & Galenus in sua Mathematica sciētia. Non temerè igitur quis his refragari debet, quæ constat experientia longa verissima esse cōprobata. Nihilominus id addo, hæc ad ea quæ precedenti libro dicta sunt deberi conferri, nec non ad ea quę sequenti libro sequuntur. Ex mutua enim horum collatione, multò certiores de morbo, deq; parte affecta erimus. Ad regulas igitur, in singulis duodecim signis Zodiaci.

### Luna in Ariete à Saturno impedita.

**D**Ecumbente igitur aliquo, dum Luna est in Ariete, tarda motu, & lumine decrescens, in quadrato, oppositione, vel cōiunctione Saturni, huic caussa morbi ex refrigeratione erit, in capite potissimum, cum capitis grauedine & distillatione catharri ad pulmones, nec non interiorum æstuatione, & partium extremarum frigiditate.

Quibus



Quibus aderit & animi deliquiū, & ventriculi fastidium, & sudores intempestiui. In huiusmodi Lunæ configuratione ad Saturnum, caueat sibi Medicus à venę sectione, sed adhibeat ea quę calefaciunt & ventrem emolliunt, & abstineat à catharticis diagridiatis & alijs quę ob venenosa ex quibus componuntur ventriculum & alia organa nutritioni seruiencia magnopere debilitant. Nam nisi in tali schemate Lunari beneficis planeta Lunam quadrangulo, aut Diametro aspexerit, ægrotus maximum paroxysmum expectet circa decimum octauum diem, ab hora inuasionis morbi vel decubitus. Si verò Iupiter vel Venus Lunam aliquo aspectu aspexerit, magnū quidem periculum egroto est subeundum: sed diametrum prætergressus incolumis euadet. Hęc de Mercurio minimè intelligenda sunt: nam hic si solus applicat Lunæ cum Saturno, proculdubio ægrotus morietur. Sin Mercurius vnā cum Marte Lunā ea qua diximus cōfiguratione intuetur, sanabitur, nec aliter de Marte quoque existimandū est, si in eo quo diximus schemate Lunā venientem expectat. Quando enim Luna ad oppositum perueniet, ægrotus morietur.

Luna in Ariete à Marte afflicta.

**L**Vna tempore decubitus motu & lumine afflicta, si Martem aut Solem radijs tetragonis vel oppositis aspicit, prouenient alienationes mentis, phrenitides, phlegmones, febres continuę, vigilię, insomnia, sitis, asperitas linguę, caliditas in thorace, dolor in hepate. In his cura auspicanda est à venę sectione, & exhibenda sunt  
C refrige-



refrigerantia & ventrem lenientia. Quod si citra testimonium fortunarum Saturnus radijs tetragonis Lunam ita positam aspicit, ultra septimum diem non viuet: præsertim si motu velociori & luminis incremento ad quadrangulum festinauerit.

Quod si decumbat aliquis Luna in aspectu Iouis aut Mercurij & Veneris existente, quamuis pro vtriusque planetæ diuersa natura, diuersas est productura infirmitates, & diuersa symptomata, tamen egrotus non morietur. Hi enim planetæ fortunæ sunt, & morborum impetus cohibent, & morbum qui ratione Martis aut Saturni lethalis foret curabilem efficiunt. Proinde Iupiter & Venus in singulis schematibus diligentissimè considerari debent, & videndum an rabie Martis aut Saturni rigiditatē refrenare queant: id quod facillimè cognosci poterit, cum ex coniunctione, tum applicatione horum quam habent cum Luna.

Locus igitur Lunæ primo morbi insultu considerandus est, & qualitas motus & luminis, & eiusdem habitudo ad reliquas stellas.

### Luna in Tauro à Saturno malè affecta.

**D**Vm ingruit morbus si Luna in Tauro, præsertim tempore diurno ex quadrato vel opposito Solem intuetur, morbus erit ex multitudine sanguinis cum astrictione alui: aderunt inflammationes, dolores colli, vigilia & appetentia rerum frigidarum & vini. In huiusmodi schemate



mate sanguinis missio utilis erit, & quæ vim aperiendi habent.

Luna in Tauro tempore ingruentis morbi, radijs tetragonis vel oppositis Saturnum aspi-  
ciens sine aliqua fortunarum configuratione,  
diem vndecimum ægrotus non superuiuet.

Luna in Tauro uti diximus posita, tarda motu  
& lumine deminuta quocunque modo Saturnū  
irradians affectus morbidus secundū naturam fig-  
ni erunt diuturni, & cognitu difficiles, cum viri  
um prostratione ac totius corporis debilitate in  
appetentia stomachi, nec non articulorum dolo-  
ribus. Oportebit in huiusmodi quamuis Tau-  
rus collum respiciat, præcipuam curā capitis ha-  
bere. Hoc enim est quod primario afficitur, licet  
non videatur: atque ideo totū genus nervosum  
compatitur, & præsertim stomachus. Hic sangui-  
nis missione opus est, & totius corporis eua-  
cuatione.

Si Luna postquam à Sole separatur, meliora  
iudicia ostendit, sanabitur egrotus, dum Luna ad  
diametrum perueniet: si vero separata peius quip-  
piam indicat, maximè se tempore decubitus nul-  
li fortunarum iuncta fuerit, ultra quatuordecim  
dies non viuet.

### Luna in Tauro à Marte impedita.

**T**Empore decubitus Luna in Tauro cū sche-  
mate Martis existens præcipuè aucta motu  
& lumine sed nondum semiplena, morbos pro-  
ducet circa collum & hypochondria, idq; ex in-  
gurgitatione & cibo nimio. Febres adderunt ca-  
lida, alui constipatio, asperitas linguæ, amaritu-  
do oris,



do oris, & sitis nimia. Ægrotus autem erit toruo aspectu, & facile contra astantes irritabitur. His conuenit sectio venæ, nec non adhibendum est, quod aluum lubricam reddit. Quod si videris Leonem in quarta domo, scias ægrotum facile incidere posse in cardiacam passionem: si verò post primam hebdomadam ægrotus peius valere incipit, procul dubio morietur. Quamobrem in his exactè oportet considerare, quibus horis Luna beneuolis applicat: nam tum si cibus aut potus offertur, plurimum conducit, aliàs nocet, licet vulgari medicinæ aduersetur.

Quod si Luna in ea qua diximus configuratione Martis, Iouem, Venerem vel Mercurium aspexerit, siue motum augeat, siue deminuat, indubiè decimoquarto vel decimoquinto die certa salutis indicia aderunt. Quamobrem, si hæc medicus præcognouerit, naturam minimè multis pharmacis molestabit: vnde plus nocementi quàm adiuuamenti in tali Stellarum schemate prouenire certum est.

Luna in Geminis à solo Saturno, vel  
Saturno & Marte impedita.

**T**Empus decubitus si fuerit Luna in Geminis, motu & lumine decrescente in conjunctione Saturni, vel quadratura vel opposito causa morbi primaria & principalis erit ex nimis laboribus, vigilijs, & maximè ex itineribus. Quod sitū Luna motu augetur & lumine crescit, morbus se breui aperit. Augescit enim morbus à tertio die vsque ad vigesimum. Erunt febres lentæ & macies corporis, quæ assidujs laboribus



ribus exinanito sanguine cōtracta est, cum gra-  
uitate & duritie splenis, & sudore multo. Si  
Mars in tali configuratione Lunam infauſtis ra-  
dijs affecerit, post diem trigesimum obibit: si be-  
neuoli Lunam suo suffragio iuuerint, chronicis  
& periodicis morbis detentus tādē sanabitur.

Luna in Geminis à Marte solo, vel  
Marte & Saturno afflictā.

**S**I quis decumbit, dum Luna est in Geminis,  
cui Mars tetragonum, vel Diametrum of-  
fert, vel coniungitur, augescēte eius lumine &  
motu, morbo exitiali laborabit, & molestissimo.  
Erunt febres continuæ, inflammationes visce-  
rum, pulsus inordinati. In his sectio venæ est cō-  
ueniēs. Si Saturnus suis radijs infelicibus alicū-  
dē, quoque in tali schemate Lunam impedierit,  
mors differtur ad diametrū Martis vsque. Quod  
si à beneficis Luna adspicitur, post magna peri-  
cula sanabitur.

Quicumque morbo corripitur, Luna in Ge-  
minis existente, causæ morbi erunt, labores &  
balnea, & morbus eiusmodi humilitate exagge-  
ratur magis. Quod si Saturnus & Mercurius v-  
nā Lunam cursu tardam, & à Sole abcedentem  
adspiciant, dolor erit in lumbis & calor in toto  
corpore, & ad similitudinem ambustorum in su-  
perficie corporis dolebit. in tali casu nulla medi-  
cina ante septimum diem est propinanda. Quod  
si Luna cursu tardiori in Solis coniunctionem  
prouehatur, sine dubio morietur. Sin autem tē-  
pore decubitus beneuoli planetæ Lunam suis ra-  
dijs iuuerint, infirmus ex vna egritudine in ali-



am incidet, & ischiades & id genus articulares morbos patietur.

Si ad signum Geminorum tempore decubitus inchoati, beneuolæ stellæ schema suum porrigunt, siuè Luna tardiori, siue citatiori cursu moueatur, medicatione opus non erit.

### Luna in Cancro à Saturno oppressa.

**E**X balneo vel refrigeratione illi aduersa valetudine affliguntur, qui morbi impetum sentiunt Luna in Cancro afflicta, cui Saturnus vel præsens iungitur, vel porrigit diametrum aut tetragonum: aderunt simul & distillationes in pectus, tusses, constipationes, febres non violentæ, sed malignæ, pulsus parui & debiles, grauitas in lateribus. His conueniunt omnia quæ calefaciendi vim habent: si ex beneuolis nemo Lunam intuetur, longiore ægritudine detentus, post diē quadragesimum obibit: at si beneuolus aliquis Lunam aspicit, plurima mala perpeßus, tandem sanabitur.

### Luna in Cancro à Marte impedita.

**S**imiliter Luna à Marte in Cancro oppressa obconiunctionem corporalem, aut radiationem tetragonam aut diametralem ægritudinis origo erit ex nimio vomitu, cholera, ventriculi subuersione: huic contra medicorum opinionem, conueniunt quæ constringunt & refrigerant. Quod si Luna nihil auxilij à beneficis habuerit, septimo vel octauo die morietur. Sed si beneficorum

auxilio-



auxilio Saturni vel Martis malitia retundatur, septimo vel octauo die conualescere incipiet. Tarditas Lunæ in hisce schematibus, malū auget, similiter luminis deminutio.

Luna in Leone à Saturno  
afflicta.

**L**una in Leone à Saturno afflicta, morbos ex sanguinis abundantia clebit, & humorū cruditate, aderit grauitas thoracis & hypochondriorum cum astrictione alui, & caliditate interna. Quod si id fit sine fortunarum aspectu, circa diem mortem egrotus intercipietur: aliàs liberabitur.

Luna in Leone à Marte  
afflicta.

**L**una in Leone in coniunctione Martis vel Quadratura, vel oppositione ex plenitudine sanguinis morbus orietur: aderunt febres cum fluxibus alui, pulsus debiles, sincopis, deiectione appetitus, somnolentia & languor totius corporis & affectus cordis, & nisi succurrant benefici, die nono, aut paulò post morietur.

Si Mars & Sol vterque aucto motu Lunam, tempore incepti decubitus intuentur, cardiacam passionē infra quintū diem nullo modo euadet.

Si Venus aut Iupiter Lunam aspexerint, dum quis morbo corripitur, spes est certissima salutis futuræ circa quartum diem.

Si Luna solā motu deminuta in Leone sit, spes



etiam est firma salutis. Si Luna in Leone aucta motu reperitur, & Saturnus ex decima domo hanc aspicit, conualefcet circa diem quartū, vtrius tamen dolores & inflationis patietur.

Si Luna in Leone & Saturnus & Mars, vel alius quicumq; eam aspicit, soluentur morbi penitus, vbi ad diametrum peruenerit.

Si Luna à nemine aspicitur, aucta motu circa oppositionē suā, à morbo egrotus liberabitur. Si motum minuit circa Solis coniunctionē, morbum deminuet, recidiuā tamen sæpius patietur.

### Luna in Virgine à Saturno afflicta.

**L**una hostili aspectu vel cōgressu Saturni in Virgine impedita, causam mali ex cruditate, dolore in ventriculo, intestinis, phlegmone in hypochondrijs dabit, aderit febris cū alui adstrictione inordinata, pulsus profundi frequētes & debiles. Quod si id fit sine testimonio beneuolorum, circa decimum quartū diem morietur. Si vero beneuoli clemētia Saturni inclementiā superat, lōgæuus esse poterit, sed valetudinarius.

### Luna in Virgine à Marte afflicta.

**M**ars Lunam in Leone congressu suo, vel radijs inimicis vitians, fluxū ventris causabit cū exulceratione intestinorū, febribus quoque cum stomachi debilitate, vexabitur æger, & nisi Lunam boni aspiciant, morietur die trigesimo: aliàs sanabitur.

Si quis decumbit dum Luna est in Virgine, patie-



tietur celiacam passionem, torsiones ventris & inflationes, quæ à debilitata digestionem ventriculi originem suam habent. quæ vëter excernit fluida erunt: quæ autem vesica, viridia & male olentia. aderunt punctiones in diaphragmate.

Si Luna motu tarda citatiori motu prouehatur, & Mars aut Mercurius & Sol illam in Virgine aspiciant, timendum est de insania.

Si Lunæ in Virgine, Saturnus cum Mercurio aut Venere, aut Ioue schemata porrigat, egritudo splenetica & nephritica erit.

Si Luna tempore decubitus sit vacua cursu, siue motum augeat siue minuat, futuræ sunt hemorrhoidum fluxiones: si Iupiter Venus aut Mercurius eam aspexerint, circa diem quintum fluere desinent.

### Luna in Libra à Saturno impedita.

**L**Vna dum Saturno iungitur, vel eum ex Virgine aspectu tetragono aut opposito intuetur, morbus procedet ex nimia vini potatione & crapula. Quod si Luna motu deminuat, & morbus sit nocturnus, erunt dolores capitis, catharri ad pulmones, vnde tusses & febres continuæ. Si verò Saturnus vnà cum Marte Lunam ita aspiciat, procul dubio vbi Luna ad diametrum veniet, morietur.

### Luna in Libra à Marte oppressa.

**M**Ars dum Lunæ in Libra existenti iungitur, vel eum radijs quadratis vel oppositis aspicit,



cit, erit morbus ex nimia sanguinis copia, febres acutæ, syncopis, vigilia, viscerum inflammatio. Quod si fit citra beneuolorum aspectum, intra dies decem morietur: alioquin sanabitur.

Luna in Libra diffundit materiam morbi in membra externa, quæ inflammabuntur, & dolent: calor tamē in profundo est maior, ægrotus continuo oculos occludet, cū tamen non dormiat.

Si Saturnus & Venus aut Mercurius, aut uterque Lunæ motus suos minuendi accedit, circa diametrum omnino phreniticus ægrotus erit, & morietur. At si Saturnus solus adest Lunæ, & Luna motum suum augeat, plurima in principio & augmento patietur, sed circa diametrum, conualecet.

Si Sol & Mars Lunam in Libra aspiciunt, erūt cephalalgia, rheumatismi, hemicranei: si Mercurius adfuerit, aderunt suffusiones oculorum, & dilatationes pupillæ.

Si Luna à Ioue vel Venere irradiatur, sanantur infirmi. Si nemo se Lunæ offerat aut aspiat, & sit motu deminuta, morbi maligni & difficiles in oculis præsertim prouenient: sed Luna ad diametrum veniente, soluuntur.

### De Schematibus Lunæ in Scorpione.

**L**una à Saturno coniunctione vel radijs hostilibus oppressa, erit morbus ab inflammatione inguinum & locorum circa anum & pudenda. Si Luna motu veloci moueatur, & beneuoli eam aspiciant, facile conualecet infirmus.

Si verò Luna à Marte impedita fuerit, & mo-  
tus



tus suos minuat, & lumen, cum aspectu beneuolorum ultra vel citra tetragonum, vel diametrum sanitati restituetur.

Dum Luna in Scorpione, origo mali erit, ira, contentio, vel iurgia, inflammatio partium in abdomine circa sedem aut vesicam, febres à die tertia augentur.

Lunæ auctæ motu in Scorpione, si Mars adfuerit à diametro præsertim, periculum est læsionis per ferrum. Si autem Sol coniunctus fuerit, periculum erit apostematis pleuritici, iudicantur & liberantur infirmi ab hoc morbo fluxu sanguinis.

Lunam in Scorpione ad Solis coniunctionem euntem, motu diminuto, si Saturnus aspexerit, vel ei iunctus fuerit, labefactabitur longitudo morbi, infirmus, qui erit defluxus ad anum aut pudenda, & nisi beneuolus Lunæ auxilietur, morietur.

Si Luna motu aucta eadem cum Saturno configurationem habuerit, uti diximus, eadem mala erunt, sed minus periculosa, tamen chronica & diuturna.

### De Schematibus Lunæ in Sagittario.

**S**I Saturnus Lunæ iungitur, aut suis radijs eam impedit lumine & motu decrefcentē ex fluxu & tenuium & acerborum humorum decursu, morbus orietur, cum articulorum doloribus, horrore febrili, & extremitatum refrigeratione: aspectus beneficorum ægrum liberat.

Luna à Marte in Sagittario oppressa, lumine & motu crescens ex crapula & plenitudine letales



les procreat morbos, febres biliosas, pulsus languidos. Quod si Lunam beneficus non aspexerit, septimus dies egrotum è medio tollet : sin à benefico aspiciatur vsque ad oppositum Lunæ, egrotus affligetur, deinde restituetur.

Natura huius signi est, vt ægrotis vigilias incutiat continuas, & noctu maiorem afflictionem quàm de die commoueat, vnde maximè debilitantur infirmi.

### Luna in Capricorno à Saturno vel Marte afflictæ.

**S**I Saturnus Lunam in Capricorno opprimat motu & lumine deminutam ex balneo, morbum prouocat, adsunt catharri tenues, grauitas pectoris, & in pulmone difficultas respirandi, febres cum rigore, idque magis noctu quàm in die, & nisi bonus aliquis Lunā aspiciat, die vigesimo primo morietur. Si boni verò Lunæ cōgre-  
diantur aut aspectu aut coniunctione, longā pul-  
monis egritudinem perpeffus, tādē sanabitur.

### Luna in Capricorno à Marte impedita.

**M**Orbum à leſa concoctione, quam vomitus & cholera subsequuntur producit, affectus iste est perniciosus & acutus, cum neruorū dissectionibus, & bile mordaci & acri in intestinis & ano, & nisi fortuna Lunā aspiciat, die quinta aut septima morietur.

Si Luna motu tarda in Capricorno sine aliquo aspectu, & circa cursus sui incepti, diametrum,  
ipsi



ipſi Saturno corpore vel radijs iungatur, in ſummo discrimine ægrotus erit. Quod ſi Mars aut Sol vnâ aſpiciat, tranſmutabitur morb⁹, fietque periodicus. Sin Luna motum ſuum augeat, & ei circa diametrum Saturnus aut Sol, vt diximus, iungatur, futurus eſt morbus periculoſior.

### Luna in Aquario.

**Q**uando Lunam & tardam & velocem lumine vel crescente vel decreſcente, Saturnus in Aquario opprimit ex labore laſſitudine aut vigilijs, morbum excitabit, & conualeſcet benefici Lunâ aſpicientibus circa incepti curſus diametrum.

Si Lunam Mars in Aquario & motu tardam & lumine decreſcētem affligerit, morbus in inguinib⁹ aut cruribus aut pudēdis erit: febres continuæ & ardentes. Sed æger vno de viceſimo die vires recuperabit, auxiliante potiſſimum benefica. Si verò Lunæ augmentanti ſuos motus præſens Mars iungitur, aut aliquod ſchema obicit, futurū eſt, vt infirmus circa incepti curſus tetragonū, animo delinquat. Quod ſi circa tetragonum morbo nihil decedat, morietur in Diametro.

### Luna in Piſcibus.

**L**Vna in Piſcibus à Saturno afflicta, motu & lumine deminuta morbi origo refrigeratio, ex balneis, quam ſubſequētur diſtillationes, febres erunt continuæ cum rigore, quarum acceſſiones erunt duplices, erit dolor capitis, punctio-  
nes



nes ad thoracem, grauitas in hypochondrijs & articulis. Quod si Luna beneficis non iuuatur in opposito Saturni, morietur: sin applicat beneficiis, superata diametro, sanabitur: sed longum & diuturnum neruorum cruciatum relinquet.

Luna in Piscibus à Marte oppressa, motu velox & lumine crescens, ex vini potatione & cruditate morbi causas mouebit: morbus autem à die tertia vigorem maiorem accipiet, afflictiones noctu maiores, aderunt deliramenta, phrenesis, capitis dolores, sitis vehemens: & nisi fortuna aliqua Lunam aspexerit circa primum tetragonum, mouetur: alioquin post diametrum sanabitur.

## NOTANDVM.

1 **S**I Luna Iouem & venerem aspicit motu aucta, & radijs Martis & Solis oppressa, moritur agrotus.

2 Periculum est excalescere corpora, quando Luna motu & lumine aucta, in Martem aut Solem impingit.

3 Periculum est refrigerare corpora, quando Luna motu & lumine deminuta, in Saturnum aut Mercurium impingit.

4 Quando vno die & eadem hora agrotare duo incipiunt, animaduerte ad etates illorum, ac eas mutuo sibi confer: iunior enim citius sanatur & facilius (pro diuersitate morborum quos iam circa singula signa diximus) si Luna minuit motum suum & lumen Saturni vel Mercurij schemate exposita.

Econ-



*Econtra, iuniori magis imminet periculi, circa tetragonum incepti cursus, aut diametrum, si Luna motu & lumine aucta, radijs maleficis Martem aut Saturnum aspiciat.*

*5 Magni momenti est angulos celi considerare tempore decubitus. Si enim dum morbus incipit, beneuoli planetae sunt aut in Horoscopo, aut medio celi. Luna autem in quadratura aut opposito malorum, non leue est inde ad consequendam salutem auxilium.*

*Si econtra, maleuoli sunt in Horoscopo, aut medio celi, Luna existente in sehemate bonorum, magna est salutis futurum impedimentum.*

*6 Diligenter Medicus inquirere debet de die, & hora decubitus, & considerare situm celi, sine cuius consensu nihil fieri potest: sed de hac alibi fusius, ubi probabimus, partium crases aut temperaturas, non ab elementorum commixtione, sed à calo tantum causari.*

ME-



# MEDICINAE

## ASTROLOGICAE DE

### COGNITIONE PARTIS AFFECTÆ

non viso ægroto aut aliquo eius  
excremento

## PARS III.

### Caput I.



Osteaquàm de inuentione dierũ Criticorum diximus quæ occurrebant qua potuimus breuitate: reliquum est vt simili compendio de inuestigatione partis affectæ non viso ægroto, aut aliquo eius excremento perstringamus. Verũ ne illotis, quod aiunt, manibus eius praxim auspicemur, operæpretium esse putauimus, ea quæ ad quæstionẽ pertinent præmonere, Eueniunt enim quãdoque in quæstionibus Astrologorũ iudicia nõ vera, vel propter errorem instrumentorum, vel dum Planetæ, quæ rem concedunt vel denegant, sunt æquales, vel propter interrogantis malitiã, qui non sincerè super ægritudine consulit, sed dũ taxat caussa tentandi & fallendi Astrologum. In huiusmodi est differẽda responsio, quem admodum & legimus Indos factitasse, qui interrogationem distulerũt, nec aliquid certi affirmarunt, dum septima domus, & eius Dominus impediti forent, veriti ne in errorẽ inciderent. Non enim quolibet mentis motu Astrologus consulendus est,



est, sed cum fiducia adeundus. Eueniunt enim hæc secundum sollicitudinem & interrogantis confidentiam. Hæc itaque vt absint, necesse est, priusquam de quæstione proposita aliquid determinetur. Porro fucum interrogationi subesse cognoscetur, si ascendens fuerit inter finē vnius signi & principium alterius: vel si Dominus eius & horæ Dominus non sunt idem, vel eiusdem complexionis, vel triplicitatis, vel si fortunæ & infortunæ sunt æquales, vel dum septima & eius Dominus sunt impediti. Id quod legimus à multis probatum esse, & à meipso centies expertum esse, cum laude & honore fateor.

Significationes Domorum.

Caput II.

**H** Abita quæstione radicali vltcrius cognoscendum est, quæ domus huic vel illi membro est appropriata, & qualis ille est qui de morbo consulit Astrologum.

Siquidem prima domus datur *Capiti*. Secunda, *Collo & gutturi*. Tertia, *Brachijs, Manibus, Humeris*. Quarta, *Pulmoni*. Quinta, *Stomacho, Hepati, Lateribus, Dorso*. Sexta, *Inferiori Ventriculo cū intestinis*. Septima, *Renibus, Pudendis, Fæmori*. Octaua, *Testiculis, Vesicæ*. Nona, *Podici, Nativibus*. Decima, *Coxis, Genibus, Poplitibus*. Vndecima, *Cruribus ad talos vsque*. Duodecima, *Pedibus, Podagra*.

Item qui de morbo consulit si fuerit ægrotus ipse, vel amicus nullo sanguine iunctus, vel rogatus

D

gatus



gatus, eligatur Dominus ascendens, & hepatis  
detur quinta. Si frater, vel soror fuerit, qui de  
morbo apud Astrologum inquit, sumatur Do-  
min<sup>us</sup> tertie, & detur Iecinori septima. Si seruus,  
ancilla, vel Patruus, quærat Rector sextæ clas-  
sis, & tribuatur hepatis decima. Si filius, vel filia,  
sumatur princeps quintæ, & hepatis detur nona.  
Si Auus, Dominus septimæ, & hepatis vndecima.  
Si Aua, rector decimæ, & hepatis secunda. Si A-  
mita, inquiratur Dominus duodecimæ, & detur  
hepatis quarta.

### Cuius Anguli Dominus eligendus.

Quide morbo cō sult si fuerit	{	AEgrotus	{	ascen- dentis	{	Quinta
		Amicus nullo san- guine iunctus				
		Rogatus				
		Frater, Soror				
		Servus, Ancilla				
		Filius, Filia				
		Auus				
		Auia				
	{	Amita	{	Sumatur dñs	{	Septima
	{		{	Tertia	{	Decima
	{		{	Quinta	{	Nona
	{		{	Septima	{	Vndecima
	{		{	Decima	{	Secunda
	{		{	Duodec.	{	Quarta



# PARS TERTIA.

51

## Qualitates Signorum.

♈	Calidum siccum	♎	Calidum humidum
♉	Frigidum siccum	♏	Calidum humidum
♊	Calidum humidum	♐	Calidum siccum
♋	Frigidum humidum	♑	Frigidum siccum
♌	Calidum siccum	♒	Calidum humidum
♍	Frigidum siccum	♓	Frigidum humidum.

## Aliud.

♈	♎	♈	mascul.	diurnum	Cholericum
♉	♏	♉	femini.	nocturnum	Melancholicum
♊	♐	♊	mascul.	diurnum	Sanguineum
♋	♑	♋	femini.	nocturnum	Phlegmaticum.

♈	♋	♎	♑	mobile
♉	♌	♏	♒	fixum
♊	♍	♐	♓	commune

♈	♉	♊	♋	♌	♍	Septentrionalia
♎	♏	♐	♑	♒	♓	Meridionalia.

♈	♉	♊	♋	♌	♍	multarum
♎	♏	♐	♑	♒	♓	paucarum
♈	♉	♊	♋	♌	♍	æqualium

ascensionum.

## Quas in corpore procreent Planetæ infirmitates.

## Caput III.

D 2

Cognita



**C**ognita duodenarum partium (quas Domos vocant) significatione, & significatore infirmi, diligenter explorandum est quas in corpore hic procreet ægritudines, & signū cui inest, cuius sit qualitatatis. Planetæ enim calidi in signis calidis maiorem habent effectum, quàm si in frigidis essent. Proinde & natura signi & planetæ dominantis, exactè notanda est. Quæ vt bene teneantur, hæc sequentia indicabunt.

h { Orientalis, frigidus & humidus. Occid. frigid. siccus. Causat	{ Ptisim Scrophulas Glandulas Hydropem Cancrum Podagram Quartanam Lepram Ictericam nigram, & quæ proueniunt à frigiditate & siccitate.
---	---

4 { calidus humidus temperatè	{ Squinantiam Peripneumoniam Cephaleam Synochum & alias ægritudines	{ ex abundantia sanguinis.
----------------------------------	---	----------------------------

♂ calidus siccus	{ Febrem tertianā Caulona Pleuritida Hæmicraneam Antracem Erisipelat. Continuas	{ ex cholera rubra
------------------	---	--------------------



♀ { calida humi-  
da tempera-  
te, unde { Morbi frigidi  
& humidi  
Apostemata  
fistulae, ægritudi  
nes circa genitalia. frigid. humid.

♀	{	Orientalis Calidus	{	Infaniam
				Mentis turbationem
{	{		{	Maniam
				Sputi abundantiam
{	{		{	Tussim
				Raucedinem
{	{		{	Epilepsiam
				Letargiam
		Occidentalis siccus est		Opilationem fellis

Omnes species melancholiæ complectitur.

à {  $\begin{array}{l} \text{♂ vique ad primam } \square \text{ calida humida} \\ \text{prima } \square \text{ ad } \delta \text{ calida sicca} \\ \delta \text{ ad secundam } \square \text{ frigida sicca} \\ \text{secunda } \square \text{ ad } \text{♂} \text{ frigida humida.} \end{array}$

Significat C. { Paralifim  
Vultus obliquitatem  
Membrorum commotiones  
Morboſ ex neruorum opilatione.  
Apoſtemata Phlegmatica.

D 3

Quas



Quas corporum partes Planetæ in quolibet signo respiciant.

♄

♃

♂

☉

♈	pectus	Venter	Caput	femora
♉	Venter	dorsum	Collum	genua
♊	Venter	Verenda	pectus	Crura Tali
♋	Virilia	femora	pectus	pedes
♌	Verenda	Genua, femora	Venter	Caput
♍	Pedes	genua	Venter	Collū
♎	Genua	Caput Oculus	Verēda	humeri
♏	cauill. succed.	pedes	Cor brachia femora	Cor
♐	Pedes	Caput Crura	Manus pedes	Venter
♑	Caput pedes	Oculus Genua	humeri Crura	dorsum
♒	Caput Collū	humeri pectus	cauillæ	Verēda
♓	Collū humeri	Caput Cor	Venter cauillæ	femora



**PARS TERTIA.**  
**Quas corporum partes Planetae in quo-**  
**libet signo respiciant.**

55

	♀	♀	☾
♈	pedes	Crura	Caput
♉	Caput	pedes	Collum
♊	Collum	Caput	brachia
♋	brachia Cor, hu meri	Oculus Guttur	Caput Stomac chus
♌	Cor	guttur, humeri	Costæ Cor Stomac.
♍	Venter Stomac.	Cor	humeri Diaph.
♎	Caput	Venter	Cor Ilia nates
♏	Verenda succede.	dorsum	Venter Verenda
♐	brachia femora	Cor Verenda	dorsum femora
♑	Cor femora	Verenda succede.	femora genua
♒	Genua	Cor femora	Verenda Tibia
♓	Collum dorsum	Verenda Crura	femora Pedes
	D 4		Ex



Ex præcedentibus quomodo iudican-  
dum sit, demonstratur.

Caput IIII.

**E**X astrorum itaque positione hora, morbi vel quæstionis propositæ iudicaturus, inquire almutem horoscopi vel alterius domus pro interrogantis differentia, vti dictum est per multiplicationem dignitatum essentialium, & considera quis planetarum malorum ab eo, vel à quo ipse separatur: secundum enim statum & naturam eius, à quo iste seiungitur, aut contra, erit ægritudo, vel Sanitas in homine. Recessus planetarum præterita representat: Accessus autem futura denunciat. Atque illa corporis particula malè afficietur, quæ per angulum in quo planeta corrumpens reperitur designatur, dādo primam domum Capiti, Secundam Gutturi, tertiam, brachijs, vti supra dictum est.

Communiter tamen à sexta domo, & eius domino, aut duodecima si morbus fuerit inueteratus, particula laborans inuestigatur, nec non à planeta vnde remouetur Luna. Aut à gradu dominatoris horæ secundum Hali in gradum Solis. Vbi enim partes ab Oriente proiecti finiuntur, in illius signi membro, morbum esse affirmat.

Porro almutem hic seu significator infirmi si infortunatus supra hæmispherium nobis conspicius extiterit, morbum in dextra corporis parte indicat esse: Sin intra finitorem, in parte corporis leua. Si in signis diurnis, in parte anteriori: Sin nocturnus, posteriori. In partibus autem mul-



multarum ascensionum si fuerit, totum corpus affligetur: Si paucarum, indicium fiet de truncatione membri: Sin æqualium, cordis affectionem notat.

Planetæ retrogradi & combusti cum Saturno & Marte, sunt stellæ corrumpentes. Hi enim infortunant alios cum quibus habet affinitatem, per separationem applicationem vel aspectum. Combustio fit ad duodenos gradus, & ad quindecim dicitur esse sub radijs. Separatio autem dicitur levis planeta à ponderosiori remouetur, & alteri iungitur.

Almutem autem hunc radios ingredi Solares, & cõburi à Sole malum portendit. Similiter Saturnum aut Martem esse in Scorpione, aut in fine Libræ, Horoscopo, domo quarta, sexta, vel octaua. Vt enim illa duo sidera sunt reliquorum infortunia, sic hæc signa signorum infortunia appellantur. Quæ omnia vt facilius ab omnibus intelligantur, exemplo vno declarabo.

Exemplum eorum quæ hætenus dicta sunt.

Caput. V.


**P**RO diuersitate consulentium (vti dictum est antea) diuersi morborum significatores sumendi sunt. Proinde in hac figura quia frater ægro-  
tantis me adiuit, aspicio domum tertiã, quæ fratrum locus est. Eiusq; Domino inuento, video vnde ipse, aut quis ab ipso planetarum dissociatur. Inuenio itaque Martem morbi significatorem in septima cæli parte, in signo nocturno, & paucarum ascensionum per oppositum aspectum à

D 5

Saturno



Saturno separatum. Vnde ilico colligo ipsum nephriticum esse, idq; potissimū in dextera corporis parte.



Item ob positum Saturni in prima cæli parte, qui est rector sextæ sedis, ex capite ipsum laborare audacter pronuncio, præsertim in occipitio.

Verum euimuerò, si amicus nulla affinitate iunctus, vel rogatus quisquam me de ægritudine cōsuluisse, dominum Horoscopantis signi, pro morbi significatore accepissem: videlicet Mercurium combustum, qui per retrogradationem à Sole separatur in vndecimo cæli loco. Cuius significatio cum ob cōbustionem tum retrocessionem nemini non perspicua esse potest.

Ali-



Aliqui ex quantitate distantiae Almuten à Sole, vitæ quantitatem metiuntur, secundum quos singulis gradibus signi bicorporei, mensis vnus correspondet, singulisq; partibus signi mobilis, dies vnus.

Porro iudicium nouæ vel antiquæ ægritudinis à Luna & planeta, vnde Luna separatur habemus. Hæc enim si à planeta Orientali separata fuerit, morbum nouum iudicabimus: Secus si ab occidentali remota fuerit. Et si morbus antiquus, procedendum est secundum dominum duodecimæ domus, eodem modo quo factum est, cum domino sextæ

h  
 } à coniunct. ☉ ad elus opposit. Orientales:  
 } ab oppositione verò ad coniunctionem  
 Occidentales.

☿ Dum Solem insequuntur Occident. dum  
 ☿ tempore matutino Solem antecedunt,  
 Orientales.

☾ à Nouilunio ad Plenilunium vsque Occi-  
 dentalis, A plenilunio ad nouilunium  
 Orientalis appellari potest.

### De Hepatis affectione.

#### CAPVT. VI.

**P**RO iecinoris affectione indaganda quinque loca in figura cælesti consideranda veniunt. Locus hepatis, qui semper est domus quinta à domo interrogantis, locus Iouis, Martis, Veneris, & partis hepatis. Quæ à Ioue in Martem sumitur, & projicitur à Venere. Et ille qui plura dominia essentialia in his sibi vsurparit, Almutē hepatis



hepat is appellatur. Secūdum enim statum à quo ipse, vel quis ab eo separatur, est tenor hepatis & sto machi. Si autem solitarius incedat sine aspectu & separatione alterius, iudicandum secūdum eius naturam & loci sui portionem.

## Paradigma.

Domus	5	16	♄	♃	♀
Locus	♃	11	♄	♄	♂
Locus	♂	27	♄	♃	♀
Locus	♀	5	♄	♃	♀
Pars Hepatis		21	♂	♀	☾

## Residuum.

Domus	5	16	♄	♀	♀	♃
Locus	♃	11	♄	♄	♃	♂
Locus	♂	27	♄	♀	♂	♂
Locus	♀	5	♄	♀	♀	♄
Pars Hepatis		21	♂	♄	♃	♄

Venus in dignitatibus essentialibus cæteris omnibus præpollet, & quia à Luna separatur per aspectum quadratum, phlegma in iecore abundare certum est.

Tra-



Tractantur obiter quædam  
de inspectione lotij.

Caput. VII.

**H**Uc usque de parte affecta ex astrorū syfigia.  
Restat vt breuiter subiungamus facile quā-  
dam methodum iudicandi ex lotio, vt vtraque  
via procedentes certiores de laborante particula  
efficiamur. Quippe animantium natura princi-  
palibus partibus prauos humores vacuatura, ho-  
rum interdum partem vnā per vomitum vel  
alium, aliam per vesicam excernit: vnde morbi  
qualitas etiam deprehēdi potest. Siquidem quā-  
diu à causis morbiū facientibus natura grauatur,  
& humorū adest cruditas, tūc vt aliquid rectē ex-  
cernatur fieri nō potest, sed vel liuida vel fetida,  
vel biliosa, vel cruēta sunt excrementa. Quæ om-  
nia earum quę præter naturam sunt affectionum  
in corpore symptomata. Vt Hippoc. comment.  
4. Aphorif. 47. testatur vbi inquit. Excretiones  
liuidas, fœtidas, biliosas, cruentas, omnes malas  
esse, nisi post morbi concoctionem sese prodide-  
rint. Id quod Hippocrates innuit dum Aphorif-  
mo præcedenti subiungit. Commodè tamen si  
prodeant bonæ. Ijs nobis significans non conti-  
nuo de salute ægroti dubitandum esse, vbi urinā  
nigram, vel hypostasēs malas corpori urinæ in-  
natantes conspexerimus. Egesta enim quò sub-  
inde nigrior, biliosior, hoc minus mala putatur,  
vtpote dum naturæ beneficio talis fiat excretio,  
& humorum expurgatio. Hæc ad vnguem te-  
neat necesse, est quicumque de parte affecta ex v-  
rina feliciter iudicare velit. Vt igitur ad proposi-  
tum



tum citra longas ambages reuertamur, dicimus eā vrinam bonam esse, nihilq; erroris à concoctrice facultate commissum esse, cuius substantia & moles mediocris, subaurea, & contenta alba, leuia, & æquabilia ad matule fundum vergentia. A cuius constitutione quo longius recesserit, hoc à vera sanitate remotius recessisse putandum est. Nec interim eo inficias diuersorum hominum vrinas pro complexionum differentia diuersificari, & quæ vni naturalis est alteri noxiam & præter naturam esse: Vtpote cum cōstet ab actiuis qualitatibus has colorari, à passiuis autem inspissari vel clarificari. Puerorum enim valde iuuenum vrinæ parum inferiores sunt subaureis, crassiori substantia & pluribus contentis, quàm vrinæ iuuenum ætate florentium, eo quod plurimum habent calidi natiui, & alimento copioso indigent. Senum vrina, alba est cum hypostasi parua & pauca, & veluti cruda. Frigidi enim sunt & sicci. Iuuentus quia biliosa, vrinam excernit rubram & tenuem. Genus muliebri domesticum paucis exercitijs vtens, vrinas habet decoloratiores, & magis obscuras & grossas, plura contenta continentes, idq; ob excessum humiditatis, & abundantiam superfluitatum quæ à debili concoctione oriuntur. Nec muliercularum vrinæ cum mouentur, vt masculorum vrinæ turbantur, aut ex motione subsiliunt. Hæ sunt singularium naturarum propriæ vrinæ, vnde quo cuiusque magis deflexerit, hoc maiorem in corpore turbationem factam esse indubiè existimandum est. Porro quò ex huius corpore partem affectam cognoscamus, hanc regionibus quatuor distinguemus. Suprema circulus nominatur,



PARS TERTIA.

63

minatur, qui cerebro aut capiti tribuitur. Secunda arteriæ vocali, pulmone, & cordi. Tertia hepatis, ventriculo, spleni, & intestinis. Quarta fundus dicitur. Hic membris quæ ad generandi facultatem attinent ascribitur.

Iudicia ex ipsa Urina.

Primum de eius qualitatibus vel coloribus.

Qualitas urinae.

Alba, ex frigidity morbum prouenire significat.

Spicea, à caloris debilitate.

Subaurea & Aurea, probæ concoctionis nota.

Crocea & rubra, ex aucti caloris testes.

Vinea ut hepar animalis, affati sanguinis nuncia.

Passæ ut cerasa, quæ ad nigredinem inclinant tostæ bilis significatrix.

Cerulea, humoris frigidi sicciq; soboles est.

Viridis, bilis, nota corruptissimæ.

Oleacea, colliquesactionem pinguedinis significat.

Nigra } Rubram seu viridem extremi caloris indicium.

post } Ceruleam, vel lividam summæ frigiditatis nota.

Regulæ generales.

Quibus



Quibus pellucidæ sunt vrinæ & albæ, malū: præfertim si in phreniticis appareant.

Vrinæ mali coloris, quo pauciores hoc periculo fiore: Quo copiosiores, hoc minus malæ.

Vrina rubra in spasmo, Apoplexia, Epilepsia, Ptisi, Colica, vt plurimum mortalis.

Vrina nigra salutaris in morbis, qui ab humore melancolico originem traxerunt, vel si à phar maco excernatur.

### De Substantia Vrinæ.

Crassa, copiam humorum significat. Sub firmis viribus crassa permanens, morbum diuturnum: sub infirmis, mortem. Crassa subsidens autem breuiorem morbum, & naturam coctioni intentam, indicat.

Substantia  
vrinæ { Tenuis, cruditatem & obstructionem notat. Si permanet aquosa, maximæ cruditatis indicium est: Si rubra vel lucida, inflammationis signum est. Si autem tenuis mixta post crassescat in acutis morbis declinationem portendit.

### Regulæ.

Materiam spissam vel tenuē cognoscimus per digitos manu tenentes matulam. In tenui enim vrina digiti per corpus vrinæ apparent, in crassa minimè aut admodum obscure.



PARS TERTIA.

63

*In crisi & morbo acuto quò crassior aut nigrior est  
vrina, hoc est minus mala.*

*Tenuis & biliosa diu durans, periculum minatur.*

De quantitate Vrinæ.

Quātitas vrinæ,	Multa, sig nificat	Resolutionem. Copiā serosi humoris. Siccitatem ventris. Potum largiorem.
	Pauca, sig nificat	Multā ventris deiectionem. Obstructionem renū aut vesicæ. Calorem febrilem. Expulsiuę debilitatem.

REGVLA.

*In morbis acutis vrina pauca propter vim morbi,  
aut deficiente humido, aut expellendi facultate de-  
bili, certa mortis indicium est.*

E

Iudi-



## Indicia ex contentorum diuersitate.

{ Nubes, debilem naturæ facultatem  
indicat, & concoctionem quam natu-  
ra incepit, non potuit perficere.

{ Suspensum, mediocrem naturæ vim,  
& concoctionem arguit.

Contēto rū aliud	{	Quali- tas	{	Alba.
				Rubra.
Hypo- stasis	{	Substā- tia	{	Liuida.
				Venera.
				Nigra.
				Longa.
				Lata.
				Lenis.
				Aspera.
				Crassa.
				Tenuis.
				Multa.
	{	Quāti- tas	{	Pauca.
				Suprema.
				Media.
	{	Positus	{	Infima.

## REGVLÆ.

*Hypostasis alba remissè, vt pus in Apostemate, vbi  
natura concoctionem molita est, est sanuatis indi-  
cium.*

*Hypostasis extensa alba, est signum pituitosi hu-  
moris.*

*Rubra*



PARS TERTIA.

65

Rubra Hypostasis bilis, & caloris est soboles. Hu-  
iusmodi quoque Orobaea est, id est similes vitello oui,  
quæ colliquantiam carnis vel renum significat.

Item arenula rubra præter nephriticam passionē,  
etiam tertianam, ob discrasiam caloris febrilis in-  
dicat.

Hypostasis liuida veneta & nigra, oppressi calo-  
ris est nota.

Hypostasis longa, ut capilli, extorrem in reni-  
bus calorē significat, & tenacē esse humorē testatur.

Hypostasis lata ut fursuracia, quæ cū vrina cras-  
sa excernuntur, scabiem vesicæ significat: cum tenui  
colliquantem ardorem febris. Squamula hac tutio-  
res. Laminea omnium pessima.

Hypostasis lenis, id est continua sibi nec aliquo  
modo rugosa, absque tenacitate, bona est.

Hypostasis aspera, cuius partes discretæ sunt, per-  
turbationem significat, ab aliquo adulterino, id est,  
ex calido & humido composito & violento spiritu.

Hypostasis crassa, multum materia non coctæ ar-  
guit, excepta crisi.

Hypostasis tenuis, cruditatis & incipientium mor-  
borum augmentum præbet.

Hypostasis multa, a debilitate naturæ, & faculta-  
te naturæ provenit, ut in diebus criticis.

Hypostasis pauca, ab oppilatione & exercitijs.

Hypostasis in suprema regione, vrina, indicat af-  
fectum cerebri. Media pulmōni, cordi, & arteriæ  
vocali attribuitur. Infima, mēbris genitalibus, reni-  
bus, vesicæ, matrici.



Hypostasis bona, quò magis ad fundum sedit, hoc melior, non tamen contacto fundo.

Quibus per morbos cito contenta in vrina cernuntur bona, hi cito iudicantur.

Omnia contenta inferiora, potiora sublimioribus.

Inflammatio, vrinam contentis priuat.

Imbecillima ostenditur natura, cuius vrina, nihil sedimenti vel suspensi, vel nubecularum habet, estq; ea res in egrotis apprimè formidanda. Sanis autem accidere interdum citra magnum incommodum potest.

### Aphorismi aliquot de Vrina.

#### Caput. VIII.

**Q**uibus non sine febre Vrinae sunt crassae, grumosae & paucae, si ab his tenues & copiosae meiantur, profunt. Maxime verò tales redduntur in quibus statim ab initio, vel non ita multò post sedimentum apparuerit.

Quibus per febres vrina turbata, quales iumentorum, ijs dolor capitis vel adest vel aderit.

Quibus septimo die Crisis futura, ijs vrina rubram nubeculam die quarto habet vel albam, sed hoc frequentius, illud autem rarius.

Quibus pellucida vrina & alba sunt, mala: praesertim si in phreniticis appareant.

Si quis sanguinem aut pus meiat, renum aut vesicae exulcerationem significat.

Quibus cum vrina crassa exigua caruncula, vel  
veluti



veluti pili exeunt, à renibus excernuntur.

Quibus cum vrina crassa, furfurosa quadam v-  
nà exeunt, his vesica scabie laborat.

Qui inopinanter sanguinem meiuunt, ijs à reni-  
bus venulam ruptam esse significatur.

Quibus in vrina subsidet sabulosa, ijs vesica cal-  
culo laborat.

Si quis sanguinem aut grumos meiat, aut vrinā  
guttatim emittat, dolore ad hypogastrium & pekti-  
nem, & perinaeum pertinente, ad vesicam loca labo-  
rant.

Si quis sanguinē aut pus, aut squamulas meiat,  
& grauis odor adsit, vesica exulceratio signifi-  
catur.

Mictu noctu plurimus, paruam deiectionē facit.

Nascuntur pueris calculi ob vesica calorem, to-  
tiusq; corporis.

Viris calculi ob corporis algorem non innascun-  
tur, nam primo die homo in omni vita calidissimus  
est, postremo frigidissimus.

Quibus vrina tantum est cruenta, his venae labo-  
rant: Galenus in lib. de natura humana.

### De Vrinæ Corona & Bullis.

Quemadmodū de vrinæ qualitate  
substantia & quantitate diximus, ita  
dicendum quoque est de Bullis in su-  
perficie vrinæ.



## Diuisio.

Coronae	Qualitas	Alba, pituitosis	} conuenit
		Rubra, biliosis	
		Liuida	} Melancholicis & comitia-
	Quaetitas	Plumbea	
		Nigra	
		Tenuis	} humoris
		Alba, aquosi	
		Rubra, biliosi	
		Nigra, melach.	
		Spissa	} signum
		Alba, plegmaticis	
		Rubra, sanguineis,	

Corona si meliorem quam corpus urinae colorem exhibet, salutem praenunciat: si deteriolem, periculum.

Spuma in circulo si protinus euanescat, humores in corpore tenues ac probe percoctos indicat. Sin spacio longiore duret, humores in corpore crudos esse indicio est.

Bullae videtur { Vel integra serie, & dolorem capitis significant, idque eo magis quo sunt coloratiores, & minus quo magis albae.  
Vel sparsae, cruditatis, obstructionis, & imbecilli caloris nunciae sunt.

Quibus in tenui urinae sedimentis vacua bullae cernuntur, fere hij longa magnaue rerum obstructione laborant.

Tum autem bullas has in crassa urina cepisse melius est.

Subesse autem distillatio creditur, & humorum e cerebro defluxus, si bullae instar exigui grani paruae in corona herentes agitata urina deorsum pelluntur, iterumque ad coronam ascendunt.

De



# De differentia pulsuum.

Pulsus est cordis & arteriarum motus sensibilis, corporis dispositionem, & quātum à sua symmetria aberret, manifestans.

## Diuisio generalis.

In pulsu cōsiderātur	Motus Distentionis, & Contractionis,	Quantitate, an sit longus latus vel profundus.
	horum diuersitas petitur à	Tempore, an sit velox vel tardus.
		Facultate, an sit vehemens vel debilis.
		Arteria, an sit durus vel mollis.
	Tēpus Quietis, sit ne	Creber.
		Rarus.

## REGVLÆ.

Optimus pulsus est qui medius est inter magnū & paruum, inter celerem & tardum, inter crebrum & rarum, inter vehementem & languidum, inter mollem & durum, quiq; bonam ictuum inter se proportionem habet.

Magnus pulsus, à facultate naturæ oritur.

Paruus è contra, ab imbecillitate naturæ.

Durus, arteriæ notat duritiem aut siccitatem.

Mollis verò, arteriæ humiditatem.

Pulsus velox, dicitur cum modico tempore arteria distenditur.

Tardus, contraria ratione cum in distentione mul



tum temporis absoluit.

*Creber, quando paruo interposito intervallo distenditur.*

*Rarus, qui fit interposita longa quiete.*

*Intermittens, magnam debilitatem significat, & eo periculosior, quo diutius à motu quiescit, exitialis est Iuuenibus. Senibus autem non semper.*

*Deficiens pulsus, in quo non tantum ad duas sed ad tres vel plures ictus immobilis arteria permanet, extremam virtutis debilitatem denunciat.*

*Vndosus ceu fluctuosus, in quo arteria non eodem tempore tota attollitur, sed alia quidem eius pars prima, alia secunda, alia tertia motu continuo permanente instar elationis fluctuum, quorum alter semper priorem excipit.*

*Vermiculares, à gressu vermis dicitur, qui in modum aquarum quoque mouetur. Hic quantitate differt ab vndoso, postulat vterque mollem arteriam.*

*Formicans hic succedit vermiculari cum extrema debilitate & frequentia & paruitate.*

*Caprisans, à capra dicitur qui aliquantulum intercisus deinceps multo velocior apparet, vel cum motus à quiete, alter celerior primo & vehementior est indicat robur naturæ, & expectationem prosperæ valetudinis pollicetur.*

*Bis feriens, sequitur quoque facultatem naturæ non penitus inualidam.*

*Serratus, quum quippiam videtur esse laxatum in arteria & hac molliuscula tactui apparet, sequitur inflammationem partium nervosarum.*

Con-



Conuulsiuus & vibratus, quando arteria locum vnum non tenet, sed sursum & deorsum agitur naturali sede relicta, indicat periculum subesse, potissimum si post febres calidas & magnas euacuationes oritur.

Tremens, vel à motu tali ipsius arteria vel à musculis ad carpum mouentibus, Syncopen & mortem indicat.

Qui particulatius singulorum pulsuum differentias & causas vult cognoscere, legat Galenum, qui fusissimè de hac re disputat: nos hic putamus quia Astrologica docere intendimus, generalem quandam horum descriptionem sufficere.

Iudicia generalia, quæ ab ipsis constitutionibus generalibus desumuntur.

Constitutio generalis cæli tantæ est facultatis Caliquando, vt propriam cuiusque constitutionem superet. Particularis enim causa ab vniuersali superatur: vt fieri videmus, dum multa milia hominum vna eademque hora intereunt, aut in vno conflictu occiduntur, quæ à naturali constitutione pendere, minimè credendum est, cum singuli diuersas natiuitates habeant. Haud aliter eodem tempore anni diuersos homines etiam diuersarum complexionum iisdem morbis corripimus, qui si à propriis causis non proueniunt, generali cælorum constitutioni ascri-

E 5 ben-



bendi sunt, quæ sua facultate huiusmodi in singulis & omnibus hominibus producit: diuersimodè tamen id fit, pro eo atque propria cuiusque constellation vel generali aduersatur, vel cum ea concordat. Nam si contrarietas fuerit inter propriam & generalem, parum vel nihil à generalibus influentijs quis damni patietur. Sin vtriusque eadem fuerit significatio, vel similis, effectum Astrorum proculdubio non euadet, eosdemq; cum ceteris hominibus, Epidimicos morbos sentiet. Ob hanc causam qui diligenter Astrorum operationes inquirunt, non contenti sunt constellatione cuiusque propria ex ipsa natiuitate, sed insuper hanc cum generalibus constitutionibus Astrorum conferunt, ex quarum mutua collatione de morbis qui huic vel illi molesti erunt, admodum probabiliter iudicant. Hæc videtur significasse Hippocrates dum ex diuersa constitutione partium anni diuersos morbos futuros esse in hominibus docet. Scio equidem Hippocrates in eo libro attribuit caliditatibus, frigiditatibus, humiditatibus & siccitatibus aëris, nec vllam Astrorum facit mentionem: tamen inde concludi nequit ab ipso infirmitates astris non ascribi. Nam si hæc qualitates sensibiles tantarum egritudinum causæ sunt, & astra causæ erunt secundum maximam illam vulgarem, quæ habet id causati causam esse, quod causæ causa est. Sed de hac re aliàs copiosius: hic satis est regulas quasdam breues & faciles addidisse de quauis ægritudine iudicandi. Quo itaque, quid Hippocrates de generalibus Astrorum constitutionibus sentiat, intelligatur, Aphorismos eius subiiciam, qui commentario III. Aphorismorum habentur, vbi sic inquit.

Aphorif-



PARS TERTIA.  
APHORISMO XI.

73

Inter anni partes, si Hyems sicca & aquilonia, ver pluuiosum & australe fuerit, Aestate necesse est febres acutas fieri, & ophthalmias & dissenterias mulieribus, praesertim & viris natura humidioribus.

APHORISMO XII.

Si Australis Hyems & pluuiosa & tepens fuerit, Ver siccum & Aquilonium, mulieres quibus partus in Ver incidit, quauis occasione abortiunt, aut si pariant tam infirmos & morbosos partus edunt, vt vel statim ipsi intereant vel tenues vel valetudinarij uiuant, ceteris dysenteria & ophthalmia sicca fiunt, & senibus catharri breui perniciem allaturi.

APHORISMO XIII.

Aestate sicca & Aquilonia, Autumno pluuiosa & Australi, vehementes capitis dolores in Hyemem & tusses, & grauedines & raucitates nonnullis etiam tabes expectandae.

APHORISMO XIIII.

Aquilonio & sicco Autumno, hominibus natura humidis & mulieribus commoditas parabitur. Alios ophthalmia sicca, & febres partim acuta, partim longa, quosdam etiam melancholia male habebunt.

APHORISMO XV.

Ex tempestatibus anni in vniuersum siccitates asiduis imbribus salubriores, & minus mortiferae.

APHORISMO XVI.

Asiduis imbribus, morbi ferè fiunt febres longa, fluxiones alui, putredines, epilepsia, apoplexia, angina. Siccitatibus autem morbi tabifici, ophthalmia,  
arti-



74      **MEDICINAE ASTROLOG.**  
*articulorum dolores, vrina & intestinorum difficul-*  
*tates.*

**Hippocrat. de aëre, aquis & locis.**

*Quod si cui hac sublimiora videantur, is si ab  
hac sententia discedat, discet sanè non minimam  
partem conferre ad rem medicam ipsam Astrologiã,  
sed omninò plurimam, quum vnà cum temporibus,  
& ventriculi in hominibus mutantur.*

**Hippocrates de aëre, aquis &c.**

*Quicumq; artem medicam integrè assequi velit,  
primum quidem temporum anni rationem habere de-  
bet, quantum potentia quodlibet eorum valeat: non  
enim simile quicquam in illis existit, verum differūt  
nimirum propter varias quæ in ijs fiunt mutationes.*

**Hippocrates de Insomnijs.**

*Astorum circuitus exterior est in corpore, Solis  
medius, Luna verò ad cavitates.*


**MEDI-**



3  
75  
M E D I C I N A E  
A S T R O L O G I C A E D E  
Phlebotomia, & Purgationibus.

P A R S I I I I .

Caput. I.

 Ost partem *κρίτην* appellatam  
operę precium esse putavi breui-  
ter subiungere aliquid de venarū  
secciónē, & humorum in corpore  
redundantium euacuatione per  
cathartica, vtpote quæ inuicem  
adeo sunt confinia, vt inde nihil emolumenti sit  
habiturus egrotus à medico, nisi & hanc ad vn-  
guem didicerit. Non enim cognita causa tollitur  
effectus, sed ea ablata, teste Aristotele & alijs phi-  
losophis. Quod eò libentius & magis faciendū  
esse crediderim, quod hæc passim à vulgaribus  
medicis contemni videam, qui indifferēter quo-  
uis tempore venam secari posse obstinate con-  
tendunt, omnemq; humorem sollicitare nullo  
habito respectu signorum, Aspectuū, Temporū,  
aut complexionis. Cum interim hæc terrestria  
sympathia quadam orbium cęlestium affici vide-  
mus in morbis qui secundum cursum Lunæ va-  
rium in zodiaco planetarum, nunc hoc nunc al-  
tero accedente aspectu, aut lethaliter incan-  
descunt, aut mitescunt suauiter. Quamob-  
rem vt huic malo deinceps occurratur, paucis  
sententiam nostram de tempore aperiendi venā  
&







76 MEDICINAE ASTROLOG.  
 & electione pharmaci purgatorii & aliorum me-  
 dicamentorum aperiemus.

## Electio sectionis Venarum.

### Caput. II.

**P**rimum considerentur hæc generalia, Aetas,  
 Vires, Regio, vel anni tempus commodum,  
 nisi necessitas urgeat, in hoc enim electio, neces-  
 sitati postponenda. Præter hæc necesse est vt in-  
 tueamur Lunæ configurationem cum Sole, nam  
 iuuenibus conuenit, Luna crescens lumine: seni-  
 bus autem & ætate prouectioribus diminuta.

Item Signum notandum est, quod Luna oc-  
 cupat, pro ratione complexionis nati.

Signa idonea	Sanguineis	{ 
	Cholericis	{ 
	Phlegmaticis	{ 
	Melancholicis	{ 

Hæc veritatem habent, modo Saturnus aut Mars, in ra-  
 dice natiuitatis, ea signa non occupent, aut infœliciter aspi-  
 ciant.

### CANON.

- Coniunctio Lunæ & Iouis, similiter Lunæ &  
 Veneris, optimam faciunt minutionem sangui-  
 nis, modò Venus non sit combusta.

Aspectus



*Aspectus ad sectionem Venæ utiles.*

Coniunctio, quadratura sextilis & trigonus aspectus Lunæ & Iouis, similiter Lunæ & Veneris, utilis est.

Trigonus, & sextilis Solis & Mercurij, & Iouis vel Lunæ, sectionem Venæ utilem reddunt.

Similiter trigonus Lunæ & Martis, vel eorundem sextilis, sanguinis missionem promouet.

*Aspectus, ad sectionem Venæ inutiles.*

Coniunctio Solis & Lunæ, impedit minutionem.

Coniunctio Saturni & Lunæ, per tredecim gradus ante & post.

Coniunctio Lunæ cum capite vel cauda Draconis, diem vnum ante & post sectioni inutilis.

Coniunctio Lunæ & Mercurij, si fuerint combusta, id est, non ultra duodecim gradus a Sole destiterint.

Oppositio Solis & Lunæ, impedit phlebotomiam diem vnum ante & post.

Oppositio Saturni & Lunæ, similiter per diem vnum a sectione venæ abstinendum esse indicat.

Oppositio Martis & Lunæ, venam secādam esse negat, nisi distent tredecim gradus.

Quadratura Solis & Lunæ, impedit per medium diem: tutius tamen est per totum diem a phlebotomia abstinere.

In minutione sanguinis, aspectus maleficorum planetarum diligenter sunt considerandi: plerumque enim accidit ut quicumque in hisce venam aperiunt, difficulter ab ægritudine qua laborant, liberentur.

Omnino



78 MEDICINAE ASTROLOG.

Omnino autem cauendum, ne membrum scalpello feriat, cuius membri signum Luna occupat, præsertim si ipsa fuerit impedita in aspectu maleficorum, vel obsessa à maleficis, vel ipsi malefici radijs hostilibus sese aspexerint. Nam cum ea totum corpus humectet, id membrum præcipuè humoribus implet, quod ei signo subijcitur, per quod tum ipsa discurrit, ex cuius tunc nimia humectatione, magnum ei nocumentum afferri potest. Signum verò cui membro præsit, supra dictum est.

Hypocrat. de aëre, aquis & locis.

Maximè autem obseruare oportet, magnas temporū mutationes, vt neque in illis medicemur neque vramus, neque scenius priusquàm præteriant dies decem aut plures & non pauciores. Periculosissima sunt ambo Solstitia, maximè vero Æstiuū. Periculosum etiam Æquinoctium vtrumque magis verò Autumnale. Oportet autem & astrorum ortus considerare, præcipuè Canis, deinde Arcturi, & Pleiadum occasum.

Luna libera sit ab impedimentis maleficarū, & beneficis amico radio configurata. Quod si tibi constiterit de eius natiuitate, diligenter inuestiga, quæ signa malefici occupēt. Nam ea incommodissima sunt missioni sanguinis. Deinde caue ne eo momento ascendat signum tale, quod in radice 12.6. vel 8. domum occupet, aut in quo malefici versabātur, aut suos radios hostiles sparserunt. Tertiò, caue ne dominus ascendentis signi sit tempore phlebotomiæ in quarta cum Luna aut cum Domino octauæ configuratus. Malefici



PARS QUARTA.

79

Iefici cadāt ab angulis. Postremo, septima & eius Dominus non impediatur à maleficis, nam hic locus Chirurgum significat.

Potiones quando ægrotantibus dandæ.

Caput. III.

**P**rimò quantum fieri potest, & nisi maiora vetent pericula, habenda est ratio partiū anni. Vere corpora commodius purgantur quàm Æstate aut Hyeme. Difficilius circa Canis ortū & occasum, item frigidissimis & calidissimis diebus.

Obferuanda est Luna quę decrescens lumine, & ab impedimentis maleficarū, aut coniunctione cum planeta retrogrado libera, commodior est purgandis humoribus, nisi prorsus Soli coniuncta sit, tum enim prohibitum est ægrotis medicinam præbere.

Signum per quod Luna decurrit notandum. Aquea ☽ m x maximè sunt idonea subducendis prauis humoribus phlegmaticis, propterea quod Luna humectatrix, in similibus suæ naturæ signis vires suas magis exercēs, aluum etiam efficacius citat. Aërea signa ♀ ♀ commodiora sunt melancholicis humoribus purgandis. Ex his tamen imbecilliora sunt ☽ ♀ quia præsunt superioribus partibus corporis, & magis vomitum quàm aluum mouent.

F

Habenda



Habenda est ratio aspectuum aliorum planetarum cum Luna. Saturnus & Mars Lunam aspicientes impediunt medicationes. Sol & Venus bono aspectu cum luna iuncti, iuuant. Iouis autem & Lunę coniunctio, omnino hebetat catharticam facultatem, ita augēs corporis vigorem, vt medicamento vis parum possit.

Cauē ne ascendāt signa ruminantia ♋ ♌ ♍ ♎. Signa superioribus partibus corporis dominātia impediunt, quo minus sordes ad inferiora ferantur. Aptissima sunt Aquea. Luna quoq; non fit iuncta cum planeta Retrogrado, significat enim medicinę euomitionem.

Dominus signi horoscopantis iungatur corpore vel aspectu planetę alicui sub terra versanti. Nam coniunctus stellę supra hemispherium existenti, nausea mouebitur stomachus, quod purgationem ipsam impedit.

Si vis purgare Melancholiam, applicet se Luna Ioui, excepta Coniunctione. Si Choleram, applicet Luna Veneri. Si Phlegma, applicet se Soli aut Marti, radio sextili vel trigano.

## TOPICA



## TOPICA.

**E**Xplicatis igitur ijs, quæ de medicamento-  
rum exhibitione dici debebant, operæ præciū  
me facturum existimaui, & rem studiosis maxi-  
mè frugiferam, si immediatè topica medicamen-  
ta subiunxero, vnde ceu locis communibus sim-  
plicia cuilibet parti corporis & morbis omni-  
bus appropriata, quo morbidi in corpore affe-  
ctus facilius auferantur, quisque sibi seligere po-  
test. Nam vt non omni tempore medicamenta,  
præsertim laxatiua conueniunt, ita nec omnes  
herbæ omnibus morbis, sed pro partium & hu-  
morum diuersitate hæc illi, altera alteri. Hoc est  
quod à Philosophis dicitur simplicia membris  
& humoribus debere esse appropriata, non enim  
satis est aluum lubricam reddidisse, aut corpus fe-  
rè multis catharticeis exinanisse. *Quæ namque va-  
cuantur teste Hippocrate multitudine metienda non  
sunt, sed si quæ operteat vacuentur & facile ferant  
agroti.* Quippe si ex ijs quæ mali non sunt aucto-  
res quippiam educantur, tunc vires solui ipsum-  
quæ ægrotum grauitatem sentire necesse est. Her-  
barum itaque natura & facultas & quæ parti af-  
fectæ & humoribus peccantibus magis conueni-  
ant, summa cum diligentia indagandum est,

Simplicia membris singulis  
appropriata.

F 2

Capiti



Simplicia	Capiti	Nux muscata
		Peonia
		Stæcas
		Viola
		Nimphea
	Pulmoni	Capillus Veneris.
		Hysopus
		Passulæ
		Glycirrhiza
		Hordeum
		Iniube
		Sebesten, viola.
	Cordi	Borrago
		Buglossa
		Cinamomum
		Rosa, Melissa.
		Viola, Crocus.
		Manns Christi perlati
	Ventriculo	Anisum, Rosa.
		Menta, Viola,
		Mastix, Lactuca.
		Cinamomum
		Zinziber
	Hepati	Fumus terræ.
		Aggemonia
		Asaragus
		Feniculus
		Cyperum
		Carduus
		Acerola

Spleni



PARS QVARTA.

83

	Tamaricæ rad.
	Scholopendriæ
Spleni	Capparis
	Cuscuta
	Endiuia &c.
	feniculi
	petroselini
	apij
Renib.	Asparagi
	saxifragia
	Milium Solis.
	Asarum
	Acorum
	Camedris
	Chamepithis
	Epithimus
	Calamentum
	Solatrum
	Sabina
	Pulegium
	Calamentum
	Nepeta
	Arthemifis.

Simplicia

Iuncturis

Matrici

F 3

Tabula



## Tabula Digestiuorum.

Cichorium  
 Endiuia  
 Cholerae } Lactuca  
 Portulaca  
 Viola

Concoctionem, bilis flava requirit, non ut crassitiem adipiscatur, sed ut ipsa morbi effectiua à natura alteretur.

Digestiua } Phlegmatis { Hyssopus  
 Capillus veneris  
 Origanum  
 Radix { Feniculi  
 Petroselini  
 Apij  
 Asparagi

Galenistis lenta frigida & crassa materia, prius est concoquenda, attenuanda, & incidenda, quò facilius medicamento purganti pareat. Aliter enim purgatio non succedit absque torminibus, vertigine, & nausea.

Melancholiae { Cappares  
 Tamarix  
 Thymus  
 Epithimus  
 Hyssopus  
 Scholopendria

Digestiua



PARS QVARTA. 85  
 Digestiua Laxatiuis & Laxatiua  
 humoribus correspon-  
 deant,

		Simplex
		Cōpositus
	Choloræ	Diaprunus
		Lenitium
		De succo rosarum
		Cassia. Rhabarb.
		Manna
Laxatiua	Phlegmatis	Diaphenicon
	vel aquosita	Diacartamus
	tis	Indum minus
		Diaturbit. Aloë
		Succus ireos
	Melancholiæ	Diasenæ
		Hamech
		Sene
		Polipodium
		Thymus
		Epithimus

Post assumptionem pharmaci vomitus inhi-  
 betur si astringens aliquot ilico sumatur, vt sunt  
 Mala aurantia.

NOTA.

Qui potione medica dum purgantur non si-  
 tiunt, ipforum purgandi finis non fit donec siti-  
 uerint.

Quæ vacuantur multitudine metienda non  
 sunt, sed si quæ oportet, vacuentur cum eu-  
 phoria.



Quæ considerata sunt ante  
exhibitionem Laxatiui.

**I**N primis natura egri est considerata, si difficilis aut facilis est euacuationis.

2 **Viſtus præcedens.** Qui enim tenui & exquisito viſtu vtuntur, paucis excrementis abundant, quare minori quantitate medicamenti opus est. Qui vero plenius aluntur, multis excrementis abundare ſolent, quare maiori medicamentorum quãtitate medicamentorũ proportio ſemper correfpondet humoribus euacuandis.

3 **Regio, tempus, æris & cæli conſtitutio.** Hæc enim ſi frigida & ſicca ſunt, augenda eſt medicamentorum doſis. Contraria conſtitutio minuendam ſuadet.

4 **Ætas.** Puerilis enim ætas ob humiditatẽ facile diarrhæa corripitur.

5 **Sexus.** Mulieres enim, cùm ſint natura humidiores minori medicamenti quantitate mouentur quàm viri.

6 **Conſuetudo.** Medicamenta enim familiaria reddit conſuetudo.

7 **Humor.** Si enim pituita tenuis, ſufficit agariçi drachma vna, niſi in partibus remotis poſita fuerit. Sin craſſa & viſcida, opus eſt ſeſquidrachma.

8 **Locus.** In ventriculo & inteſtinis, ſatis eſt drachma vna agariti. In capite, thorace, vel articulis, augenda eſt eius doſis.

9 **Morbus.** In apoplexia, & letargo, quia facultas expulſrix ſopita eſt, & mens occupata excrementa ſurſum trahens medicamenti magna quantitas parũ euacuat. Similiter in phrenitide.

Con-



Constrictiua {  
 Balauftium  
 Cotoneum  
 Ribes  
 Sorba  
 Mespilum  
 Poligonum  
 Bursa pastoris

Si ab imbecillitate fluor accidat, vtendum ijs  
 quæ robur addere solent, vt sirapium de absint-  
 hio, menta cum puluere cinamomi.

Repercussiuu {  
 Cholera {  
 Rosa  
 Solatrum  
 Mora immatura  
 Plantago, Bolus  
 Oui candidum cum rosaceo  
 Phlegmatis {  
 Absinthium  
 Squinantum  
 Mastix  
 Thus  
 Rosmarinus

NOTA.

Repercussiuu in principio & augmento appli-  
 camus tantum, vt materia fluens repellatur. In  
 statu vero resolutiuu duntaxat.

Resolutiuu {  
 Cholericæ {  
 materia {  
 Folia maluæ  
 Violarum  
 Folia althææ  
 Helxinæ  
 Farina fabarum  
 Farina hordei

F 5 Reso-



Resolutiua	{	Grossæ materiæ	Chamomillæ
			Melilotum
			Semen lini
			Fenugreci
			Farina tritic i

## NOTA.

Signa resolutionis sunt leuitas & carentia pulsationis & doloris.

Maturatiua	{	Calidæ materiæ	Althæa
			Lilium
			Folia maluæ
			Violarum
			Farina hordeacea.
	{	Frigidæ materiæ	Semen lini
			Fenugreci
			Melilotum
			Cæpe
			Allium
			Ficus sicca

## NOTA.

Signum maturationis est dolor & pulsatio, cum augmento caliditatis. Hippocr.  
Dum pus fit, febres accidunt magis, quam confecto pure.

Apertiua	{	Cauterium actuale & potentiale.
		Ficus
		Fermentum
		Fimus columbinus
		Calx
		Sapo
		vel fiat phlebotomo hæc apertura.
		Ante



# PARS QVARTA

89

Ante omnia considerandum est, vt incisio fiat  
secundum villorum positionem in loco decli-  
uiori, & nerui longitudinem, si locus sit neruo-  
sus, alias similiter huic characteri — est faciēda.

	{	Terebinthina cum digestionē
		Mel
Mundifi-	{	Mel rosarum
catiua		Saccarum
		Succus apij
	{	Aqua aluminosa cum exsiccatione
		Flos æris
		Alumen
Corrosiua	{	Sublimatum
		Vnguentū ægyptiacum
		Apostolorum
	{	Præcipitatus

	{	Thus
		Mirrha
Sarcotica	{	Mastix
		Aloë
	{	Sarcocolla.

		{	Cerusa	
			Bolus	
			Rosa	
			Tutia	
			Litargitium	
Cicatrizatiua	{	Calida	{	Alumen combustum
		cū mor-		
		dicatiōe	{	Calx decies lota

	{	Cantharides ablati-
		alis & pedibus.
Vesicantia	{	Ciclamen
		Mel anacardinum.

Quan.



MEDICINAE ASTROLOG.  
Quantitas miscendorum.

Miscetur in quan- titate	{	Maiori, vnde potissimum dependet actio, ceu operatio medicamenti.	
		{ Amara	
	{	Ingrata	
		{ Acerba	
	{	Minori	
		{ Nimis efficacia, in quarto	
		{ gradu calefacientia vel re	
		{ frigerancia.	
		{ Castigantia.	
		{ Aperiētia	
		{ Deducētia	
	{		nisi ex æquo affectui con- ueniant.
	{		Cientia Vrinas
	{ Aequali, æqualiter affectui appropria- priata.		

AD MEDICINÆ CANDI-  
DICTATVM PERORATIO.

**H**abes nunc Philiatre communes aliquot iudican-  
di formulas de diebus Criticis & parte affesta  
ex stellarū adinuicē habitudine, & vrinae constitu-  
tione, in hoc conscriptas, vt facilem & breuem me-  
thodum de morbo quolibet iudicandi habeas, & plus  
iudicij ex auctorum lectione adferas. Quarum edi-  
tione nihil aliud volui quàm prodesse, & à difficulta-  
tibus quæ cum maximò temporis dispendio te in me-  
dicinis cruciare possent, liberare, simulq; common-  
strare præceptionum Hippocratis, Galeni de Mathe-  
matica, & diebus Criticis non pœnitendum vsum.  
Cuius



Cuius tenuissima ( non ausim dicere nullam ) hodie  
habetur cura in tanta de morborum iudicijs contro-  
uersia. Ob quos labyrinthos ingenia remorantur, &  
inextricabilibus laqueis implicantur, & à vero me-  
dicina vsu abducuntur. Quod si qua volui prestiti  
me gratiam initurum apud studiosam iuventutem  
non dubito. Sin minus, me veniam apud candidatos  
de hoc licet immaturo foetu consequuturum spero:  
probè memores facillimū esse aliena ociose carpere,  
& difficillimū imitari, iuxta illud. Quòd scire gra-  
ue carpere cuique leue. Quamobrem quæ rudi (vt di-  
citur) minerua hic conscripta sunt, æqui boniq; con-  
sule. Spero vbi cuncta ad iustum examen perduxeris  
tibi profutura, tum, in Hippocr. tum Galeno & alijs  
qui de hac re doctissimè scripserunt. Quòd vtinam  
ab omnibus fieret, mirum quanta dexteritate inge-  
nij de partibus affectis, morbiq; natura iudicarent.  
Perge interea Philiatre quo cepisti modo & hanc me-  
am foeturam qualemcūque amplectere tuis commo-  
ditatibus excusam.

FINIS.

Liber hic doctus est, & dignus qui Typis  
excudatur nihil habens Reipub. offensiuum  
aut S. Romanæ Ecclesiæ fidei contrarium  
quod attestor.

Sebastianus Baer Delphius, insignis  
Colle. Ecclesiæ, S. Mariæ Hantuerpië.  
Plebanus & Canonicus.




Ch.  
BREV  
CAN  
Iudic  
clen  
nbi



*Call. Lopez*  
PRACTICA  
CHIRVURGIAE  
BREVIS ET FACILIS,  
OMNIBVS HVIVS ARTIS  
studioſis apprimè neceſſaria, ſingularem & fa-  
cilem modum extrahendi Olea ex Flo-  
ribus, Herbis vulnerariis, Ligno  
Guaiaco, & Cera  
continens.

Auctore Cornelio Schylandro Albiſſenſi apud  
Antuerpianos Medico.



ANTVERPIÆ,  
Apud Antonium Tilenium ad inſigne  
Struthionis. 1577.  
Cum Privilegio Regis.



*Summa eorum, quæ in hac Practica  
continentur.*

**P A R S   I.**

De Vulnerum diuersitate, eorumq; curatio-  
ne, & curandi methodo, in qua docetur modus  
extrahendi Olea ex Herbis Vulnerarijs, &  
Terebinthina.

**P A R S   II.**

De Hulcerum differentijs, & facili eorundem  
curandi ratione, in qua Praxis docetur distil-  
landi Oleum Guaiaci, & Oleum Ceræ.

**P A R S   III.**

De Apostematum varietate, & eorundē cura.

**P A R S   IIII.**

De Membrorum Luxatorum facili medela



EXIMIO, NEC NON<sup>3</sup>  
CLARISSIMO VIRTUTE ET  
eruditione M. Arnoldo Barzio, Domino in  
Ridderuoorde & Franconatus Bru-  
gensis Consuli dignissimo,  
Cor. Schylander S. D.

**H**Æc medecina Pars, quæ Chirurgiæ  
dicitur inter Therapeutica partes  
potissima est ab Hippocrate, Gale-  
no, Paracelso, alijsq; doctoribus a-  
deo celebrata, ut piaculum & ne-  
phas esse arbitrentur, si quis hanc publicè vel priua-  
tim exercens, medici nomen sibi non vendicat. Quip-  
pe ea sine pharmaceuticæ & dieticæ adminiculo, pe-  
nitus imperfecta est, tantoq; his societatis vinculo iun-  
gitur, ut sine harum cognitione eam nemo feliciter  
profiteri possit. Ulcera enim aut apostemata, aut  
alia cutaneæ affectiones à minera interna natiuita-  
tem suam habent, quam natura per cutem tanquã  
emunctorium expellit. In vulneribus autem interna-  
rum impuritatum fit ebullitio ab ira vel alia animi  
commotione, quarum, nisi debita fiat resolutio, labor  
Chirurgiæ irritus erit, frustra q; topica sua remedia  
applicare hæc docebit. Hæc ne cui obscura falsæ vi-  
deantur, Hippocratem legat, de officina medici, ubi  
qua emplastra, vnguenta & instrumenta medicis  
necessaria sunt, luculenter ostendit. Perpendat eun-  
dem ubique ulcerum & abcessuum radicem primo  
funditus euellendam esse inculcare: cogitet nus-  
quam

A 2

quam



quam non debitam victus rationem instituendā esse docere, manifestissimē Chirurgos medicos esse debere, artemq<sup>3</sup> tonsoriam, chirurgiam minimē debere appellari intelliget. Sed quid in hisce recensendis prolixior sum? ipsa quippe medicina definitio chirurgia ad vnguem conuenit: ergo si Chirurgia medicina est, & Chirurgum medicum esse debere, nemo sanē mentis inficiabitur. Itaque non verī Chirurghi sunt appellandi, qui preter vnius, & item alterius emplastri compositionem in tonsōrinis nihil didicerūt, nō tonsores, balneatores, & mulierculā imperiti, qui nulla physica ratione imbuti, confidenter se quiduis curare posse iactitant, & tanta (proch dolor) temeritate hanc artem sibi adscribūt, vt ab hac viros alioquin expertissimos excludant, eos medicos tantū esse asserentes, & non Chirurgos, quasi chirurgus medicus minimē esse deberet, & medicus esse posset, qui chirurgiā sit imperitus. O Deum immortalem, itāne chirurgiā vera pristinum illud decus obscurari decet? itāne viros, qui in ea consenuerunt, suis priuilegijs frustrari fas est? Quid Doctor, obsecro, quam qui vnā cum arte (de bullatis & facticijs doctoribus non loquor) eandem docendi & proficiendi potestatem habet? Quid Licentiatus, quam cui licentia data est, hoc est, permissum est, artem quam didicit profiteri? Quid Baccalaureus, quā cuius caput ob singularem quam habet in arte chirurgica eruditionem lauri baccis coronatur? Si igitur hi sedulam operam, quo agrotis subueniant, toto vitæ suæ curriculo, chirurgiā nauarunt, profecto li-



# DEDICATORIA.

Etò liberè sine tonsorum, balneatorum, & muliercularum contradictione, hanc medicina partem vbique locorum profiteri poterunt. De origine vulgarium chirurgorum; quos Tonsores appellamus, lege Vesalium in epistola, quā operi suo de Fabrica humana prafixit, vbi causam addit, cur Chirurgia à medicina hodie sit, non sine magno mortalium incommodo separata. Hæc non scribo doctissime Barsie, quod Tonsorum antiqua priuilegia iam pridem concessa abolere velim: sunt enim hic Antuerpiæ tonsores expertissimi. Profiteantur artem hanc quicumque velint, frigus quo duramque famem depellere possint, mea nihil interest. Abusus hic tantum indico, & ne amplius huius artis professionem, cum maximo reipub. detrimento indoctis concedant, Chirurgos omnes medicos esse debere, artemque Tonsoriam vel Balneatoriam à Chirurgia diuersam esse dico. Quæ ideo paulò altius repetenda esse duxi, vt quantum moderna Chirurgia à pristina illa & vera defecerit, quantumque pristinus ille chirurgiæ fulgor, iam inter tonsores obscuretur, cognoscas. Nec sane sine ratione tecum moecenas optimè, hæc de re agendū fuit: tu enim es, qui huius Chirurgiæ studijs remet oblectas: tu es à quo solo Chirurgia (eheu) collapsa, integrè restitui & reformari potest: tu es, qui præ singulari tua eruditione, quid vitij vel defectus inter chirurgos tonsorios latet, dispicere nouisti: tu es qui dum germana chirurgia ab illegittima in ius vocatur, illam defendere potes. Quamobrem ea quæ in Chirurgia apud Bogardenses publicè prelegi Ant-



uerpia in formam Catechismi contrahere, tu-  
que Dignitati nuncupare visum est. Hoc enim (ni fal-  
lor) pacto rudiores huius artis facilitate allekti, ma-  
iori studio huic perdiscenda animum applicabunt,  
multiq; ad hanc artem incitabuntur, quos alioquin  
in artis limine difficultas absterruisset. Noui equi-  
dem Zoili in me odium, noui & Mommi detractiões,  
sed modò ex hac mea lucubrationcula ad studiosam  
Chirurgia iuuentutem, aliqua dimanarit utilitas, ni-  
hil moror. Facillimè enim huiusmodi hominum mon-  
stra, rationibus meis profligabo. Age itaq; mi Bar-  
zie, tuo patrocinio Chirurgia tabescens restorere  
incipiat, te patrono extincta reuiuiscat, atque ab or-  
co (vt dicitur) in lucem reuocetur: te auctore professo-  
res docti, qui eam in oppidis prelegant cõstituantur.  
Ita enim pristino suo nitore ad maximam Reipub.  
utilitatem, tandem restituetur. Cura vt valeas  
Antuerpia ipsis Calendis Iulij Anno à Christo nato  
1577.



**PRACTICA CHI-  
RURGIAE, BREVIS ET**  
facilis Cornelij Schylandri.

*Lectio prima.*

**DE DEFINITIONE CHI-  
rurgiae, & operatione Chirurgi.**

*Doctor.*

**A**gedum Chirurge. Quid est Chirurgia?  
*Chirurgus.*

Chirurgia est affectus præter naturam per incisionem, vel concinnationem methodica ablatio, nec non vulnerum & hulcerum curatio.

*Doctor.*

Rectè: Sed cur dicis per incisionem & concinnationem?

*Chirurgus.*

Huius artis duæ sunt partes, Synthesis & Analysis. Per Synthesin artus luxati in pristinam sedem reponuntur: per Analysin verò, quæ coniuncta sunt, diuiduntur, ut fit in abscessibus & herniosis.

*Doctor.*

Tu sanè duas Chirurgiæ primarias partes breuiter perstringis: sed vltèrius. Quomodo

A 4

Chi-



Chirurgus medetur cum natura ab Hippocrate morborum medicus esse dicatur?

*Chirurgus.*

Id in diuerso genere causſæ contingit. Natura enim ſola eſt cauſſa efficiens curationis. Chirurgus autem, miniſtrans vel cuſtodiens: miniſtrat enim medicamenta, & quo melius operationem ſuam natura perficiat, hanc à celi iniuria præſeruat.

*Doctor.*

Scio: Apollo rigat, natura autem eſt, quæ incrementum dat. Sed quæ eſt hæc methodica ablatio, cuius tu mentionem facis?

*Chirurgus.*

Vt primò materiam vulnerum vel hulcerum digeramus: & ſecundò, digeſtam, vel coctam mundificemus.

*Doctor.*

Quare quæſo?

*Chirurgus.*

Quia, quæ matura, coctæue ſunt, medicari ac mouere oportet, non etiam cruda, vt habet Aphoriſmus.

*Doctor.*

Quomodo tandem materiam digeſtam euacuabimus?

*Chirurgus.*

Vnguentis vel emplaſtris in parte decliuo-  
ri. Quæ enim educere oportet, quo maximè  
vergere videbuntur ducito.

*Do-*



*Doctor.*

Est ergo hæc absoluta Chirurgorum methodus?

*Chirurgus.*

Nequaquam: sed de sua cuiusque methodo, in proprijs Lectionibus dicemus.

## *Lectio Secunda.*

### DE DIFFERENTIA VULNERUM, & eorundem curatione.

*Doctor.*

Quid est Vulnus?

*Chirurgus.*

Vulnus est solutio continui, cruenta & recens.

*Doctor.*

Causa solutionis quæ est?

*Chirurgus.*

Incisio, quæ fit gladio, vel ab alia re quapiam scindente. Contusio, quæ fit à re aliqua obtrusa, ut est lapis, lignum &c. & perforatio, quæ fit telo, vel alia re simili acuta.

*Doctor.*

Est ne horum omnium eadem methodus?

*Chirurgus.*

Est prosectio.

*Doctor.*

Quæ nam est ista?

A 5

Chi-



Oblato vulnere, sanguis ilicò non est restrin-  
gendus: sed paulatim fluere permittendus est,  
donec feruor sanguinis ex ira vel magna ani-  
mi perturbatione sit sopitus.

Doctor.

Putas igitur ex intempestiua sanguinis sup-  
pressionem aliquid nocimenti accidere posse?

Chirurgus.

Maximè, per vulnera enim non minus no-  
xia expurgantur, quam per venæsectionem.

Doctor.

Interim dum sanguis stillat: quid homini  
irato, vel grauiter commoto est exhibendum?

Chirurgus.

Ea quæ sanguinis feruorè vel ebullitionem  
extinguere solent, qualia à medicis præscribi  
solent.

Doctor.

Quodnam porro est illud?

Chirurgus.

Gummi elemij, decoctum in vino Rhenensi.

Doctor.

Profecto miraculosum est istud gummi, di-  
gerit enim, mundificat & incarnat, & id præ-  
sertim in vulneribus capitis.

Chirurgus.

Ita est, multi inueniuntur vulnerarij, qui hoc  
solo vtuntur, quibus ex voto omnia succedunt.

Doctor.

Empla-



Emplastrum sticticum, quomodo componitur ?

*Chirurgus.*

Componitur hoc modo Recipe Olj Oliuarij vncias sex, cera sequiuncia, quibus liquefactis, adde litargirij vncias duas, Ammoniacy, bdellij ana vncia semis, galbani, opoponacis ana dragmas duas, aristolochie rotunda, calaminaris, mirrhe, thuris ana dragmas duas, olei laurini tantundem, & resina abietis, vncia vnam, Coquantur ad consistenciam. Ammoniacum, dbellium, galbanum & opoponax trita per diem naturalem, prius in aceto debent macerari, & lento tandem igne liquefacta exprimi.

*Doctor.*

Optimè : emplastrum illud, ita me Deus amet, mirabile est, & omnibus vulneribus, & etiam hulceribus.

*Chirurgus.*

Proculdubio. Vulnus autem singulis diebus bis deligandum est, hora nempe duodecima ab applicatione.

*Doctor.*

Quid sic ?

*Chirurgus.*

Euanescit virtus eius, si vulnere diutius adheret.

*Doctor.*

Vulnus ipsum, quomodo incarnabimus ?

*Chirurgus.*

Sola



Sola applicatione huius *Emplastri stictici*, cuius effectus mirabilis est, tam in incarnando, quam digerendo & mundificando.

## *Lectio Tertia.*

### DE SVTVRIS LABRORVM

*Doctor.*

Sutura itaque in vulneribus inutilis est ?

*Chirurgus.*

Si labra emplastris vniri possunt, inutilis est: sin minus, utilis.

*Doctor.*

Cedo igitur rationem.

*Chirurgus.*

Oportet Chirurgū esse imitatore naturę, naturam autē nō imitatur, dum externam superficiem acu filata consuit. Hęc enim ab interioribus auspiciatur suam glutinationem: sic quę paulatim progreditur, donec ad vulneris extremitatem peruentum sit.

*Doctor.*

Hęc-ne medendi ratio à nostris vulnerarijs obseruatur ?

*Chirurgus.*

Minime gentium: exteriora enim consunt, & concauitatē, in qua sanguis contentus corrumpitur, relinquunt: pro vno vulnere decem infligunt, vnde si neruorum aliquis acule-

ledi-



CHIRURGIAE.

leditur: Dij boni, quantus dolor, & quanta<sup>13</sup>  
exacerbatio!

*Doctor.*

Non medentur igitur rectè?

*Chirurgus.*

Medentur rectè quidem: sed felicius succe-  
deret, si Emplastris sticticis vterentur.

*Doctor.*

Cupio abs te audire, eorum in curando  
methodum.

*Chirurgus.*

Vocati ad hominem læsum, ilicò vulneris la-  
bia filo contrahunt, relicto iuferius orificio,  
qua excrementa purgari queant. *Oui candidum*  
*aliquam diu agitatam*, leui *stupa* excipiunt, id-  
que supraponunt per diem naturalem ita re-  
linquentes.

*Doctor.*

Rectè. Sanguinis profluuium enim hoc sup-  
primit, dolorem sedat, & phlegmones arcet:  
sed hisce absolutis, res omnis caret periculo?

*Chirurgus.*

Nequaquam: attamen si citra puncturam  
nerui id contingit, si ex intempestiua suppres-  
sione sanguinis, febres, deliria, aut alia id ge-  
nus, symptomata non oriuntur, præcipua labo-  
ris pars adempta est.

*Doctor.*

Credo equidem: Dimidium facti, qui bene  
cepit, habet. Quid autem postero die?

Chi-



Chirurgus.

Vulnus ipsum leniter pluma quadam Gummi elemij intincta illinūt, & Basilicum magistrale à Vigone descriptum superponunt.

Doctor.

Gummi elemij, Mattioli in caluariæ fracturis & vulneribus præstantissimum ait esse medicamentum, quod instar abietis, non solum glutinet, sed & mundificet, & sarcotita sit.

Chirurgus.

Vnguentum quoque Basilicum magistrale in pecia extensum, admirandam habet virtutem digestiuam cum mundificatione, & doloris sedatione, adeò vt inter cetera vnguenta palmam mereatur.

Doctor.

Itane? da igitur nobis eius descriptionem?

Chirurgus.

Recipe olei Rosacei vncias tres, olei mastice vnciam vnā, pinguedinis vituli, porcina, ana vncias duas, foliorū plantaginis, periclimeni, betonica, pinipinella, pilosella, floris roris marini, ana partem vnā, omnia conquassentur & bulliant cum ciatho vini ad vini consumptionem: cuius cotaturæ adde mastice, gummi elemij, resinae pini, ana vnciam semis, litargirij auri & argenti, ana vnciam vnā, minij dragmas quinque, iterum bulliant donec acquirant colorem nigrum, & addantur resinae abietis vncia dua, cerea alba, quantum satis est, & fiat cerotum melle.

Do-



Doctor.

Quid verò, si inflammatio superueniat?

Chirurgus.

Quid tum postea? habent quibus eam auferant.

Doctor.

Quæ nam?

Chirurgus.

Defensiuæ ex oleo rosaceo tantum, vel oleo rosaceo cum Bolo Armeno, vel ex aceto cum aqua dupla portione.

## Lectio Quarta.

### DE VVLNERIBVS CONTV- sis, & eorum curandi methodo.

Doctor.

In Vulneribus à contusione, eadè mne est ratio procedendi?

Chirurgus.

Non omninò: nam ne quid sordiū ipsis inhereat ex lapide vel ligno, prius ablui debent.

Doctor.

Quonam liquore?

Chirurgus.

Decocto vini ex mirra, & tum vltèrius eadè est curandi ratio cum præcedentibus. Cō iunctis labijs oui albo emplastrandum vulnus est



est: postero die *Gummi elemij* leniter inungendum est, & *Basilicum magistrale*, de superponendum, vti diximus.

*Doctor.*

Quid si contusio sine vulnere accidat?

*Chirurgus.*

Recipe Oui candidum vehementer agitatum oleo cummirrhini, eiusdemque pulvere ana vnciam vnam leui stupa in aceto & aqua madefacta, manuque expressa hæc excipe, parti que affectæ applica, & Dei gratia euanesceat.

*Doctor.*

Quid si contusio persistat?

*Chirurgus.*

Idem medicamentum repete, & futurus voti compos. Ego Cera liquefacta tantum vtor, & bene succedit.

## Lectio Quinta.

### DE VVLNERIBVS PROFVNDIS à perforatione.

*Doctor.*

Qua methodo curantur vulnera profunda, quibus tela infixæ adhuc hærent?

*Chirurgus.*

Tela ante omnia, sunt extrahenda, & si profunditati adest angustia, vulnus dilatandum est



est, curaque instituenda, vti dictum est, cum  
*Gummi elemij & basilico magistrali.*

*Doctor.*

Quid si vulnus dilatari nequeat?

*Chirurgus.*

Tunc lauamento vtimur ex vino, mirrha &  
sale coctis, quod syringa iniectum materiam  
purulentam expurgat: sed membrum pronum  
esse debet, quo facilius effluat.

*Doctor.*

Intelligo: sed quomodo tela quę hamis præ-  
dita sunt, sine venarum & arteriarum lesione  
extrahas?

*Chirurgus.*

Extractio fit per attractionem, id competit  
telis tereti, & forma oblonga: vel fit per pro-  
tusionem siue impulsione: hoc modo tela bar-  
batula extrahuntur: nam cum retrahi neque-  
ant in aduersam protrudi partem ea necesse est.

*Doctor.*

Quid si protrudi nequeant?

*Chirurgus.*

Vulnus tum subito ampliari debet, quo fa-  
cilius educantur: nam in talibus differre mi-  
nime tutum est, aut instrumento concauo &  
rotundo vtendum est, quod prædictas barbu-  
las à carne prius diuisas in se complecti potest.

*Doctor.*

Satis ingeniosè omnia. Sed si tela ossibus  
inhereant: quomodo operandum est?

B

Chi-



Aperiatur locus incisione triangulari, & tripanum ita adaptetur, vt in circuitu sagittæ os ipsum profunda perforatione perforetur: facillimè enim tum vnà cum osse ea instrumentis euellentur.

*Doctor.*

Fateor equidem hoc verum esse, dum telum non est in aliqua corporis parte nobiliori. Sed si ratione venarum arteriarum & nervorum vulnus ampliare non licet, vel tripanno vti: quid tum agendum est?

*Chirurgus.*

In his & similibus cum digerentibus, & relaxantibus & attrahentibus procedendum est: aut verbis constellatis vtendum est, quibus nullo negotio omnia telorum genera duobus digitis è vulnere eximuntur.

*Doctor.*

Credis?

*Chirurgus.*

Non crederem, nisi vidissem.

## *Lectio Sexta.*

DE VVLNERIBVS NERVO-  
rum, & horum facili curandi methodo.

*Doctor.*

Vti-



Vtinam sic paucis expedias de punctura  
neruorum, *vel neruorem vulnere*, quam spas-  
mus, febres vel deliria, non sine ægrotantis pe-  
riculo comitantur.

*Chirurgus.*

Expediam paucis, si placet.

*Doctor.*

Placet mirum in modum.

*Chirurgus.*

Sanguis, postquam è vulnere moderate  
fluxit (vt suprâ diximus) sistendus est: vel  
sutura cum applicatione *Oui vel emplastri sti-*  
*ctici*, relicto inferius orificio, qua excrementa  
expurgentur.

*Doctor.*

Verum est: in omnibus huc sese primum of-  
fert.

*Chirurgus.*

Deinde in superiori parte vulneris defen-  
suum collocandum est ex *Olei rosacei, mirthi-*  
*ni ana vncia vna, olei camomille vncia semis, boli ar-*  
*meni vncia vna, & cera sufficienti.*

*Doctor.*

Hæc quoque ceteris vulneribus communia  
sunt.

*Chirurgus.*

Postero die *Resina abietis vel decocto gummi*  
*elemij* labia inungemus, *Emplastrum sticticum*  
desuper ponentes vel emplastrum à Vigone  
descriptum in capite De vulneribus neruo-

B z

rum



*Doctor.*

Optimè id digerit: dolorem sedat, & cum attractione vulnus ipsum abstergit.

*Chirurgus.*

Si in eiusmodi vulneribus magna est impuritas ebullitio cum dolore, sectione quoque venarum opus est, & doloris mitigatione.

*Doctor.*

Ecquid amplius agendum est?

*Chirurgus.*

Debita membri situatio quoque necessaria est: si enim in superiori parte manus vel digiti lesio accidit tabula fabricanda est, ut membrum extensum relinquatur. Sin in inferiori, semicompressa & modicè contracta sit: sic enim facilius nervi sibi cohærebunt.

*Doctor.*

Da nobis emplastrum Vigonis in punctura nervorum celebre.

*Chirurgus.*

Recipe olei rosarum, violarum, chamomilla, ana unciam unā, sepi vituli uncias tres, axungia porcina unciam unā, pinguedinis gallinae, medulla crurium vituli ana unciam semis, lumbricorum lotorum in vino unciam unam, butyri recentis drachmas sex, mucilaginis atheae libram mediam, bulliant ad consumptionem mucilaginis lento igne, colatura adde litargirij auri & argenti ana drachmas decem, minij drachmas tres, cum cera sufficienti, fiat cerotum, addendo

in



*in fine coctura resina abietis drachmas decem, masticeis vnciam semis, & denuò bulliant vnica ebullitione.*

## Lectio Septima.

### DE VVLNERIBVS CAPITIS, & singulari eorundem cura.

Doct̃or.

Nihil peculiare in capitis vulneribus obseruari debet?

Chirurgus.

Si sine lesione cranei est, planè nihil, *Oui albumine emplastramus, & postridie labra inungimus (vti dictum est) cum applicatione emplastri de gummi elemij, vel de betonica.*

Doct̃or.

Quid si caluaria fracta sit?

Chirurgus.

Id si fit sine solutione carnis (modò internè nulla sit ossium asperitas) resoluentibus & exiccantibus vtimur, quo humiditas vel sanguis intra caluariam, & duram menyngea resoluator & exsiccet̃ur.

Doct̃or.

Meritò quidem. Sanguis enim extra vasa effusus, putrescit tandem, & partes vicinas erodit: itaque de eius dissolutione sine mora

B 3

cogi-



cogitandum imprimis est. Sed quibus id absoluitur?

*Chirurgus.*

Emplastris, quæ capiti raso applicamus, vel pulueribus, quos cum aquis appropriatis propinamus.

*Doctor.*

Quale autem est illud Emplastrum?

*Chirurgus.*

Est Emplastrum Vigonis, quod sic componitur. Recipe fursuris exsiccati & trituratilibram semis, farina fabarum vncias octo, rosarum, mirtilorum, ana vnciam vnam, camomille, meliloti, ana manipulum vnum. Recados, squinanti, ana partem vnam, coriandri, anisi, ana drachmas sex, betnoica periclimeni, anethi, ana manipulum semis, absinthij, manipulos duos, omnibus trituratis cum fursure & sapa sufficienti, parumq; vini odoriferi, bulliant ad spissitudinem, addendo in fine coctura olei camomille, anethi, rosarum, mirtbini, ana vncias duas & semis, crocei drachmam vnam, cera alba vncias duas, bulliant iterum vnica ebullitione, & agitentur baculo, donec tepidum fuerit: addendo calami aromatici drachmas decem.

*Doctor.*

Indica puluerem qui grumos internos dissoluendi vim habet?

*Chirurgus.*

Recipe rhabbarbari electi, drachmas duas, mumie sincere drachmā semis, lacca rubra, spermatidis ceri,  
ana



ana drachmam vñā, boli armeni, terra sigillata ana  
drachmā semis, radicis hirundinaria drachmas tres,  
fiat pulvis subtilis & detur cum aqua tilia.

Doct̃or.

Nōne tripano igitur aliquando vtendum  
est?

Chirurgus.

Vtendum quidem, sed in duobus tantū  
casibus.

Doct̃or.

Quibus precor?

Chirurgus.

Dum sentitur punctio durę menyngis ab  
asperitatibus caluariae, vel dum frustum ossis  
inter caluariam, & duram menynga existit:  
hæc enim cum nec naturæ, nec medicamenti  
adminiculo corrigi possint, opus est trypano-  
rum administratione.

Doct̃or.

Quando trypanandum est?

Chirurgus.

Aliquando primo die, aliquando secundo,  
aliquando tertio, secūdum quod symptoma-  
ta graua sunt, vel leuia.

Doct̃or.

Vera prædicas: sed aperta caluaria dura me-  
nynx à celi iniuria, quid damni patietur?

Chirurgus.

Vt hoc deuitetur, in loco calido vndique  
occluso trypanum adhibemus, & asperitates

B 4

quam



quam potest fieri citissimè auferimus : tum infuso *melle rosarū calido*, bombice cavitatem implemus, & lineis filis superadditis vulnus obturamus, tandemque vnctione *Gummi elemij*, & emplastro de *betonica* desuper apposita medemur.

*Doctor.*

Siccine curatio absoluitur ?

*Chirurgus.*

Indubiè, modò deligatura singulis diebus iteretur, & debita victus ratione seruata, membrum à phlegmone arceatur.

## *Lectio Octaua.*

### DE VVLNERIBVS PECTVS penetrantibus.

*Doctor.*

De Vulneribus Pectoris, quid censes ?

*Chirurgus.*

In his similis omnino medendi ratio est, dum ea non penetrant.

*Doctor.*

Non : de Penetrantibus loquor.

*Chirurgus.*

Hæc periculosa sunt: si tamen curationem admittunt, hac ratione hoc fiet. Vulneratus prono corpore in lecto decumbat, quo sanguis



guis è regione pectoris ad exteriora paulatim  
fluat, nec cito restringendus est, modò hæmor-  
ragia non sit nimis magna.

Doctor.

Quid tandem ?

Chirurgus.

Flammula ex Gummi elemij vel resina abietis  
cum modico medullæ vituli & radicis consolidæ in-  
denda est, eique oui candidum superponen-  
dum ( vt supra diximus ) vel emplastrum sti-  
pticum à nobis descriptum.

Doctor.

Quod si sanguis in pectore non sit bene  
expurgatus ?

Chirurgus.

Ad eius dissolutionem vtendum puluere  
nostro, quem suprà descripsimus ex Rhabarba-  
ri drachmis duabus, mumie drachma semis, lacca  
rubra, spermatis ceti ana drachma vna, boli arme-  
ni, terra sigillatæ ana drachma semis, cum aqua ti-  
lia. Hoc enim in huiusmodi prerogatiuam  
sibi vendicat.

Doctor.

Quid autem si vulnus hisce remedijs con-  
solidari nequeat ?

Chirurgus.

Vtemur tum decoctionibus ex Herbis vul-  
nerarijs, quæ vulnera consolident.

Doctor.

Describe nobis tale decoctum, vt in re pe-

B s

riculosa



riculosa lēsis subueniamus.

*Chirurgus.*

Recipe. *Consolidæ maioris, & mediæ, sanicula, betonica ana manipulum vnum, ophiaglossi agrimonie ana manipulum semis, rhabarbari vnciam semis, mumiæ sincere drachmas duas, spermatis ceti dragmam vnā, decoquatur in vino in vase duplici bene obturato, de quo bibat egrotus ciathum mane & vespere.*

*Doctor.*

Rectè, præter consolidationem grumos sanguinis quoque dissoluit. Quid si tussis infestet?

*Chirurgus.*

Eius curam nos hic prætermittimus: Hic chirurgicas administrationes tantum breuiter perstrinxisse satis est. Sunt sepe numero etiam alia necessaria: vt est sanguinis missio, purgatio, & alia quæ à pharmaceuticæ ipsa peti debent.

## *Lectio Nonā.*

### DE VVLNERIBVS Intestinorum.

*Doctor.*

**Iam de Intestinorū & Ventrīs vulneribus.**

*Chirurgus.*

Vul-



Vulnerum ventris citra lationem intesti-  
norum facilis est cura: eadem enim medendi  
ratio cum superioribus.

*Doctor.*

Vnde intestina non esse lassa cognoscis?

*Chirurgus.*

Quia stercus non excernitur, vel quia ea  
cum omento foras minimè propendent.

*Doctor.*

Lassis intestinis, estne aliqua spes salutis?

*Chirurgus.*

Si gracile intestinum leditur, vel si per par-  
tem corporis posteriorem latio fit intestino-  
rum, ubi nervorum non parua est copia, letha-  
le est. Sin crassa intestina vulnerantur, quia  
carnea substantia constant: de vulnerati salute  
bene sperandum est.

*Doctor.*

Vnde cognoscis gracile ne intestinum an  
crassum lēsum sit?

*Chirurgus.*

A loco: nam gracilia intestina supra vmbi-  
licum: crassa autem infra sita sunt.

*Doctor.*

Qua methodo igitur intestinorum vulne-  
ra curanda sunt?

*Chirurgus.*

Intestina vino ex mirrha primum abluta, in  
pristinum locum reducantur, & filo consuan-  
tur, eo consuendi genere, quo pelliones vtun-  
tur.



tur. Omenti portio foras prolapsa, qua parte ventris cuti æquatur in parte sana, vinculo quodam constringatur, & præcisa dimidij digiti spacio, à ligatura cauterisetur candenti ferro, & intro reducatur funiculi parte exterius relicta: tandem mirach & peritoneum quoque colligantur.

Doctor.

Quomodo id fieri debet?

Chirurgus.

In prima punctione mirach cum peritoneo acu perforetur, ab altera parte mirach tantum. In tertio puncto mirach quoque tantum acu tangatur: in quarto mirach & peritoneum: in quinto mirach & peritoneum: in sexto mirach tantum, idque alternatim fieri debet, nunc per vtrumque, nunc per alterum.

Doctor.

Itane: Quid postea?

Chirurgus.

*Oui candidum* citra tentæ alicuius insertionem applicandum est, funiculus enim promi-  
nens, eius vice fungitur.

Doctor.

Quid postridiè agendum?

Chirurgus.

*Resina abietis, vel gummi elemij* inungendum est, cum applicatione *vnguenti basilici magistralis*, & interdum decoctione vulneraria.

Lectio



*Lectio Decima.*DE HERBIS VVLNERARIIS  
& modo extrahendi Olea ex ijsdem  
Herbis.

Doctor.

Quæ sunt herbæ, vnde potiones Vulnerariæ hodie componuntur?

Chirurgus.

Pyrola, sanicula, ophioglossum, consolida maior, media, minor, regalis, saracenica, limonium, mumia, spermaceti, vinca peruinca, serpentina, centaurea, hypericon, betonica, aristolochia, persicaria, balsamina, herba carpentarij, flos S. Iacobi, millefolium, perfoliata, prunella, numularia, salvia.

Doctor.

Da nobis ex his aliquam compositionem.

Chirurgus.

Recipe pyrolæ manipulos duos, ciclaminiis saniculae ana manipulum vnum, alchimilla mapripulum semis, coquantur in vino renensi secundum artem, de cuius colatura bibat lesus manè & vesperi.

Doctor.

Dum vtimur hisce decoctionibus, vulnerei nihil superligandum est?

Chirurgus.

Maximè: herbæ elixæ exprimuntur, & cum pauxillo salis vulnerei applicantur.

Do.



*Doct̃or.*

Sunt ne alix portiones aliter compositz ?

*Chirurgus.*

Sunt quamplurimæ: ex hisce enim simplicibus, quisque pro suo arbitrio sibi decoctionem comminisci potest, quas cum magno successu vsurpare poterit.

*Doct̃or.*

Omnia tam breuiter & dilucidè explicas, vt nihil suprà: sed sunt alij, qui loco harum decoctionum ex simplicibus dictis olea extrahunt. Dic obsecro, quo id fiat modo ?

*Chirurgus.*


Varij variè operantur: at ego, hic quod factu facile est, tibi breuiter explicabo. Qui ex floribus olea extrahunt, illi primum flores in vento exsiccant. Postquam verò exsiccati sunt, in singulas libras olei oliuarū manipulos quinque florum imponunt: hæc commixta, in cucurbita bene occlusa, vti hic vides, per duos dies naturales in balneo Neptuni ab ijs digeruntur, lento igne, nempe in primo gradu. Post hos dies è vase eximunt, & colant, & si penitus colari nequeunt, torculari exprimunt, quemadmodum fieri solet, dum ex amigdalidis oleum exprimimus.

Balneum



CHIRURGIAE.  
*Balneum Neptuni.*

81



*Doctor.*

Hac prima maceratione florum in balneo, oleum perfectum erit, an saepius hæc maceratio iterari debet?

*Chirurgus.*

Iterari debet, sed cum alijs floribus exsiccatis in vento: hi enim denuò in oleo colato & expresso macerari debent, duorum dierum spacio, & poni, vt antea in balneo Neptuni non vltra primum gradum caliditatis, & dein de exprimi & colari.

*Doctor.*

Sufficit itaque hæc secunda infusio florum?

*Chirurgus.*

Non sufficit: tertio repeti debet eadem prorsus qua diximus ratione. Sed post secundum diem, oleum quod exprimitur, in cucurbita



bita vitrea reponi debet, bene obturata, & in balneo Neptuni magis calido, vbi tantisper permanere debet, donec faeces ab oleo separantur, & oleum clarum appareat.

*Doctor.*

Ita me Neptunus tuus amet, omnia methodo quadam facillima indicas. Quod si Paracelsus idem praestitisset, nae quam plurimi forent, qui relictis corporibus crassis, pharmaca sua ex oleis & spiritibus corporum componerent.

*Chirurgus.*

Vera narras: sed nondum perfectum est oleum cuius meminimus, nisi & operatio alia accedat.

*Doctor.*

Qualis amabo?

*Chirurgus.*

Ab oleo isto à faecibus suis depurgato, phlegma, id est, aquosa humiditas separari debet. Id quod quoque ope Neptuni fieri debet. Quod vbi separatum est, in vitro reservari debet, & in loco frigido.

*Doctor.*

Hem, quid ais, in loco frigido? potius in Sole collocandum foret, cuius calor vitalis esse dicitur.

*Chirurgus.*

Apagè: nullatenus id hic fieri debet, rancorem enim oleum acquireret, & si in loco frigido



do ponitur, maximè fragrans erit, & odorem  
floris in eo macerati spirabit.

*Doctor.*

Ex herbis ergo similiter olea componun-  
tur?

*Chirurgus.*

Planè: nisi quod hæ primo omnium con-  
tundi debeant, & in partes minutas conscin-  
di, & proinde qui præcedentia intelligit, faci-  
lè ex herbis & radicibus olea extrahet.

*Doctor.*

Optimè: nihil restat, nisi vt Chirurgi ita sua  
olea conficiant, vt vulneratis subueniant. Ita  
enim nomen sibi comparabunt, & hanc artem  
cum honore exercebunt.

## Lectio Undecima.

### DE MODO COMPONENDI Spiritus Terebinthinæ.

*Doctor.*

Quid censes de spiritu Terebinthinæ? Est  
ne maioris facultatis oleis prædictarum her-  
barum?

*Chirurgus.*

Certè, miraculosæ est facultatis, adeo  
vt si quis verum spiritum haberet, illi non  
esset difficile omne genus vulnera breuissimo

C

tem.



tempore curare.

*Doctor.*

Putas igitur raro eius verum oleū reperiri?

*Chirurgus.*

Quamplurimi venditant se habere, sed neminē haftenus repperi, cuius oleum à Vulcano non erat corruptum.

*Doctor.*

Sunt tamen Alchymistæ, qui nihil nisi oleum somniant.

*Chirurgus.*

Vereor ne oleum & operam perdant. Vulcanus namque illorum fornace vitur nimis calido, potius ferro emolendo, quam huiusmodi operibus naturalibus accommodo.

*Doctor.*

Sed dic rogo, quomodo tu ex terebinthina oleum distillas, quod contra vulnera antidotum est præstantissimum? cupio enim audire, si eorum quæ didicisti adhuc recordaris.

*Chirurgus.*

Dicam equidem, & id lubentissimē. Qui ex terebinthina oleum distillant, in primis miscent sex libras terebinthinæ tribus pocuis aquæ in vase æneo, aut cucurbita ænea alembico adunco, ut in hac figura videre licet.

*Eucur.*



*Cucurbita adunco rostro.*



Et ante distillationem iuncturas luto sapientiae illinunt ad expirationem prohibendam. Quo facto, igne lento distillant, & ilico spiritus una cum aqua guttatim ex alembico in phialam suppositam defluit. Postquam autem ope Vulcani nihil amplius distillari videtur, cucurbitam aperiunt, & terebinthinam infrigidari permittunt.

Doct̃er.

Quid tum postea?

Chirurgus.

C 2

Post-



Postquam terebinthina in frigidata est, eam è cucurbita eximūt, & idem denuò repetunt cum sex libris terebinthinae & tribus poculis aquae, & distillant, vt prius, idque toties, donec quantum spirituum copiam optarunt, habuerint.

*Doctor.*

Spiritus aque mixti, quid conferunt, aut quem vsum habent?

*Chirurgus.*

Nullum, & proinde ab aqua separari debent, vt quis eorū robur naturale cognoscat.

*Doctor.*

Quanta spirituum copia ex senis libris terebinthinae, & tribus poculis aque in distillatione prouenit?

*Chirurgus.*

Libra vna cum triente paulò plus aut minus, pro eo atque terebinthina pura est vel impura.

*Doctor.*

Ad vuguem omnia tenes, nec quicquam te latet: pergamus itaque ad compositionem olei Terebinthinae.

## *Lectio Duodecima.*

### DE MODO DISTILLANDI Oleum Terebinthinae.

*Do-*



*Doctor.*

Agēsī : quo pacto oleum Terebinthinæ conficitur ?

*Chirurgus.*

Terebinthinę huius, unde spiritus separati sunt, capimus octenas aut nouenas libras, & in vase iam dicto, dum calore Vulcani liquefit, continuò spatula agitamus, quousque aqua omnis euaporata sit, nec amplius ascendat.

*Doctor.*

Nulla ne sunt signa, quibus Terebinthinæ satis bullisse ante distillationē cognoscimus ?

*Chirurgus.*

Sunt profectò. Dum inter ebulliendum non amplius crepitare auditur, signum est certissimum, aquam omnem consumptam esse.

*Doctor.*

Quid deinde agendum est ?

*Chirurgus.*

Illicò alembicum imponendum est, & iuncturæ bene lutandæ luto sapientiæ.

*Doctor.*

Vnde componitur illud lutum sapientiæ ?

*Chirurgus.*

Varie sunt compositiones pro varijs operationibus, sed hic sufficit sumere argillam cum farina & albuminibus ouorum.

*Doctor.*

Postquàm iuncturę tali luto, vt dicunt, sa-



patientię oblitę sunt: quomodo est ulterius progrediendum?

*Chirurgus.*

In primis Vulcanum redigo ad primū gradum caliditatis, vehementior enim operationibus nostris aduersatur.

*Doctor.*

Vulcano ita tuæ intentioni adaptato, pergis distillare sine ulla cunctatione?

*Chirurgus.*

Certè, & intra sesquihoram distillatio absoluta erit. Nihilominus ne te tempus aliquando fallat, eousque operandum est, donec id quod distillat viridè apparebit. Hoc enim signum est perfectę operationis, & nihil olei amplius corpori Terébinthinæ inesse.

*Doctor.*

Bene omnia: faxit Vulcanus veller, vt inde multum vtilitatis ad Reipublicę commoditatem tibi compares, & oleum tuum tātā sit energię in sanādis vulneribus, vt eo solo qualiacunque sunt, curare possis.

**Practi-**



*Practica Corn. Schylandri*

Albissensis de Hulceribus.

Pars I. I.

*Lectio prima.*

DE HUMORIBVS ET QVA-

litatibus, vnde Hulcera natiuitatem  
suam habent.*Doctor.*

Dic age. Quid est Hulus ?

*Chirurgus.*

Hulus est solutio continui, purulenta &  
saniosa: in est enim hulceri tenuis materia, fa-  
nies dicta & crassa, quæ sordes aut pus dicitur.

*Doctor.*

Quæ autem est huius mali origo ?

*Chirurgus.*

Minera impuritatum quæ sua falsedine, a-  
crimonia, dulcedine, acerbitate cutem corro-  
dit, per quâ tanquâ emunctorium expellitur.

*Doctor.*

Non igitur à sanguine, cholera, melancho-  
lia, vel phlegmate ?

*Chirurgus.*

Sic est: hæc enim partes sunt corporis, à na-  
tura fabricatæ, quæ nullius mali auctores  
sunt: sed tantum quod bonum & perfectum  
est, appetunt.

*Doctor.*

C 4

Benè



Benè quidem dicis partes esse : sed harum partium caliditates & frigiditates vlcera causa sunt.

*Chirurgus.*

Minimè verò : hæ qualitates effectus tantum sunt impuritatum. Non enim, quia cholera calida est, membra erodit, alioquin id semper efficeret, cum numquam nō sit calida: sed quia acredine impuritas pollet, quæ membris caliditatem non naturalem imprimit.

*Doctor.*

Quid igitur est, quod agit ?

*Chirurgus.*

Salsum, amarum, acerbum, dulce. Hæc sunt quæ aliquam vim habent ( vt ait Hippocrates ) quæ dum exaltantur in homine effectus præter naturam producunt. Caliditates, frigiditates, siccitates & humiditates, nullius sunt energiae.

*Doctor.*

Quid audio ? Hactenus tamen creditum est vlcera ab humorum vel elementorum intemperie prouenire ?

*Chirurgus.*

Fateor equidem hoc communiter dici: sed hæc intemperies magnā cladem Philosophiæ intulit, multorumque oculos fascinauit, qui nucleum se deprehendisse rati, cortices & siliquas obtinuerunt.

*Doctor.*

Non



Non sunt itaque quatuor humores in homine ?

*Chirurgus.*

Sunt profectò, & quidem multò plures.

*Doctor.*

Quot ergo ?

*Chirurgus.*

Quod sunt colorum genera, est humor albus, fuscus, flauus, niger, ruber, viridis, caruleus, purpureus &c.

*Doctor.*

Videris ridere quadruplicem humorum differentiam.

*Chirurgus.*

Quid ni rideam ?

*Doctor.*

Quidni rideas ? temerarium est contra Philosophorum decreta quicquam sentire.

*Chirurgus.*

Nequaquam : amicus mihi Plato, amicus Aristoteles, sed magis amica Veritas.

*Doctor.*

Errarunt itaque philosophi in quaternario elementorum numero, eorumque mistione ?

*Chirurgus.*

Planè.

*Doctor.*

Qui sic ?

*Chirurgus.*

Repugnat scriptura s. quæ vera est philosophia:

C S



phia: formauit Deus (inquit Moyſes) hominem ex limo terræ, id eſt, ex aqua & terra ſimul miſtis.

*Doct̃or.*

Accidit itaque id ſine aëris, vel ignis admiffione ?

*Chirurgus.*

Quis dubitat ? aër Ariſtotelicus nuſquam reperitur, & ignis accidens eſt, & non ſubſtantia.

*Doct̃or.*

Hui, quid narras ?

*Chirurgus.*

Intellectu facile eſt : ſi quis carbonem igniturum, quē ignem appellamus à non ighito accidentaliter tantum differre ſciat, quemadmodum ferrum candens à non candenti. Corpora quoque tantum in aquam & terram reſoluntur: vapor enim & exhalatio in diſtillatione aſcendunt, & terra craſſa in fundo cucurbitæ permanet.

*Doctor.*

Verè quidem : ſed Philoſophorum ea eſt conſiderare. Chirurgus ſatis eſt, nouiſſe choleeram, phlegma, ſanguinem & melancholiam, cum ſuis qualitatibus calefacientibus & infriigidantibus.

*Chirurgus.*

Non eſt : vt hulceris naturam, quis benè perſpectam habeat, quia homo tantum ex aqua



qua & terra componitur, iisque solis nutritur terrarum & aquarum differentias cognoscere oportet: secundum horum enim diuersitatem, diuersa hulcera in homine oriuntur.

*Doctor.*

Explica nobis hulcerum natiuitates, nam quomodo id fiat, non intelligo.

*Chirurgus.*

Vescimur pane, herbis & carnibus: bibimus aquam, cereuisiam & vinum: certum est in hisce impuritates aqueas, vel terrestres latere, quæ ob dissimilitudinem naturæ in corpus nostrum mutari nequeunt: dum igitur beneficio nature purum ab impuro separari nequit, fit mutua vtriusque commixtio. Malua vrticis & arsenicum violis miscetur, quæ temperata ex mutua admixtione ferociam suam tantisper remittunt, donec separata fuerint.

*Doctor.*

Quid?

*Chirurgus.*

Hæc impuritas terrestris, vel aquea ab admixtione puritatis libera exaltatur, & ratione salsedinis, acrimoniæ, dulcedinis, vel acerbitalis, carnem & cutem corrodit, producitque caliditates, humiditates, & alia symptomata.

*Doctor.*

Optimè: sed si ex aqua & terra generatur, quomodo tam multiplex est hulcerum differentia?



rentia ?

*Chirurgus.*

Quia est multiplex terrarum, & aquarum differentia, alia est aqua & terra vrticæ, alia arsenici, piperis alia, & ita de reliquis: quorum aliqua salsa corrosiua, alia acria pungentia, &c.

*Doctor.*

Est igitur aqua cum terra genus?

*Chirurgus.*

Sanè, & nihil verius, quamuis repugnet comuni Philosophorum opinioni.

*Doctor.*

Paradoxa narras à nemine, quod sciam, descripta.

*Chirurgus.*

Paradoxa esse fateor: sed talia, quæ à nemine non approbari debent: quemadmodum in vino dulci tartarus latet in forma resoluta, qui temporis diuturnitate coagulatur, & lateribus vasis adheret. Ita in homine impuritates reperiuntur, quæ digestis temporibus coagulata, hulcera naturæ suæ legitima in carne producant.

*Doctor.*

Bella similitudo.

## Lectio Secunda.

DE



DE METHODO SERVANDA  
in Ulceribus.*Doctor.*

Ad methodum in Ulceribus seruandam  
iam accingamur.

*Chirurgus.*

Hic quemadmodum in vulneribus cū di-  
gerentibus & mundificantibus procedimus.

*Doctor.*

Qualis est ergo hæc methodus ?

*Chirurgus.*

Omissa purgatione, & debita victus ratio-  
ne, quæ ex pharmaceutice & dieticæ peti de-  
bent, primò materiam digeremus, donec pus  
album equale appareat: deinde materiam sa-  
tis concoctam abstergemus, non neglectis in-  
terim exsiccantibus, quæ humiditatem in vl-  
cere exsiccant. Hisce absolutis natura ipsamet  
carnem procreabit, & vlcera ad consolidatio-  
nem perducet, modò à Chirurgo legittimè à  
cæli iniuria custodiantur, hoc est emplastris  
vinciantur, quæ eam præseruent.

*Doctor.*

Benè dicis: Chirurgus enim est custos na-  
turæ, sed oblato hulcere, continuo materiam  
digeremus ?

*Chirurgus.*

Sanè dum simplex est, hoc est, dum nullus  
adeft dolor, vel phlegmon vel tumor vel apo-  
stema



Itema vel callositas vel hæmorrhagia, vel ossis corruptio: alioquin dum compositum existit accidentia dicta, primum sunt auferenda, tum demum, qua diximus methodo, ulterius progredi licet.

*Doctor.*

Qua ratione hæc tolluntur?

*Chirurgus.*

Dolor anodynus, phlegmon vnguento rosaceo, vel simili. Callositas, & ossis corruptio cauterijs secundum Vigonem. Hemorrhagia, croco martis. Tumor vnguento Agrippæ cum oleo Tartari. De Apostemate infra dicemus.

*Doctor.*

In quotuplici differentia Hulcera reperiuntur?

*Chirurgus.*

In multiplici: tot enim sunt hulcera, quot sunt impuritarum discrimina: impuritates, aut habent actionem & proprietatem arsenici, & hulcera fiunt pestifera cum maximis ardoribus: aut habent proprietatem aluminis, & fiunt corrosiva: aut habent proprietatem uricæ, & fiunt mordicantia & acria: aut habent proprietatem papaveris & mandragoræ, aut aliorum vegetabilium & mineralium, & fiunt Hulcera, quæ pro impuritarum diuersitate, diuersas sibi fortiuntur nomenclaturas.

*Doctor.*

Longè sanè probabiliora dicis, quàm qui  
chole-



cholerae aut melancholice, aut phlegmati, hæc omnia scribunt, quique malunt ab externis signaturis, hoc est à coloribus hæc nomina mutare, quàm ab internis proprietatibus.

## Lectio Tertia.

### DE REMEDIIS, QVIBVS IN Hulceribus curandis utimur.

Doctor.

Hætenus methodum generalem: iam quibus remedijs Vlcera curentur, explica.

Chirurgus.

Communiter à digestionem vnguento ægyptiaco utimur, quod in omni ulcere sordido, putrido, virulento, cauernoso plurimum valere experientia didicimus, de super vnguento de minio, vel basiliconis, vel de lithargirio fascientes.

Doctor.

Nónne præstaret uti præcipitato tantopere à Vigone decantato?

Chirurgus.

Maximè quoque probo vsum huius pulueris bene præparati, mundificat enim ulcerationem, sine dolore malignitatem corrigit, subtilem materiam ingrossat, & ad bonam digestionem perducit.

Doctor.

Da



Da nobis descriptionem vnguenti egyptiaci ?

Chirurgus.

Recipe aquæ plantaginis, vini granatorum, mellis licij ana vncias duas, floris aris, aluminis roche ana drachmas decem, omnia simul bulliant ad consistentiam.

Doctor.

Cedo: quomodo in hulceribus cauernosis, huiusmodi pulueres vel vnguenta ad intima penetrant ?

Chirurgus.

Si cum lixiuio barbitonsoris, & melle rosaceo mista, syringa iniiciantur, vt docet Vigo.

Doctor.

Ecquid post mundificationem ?

Chirurgus.

Vt imureo, quod recipit aquarum hordei libram vnā, mellis rosarum vncias tres, sarcocolla drachmas duas, mirrha, thuris drachmam vnā, vini odoriferi vncias sex hæc ad tertias decoquunt, ad loci confortationem & incarnationem.

Doctor.

Ad carnem superfluam, quid remedij ?

Chirurgus.

Puluerem aluminis vsti, huic inspergunt, additis filis, quibus emplastra superponunt.

Doctor.

Curantur igitur hisce remedijs omnia hulcera ?

Chirurgus.

Non:



Non: sunt quædam inueterata, quæ Chyronia vel Telephya nuncupantur: sunt & alia difficilis consolidationis, Mercurij naturam referentia, quæ alijs remedijs curari debent.

Doctor.

Quibus precor?

Chirurgus.

Oleo Mercurij, vel oleo Antimonij, vel oleo Sulphuris.

Doctor.

Huiusmodi remedia alchymistis relinquamus: dic quæ à nobis citra difficultatem præparari possunt?

Chirurgus.

Lubentissimè: & si vno contentus non es, dabo tibi plura. Recipe Serpentaria vtriusque ana manipulos duos, aristolochia acuta, consolida pontica ana libram semis, contundantur, & cum terebinthina libra vna & semis & olei ouorum, vncijs quatuor, fiat vnguentum.

Hoc vnguento omnis cutanea affectio curatur, etiam Phagadæna ipsa.

Aliud.

Recipe Succo Chelidonia libram vnā, aloë hepatica vncias duas, mumie vnciam vnā, viridis æris drachmam vnā, aluminis vsti vncias duas, terantur subtilissimè quæ terenda sunt, & cum succo digerantur in calore per dies octo, post vlcera pannis in eo madefactis ligentur.

Aliud.

D

Reci-



Recipe viridis æris vnciam semis, aluminis vsti vncias duas, henrici rubei vt vocant, drachmas sex, terebinthina distillata, libram vnam, misce.

Aliud.

Recipe argenti viui mortificati vnciam semis, ceruse vncias duas, euphorbij drach. duas, saxiphragia, litargirij, sandolorum ana drach. vnam, axungia porci quantum satis est.

Aliud.

Recipe Salis armoniaci vncias tres, salis communis vnciam semis, bulliant in aqua, post adde gummi atramentarij, vncias tres, & liquefiant simul & in duritiem excoquantur. Huius portiuncula in aqua dissoluatur, qua hulus abluatur.

Doctor.

Sunt hæc remedia in Hulceribus præstantissima?

Chirurgus.

Haudquaquã: præstantiora habentur, quæ non temerè omnibus diuulganda sunt: nam potionibus possunt curari omne genus hulcera.

Doctor.

Mirabilis artifex es, vt ditescas scio, alijs tua secreta communicare non vis.

Chirurgus.

Rectè diuinasti.

Doctor.

Ad cicatricem autem producendam, quid?

Chirurgus.

Abluc-



Ablue primum stillaticia plantaginis, rosarum, allumine rocha, cum pauxillo mellis rosacei, deinde utere medicamento quod componitur ex minij vncia vna, olei resarum, mirthini ana vncia vna & semis, Sic Vigo.

## Lectio Quarta.

### DE METHODO CVRANDI Fistulas.

*Doctor.*

Superest, vt nunc de Fistulis agamus.

*Chirurgus.*

Ita est: fistula enim, quia hulus cauernosus est, callositate obductum, stricti orificij, & profunditatis amplæ, exercitatu requirit, & non solum medicum rationalem.

*Doctor.*

Habes ne aliquam contra Fistulas experientiam?

*Chirurgus.*

Habeo equidem, & satis magnam.

*Doctor.*

Doce porro, quibus hoc malum remedijs auferatur?

*Chirurgus.*

Quæ ad Chirurgiam spectant, docebo: sed hoc velim tibi primo persuadeas, quæ à Vigo-



ne traduntur, non vsque adeo ad Chirurgos medicos spectare: nam sine incisionibus negotium hoc absolui potest.

*Doctor.*

Quibus itaque remedijs vtédū arbitraris?

*Chirurgus.*

Decoctionibus, & debita victus ratione, quæ causam, vnde fistulæ oriuntur, auferant: nam hisce solis multos rectè curatos esse vidi.

*Doctor.*

Nullūmne Emplastrum applicari debet?

*Chirurgus.*

Sic, vnguentum *de tutia* in pelle, vel lino extensum, quod sepè in die quoque abstergendum est.

*Doctor.*

Qualis decoctio, & qualis dieta esse debet, quæ ægrotus vitetur?

*Chirurgus.*

Non est huius loci ea referre: hæc enim & similia ab alijs partibus medicinæ nēpe pharmaceuticæ & dieticæ peti debent.

*Doctor.*

Antiquum obtines: celas ea, quæ logici medici ignorant: sed potest ne fistula topico remedio curari?

*Chirurgus.*

Potest, vt quidem dicunt, sed eius experientiam non habeo.

*Doctor.*

Quale



## CHIRURGIAE.

Quale est illud?

Chirurgus.

Recipe olei Martis, olei vitrioli ana drachmam vnam, olei Mercurij, scrupulum vnum & semis, misce, his plumaceoli infundantur, & post infusionem exsiccati, fistulae imponatur, callositatem enim statim auferent.

Doctor.

Nō quæro huiusmodi chymica, quæ nō nisi maximis sumptib<sup>9</sup> haberi queūt: cedo aliud?

Chirurgus.

Recipe olei laterini vncias tres, olei terebinthinae libram semis, olei gariophilorum vnciam vnam & semis, thuris, mastice, mirrhe ana vnciam semis, myrris vncias tres, distillatur, & oleum inde distillatum per syringam quotidie bis injicitur, & cavitās vino vel aqua salis subinde eluatur.

Doctor.

Remedia tua paratu difficilia sunt.

Chirurgus.

Iraque huiusmodi remedijs prestat vti, quæ in hoc malo infallibilia sunt.

## Lectio Quinta.

### DE SCABIE.

Doctor.

Age iam ad Scabiem veniamus. Quod genus

D 3

nus



nus medelæ aduersus hanc reperitur ?

*Chirurgus.*

Recipe Succi chelidonia, fumi terra, borraginis, scabiosa, lapacij acuti ana vncias tres cum fece aceti & axungia veteri misceatur, quibus pars affecta illinatur.

*Doctor.*

Hocce remedio omnis scabies curatur ?

*Chirurgus.*

Curatur quidem: nisi à morbo gallico pro-  
ueniat, hæc enim scabies tam leui medicamē-  
to minimè cedit.

*Doctor.*

Quid tibi videtur de vnguentis contra  
scabiem, à Vigone in Antidotario descriptis ?

*Chirurgus.*

Quia ex argento viuo componuntur à pra-  
ctico reiicienda sunt, citra noxam enim ali-  
quā corpori huiusmodi non applicantur.

*Doctor.*

Nunquid aliud vnguentum tibi cognitum  
est, quod ex succis, qui tempore brumali non  
reperiuntur, non componitur ?

*Chirurgus.*

Cognitum est.

*Doctor.*

Describe hoc nobis, si placet.

*Chirurgus.*

Recipe Butyri recentis vnciam vnā, axun-  
giæ vnciam semis, litargirij, cerusæ ana dachmā  
vnā



*ynam, zinziberis drachmam vnam & semis, sulphuris drachmam semis, hellebori nigri puluerisati drachmas tres, aceti vnciam vnam & semis, miscantur & coquantur.*

## Lectio Sexta.

### DE ADVSTIONE.

*Doctor.*

Aduſtio à ligno, lacte, aleo vel butyro, quo modo curatur?

*Chirurgus.*

*Recipe butyri recentis liquefacti calidi quantum ſufficit, aqua infundatur & agitetur, donec niuis inſtar albefeſcat, & tandem aqua abijciatur, & ſeruetur ad vſum in forma vnguenti. Hoc lini mento ſepius partem affectam per vngues, & ſtudebis eam ſemper ex butyro pinguem ſeruare, nec ante caloris extinctionem exſiccari permittes.*

*Doctor.*

Aliudne habes huic comparandum?

*Chirurgus.*

*Habeo: cortices tiliae interiores in aqua fontana macerentur & fiat vnguētum, hoc continuo parti aduſtae applicetur. Si autem ex aduſtione pars exulcerata fuerit, procedatur, vt de Vlceribus dictum eſt.*

*Doctor.*

Facilis ſanè hæc tua methodus eſt.

D 4

Lectio



*Lectio Septima.*DE PRÆPARATIONE OLEI  
Guaiaci, id est Ligni Sancti.*Doctor.*

Accingamur quæso ad oleum Ligni sancti, quod in hulceribus admirabilem, vt dicitur, facultatem habet.

*Chirurgus.*

Perplacet. Id enim sine nephando scelere omitti non potest, quod maximam vtilitatem habere in Republica cognoscimus.

*Doctor.*

Censēsne itaque huius oleum præstantissimum esse ad hulcera antidotum?

*Chirurgus.*

Nulli dubium hoc esse debet, & potissimū ad ea quæ à morbo Hispanico, vel si mauis, Gallico, originem suam habent.

*Doctor.*

Putaram hætenus ea sine argento viuo curari non posse, quod ingenita sibi proprietate in tali morbo alexicacon omnes esse dicunt.

*Chirurgus.*

Id minimè verum est: efficacius enim & minori cum noxa oleum Ligni sancti auxiliatur, modò id bene à Chymico præparetur, & naturalis calor in igneum ab igne Vulcani im-  
mode-



moderato non transmutetur.

*Doctor.*

Requiruntur itaque certi gradus ignis in distillationibus ultra quod citraque progredi non licet?

*Chirurgus.*

Sane : alioquin enim in his natura eius quod distillatur corrumpetur . Nam ut non omnia in iisdem gradibus calida sunt , vel frigida , frigida vel humida , ita & diuersi gradus Vulcani in distillationibus obseruandi sunt , pro eo atque natura herbae & diuersitas operationis postulat.

*Doctor.*

Vellem equidem abs te huiusmodi audire : nam talia videntur esse mihi , ut nullus eorum ignarus esse debeat.

*Chirurgus.*

Vera narras : sed istae tractatio ingens sibi volumen postularet , si pro dignitate , eam traderemus . Hic nobis sufficit demonstrasse , in quo gradu vulcanus poni debet , dum ex Ligno sancto vel Guaiaco oleum extrahere volumus.

*Doctor.*

Optimè : qui enim particulatim aliquid explicat , facilius intelligitur à lectore , quam qui generatim id ipsum efficit , praesertim in tanta distillationum & graduum varietate . Age dum igitur , quomodo conficitur oleum ligni

D s huius



huius, quod præ sua quam habet efficatia, verè sanctum dicitur?

*Chirurgus.*

Certè vt hoc bene fiat, retorta opus est ampla & magna vndique bene lutata luto, vt dicitur sapientiæ. Lignum Guaiacum tornatili instrumēto minutim in particulas tenues con-  
scindi debet. Vas quoque aqua frigida plenum, per quod fistula ænea & concaua transmittatur, necessarium est.

*Doctor.*

Hæc factu facilia sunt. Quomodo igitur ulterius operandum est?

*Chirurgus.*

Retortam hanc Guaiaco particulatim confiso implemus ad collum ferè.

*Doctor.*

Et hoc facilè.

*Chirurgus.*

Impletam, & eo quo diximus luto obductam, in furno sequenti collocamus, ita vt collum retortæ ad tres palmos foris emineat, & orificium fistulæ per aquam traductæ ingrediat-  
tur.

*Doctor.*

Vtinam tam facili methodo ipse Paracelsus sua declarasset, plures inuenirentur Paracelsistæ quam Galenistæ. Sed quid postea?

*Chirurgus.*

Orificia ambo & colli retortæ, & fistulæ luto  
to




to vndique latitudine vnus pollicis sunt obli-  
nenda, ne quid inter distillādum expiret. Spi-  
ritus enim quia à corpore suo terrestri liberan-  
tur, facillimè auolant : vasa itaque & omnes  
rimulæ bene luto sapientiæ muniri debent.

*Doctor.*

Nihil, vt mihi videre videor, hæc habent  
difficultatis.

*Chirurgus.*

Bene quidem : hæc difficultatem non ha-  
bent, sed in operatione difficultas non deerit.



Quo



Quo itaque praxim hanc auspicemur : in primis talem furnum, vti hic vides, tibi confice, cum vase aqua frigida repleto.

*Doctor.*

Recte omnia: sed id quod in furni summitate video, habet formam testiculi.

*Chirurgus.*

Non inficior : sed & testiculis sua vis inest. Proinde postquam omnia eo quo diximus modo sunt absoluta, primo omnium lento igne operatio auspicanda est, ne vas illud testiculi formam referens, rumpatur.

*Doctor.*

Lento igitur igne absoluetur negocium?

*Chirurgus.*

Minime gentium : sed paulatim augendus est donec oleum & aquam e phistula in phialam stillare videris.

*Doctor.*

Quamdiu stillabit oleum?

*Chirurgus.*

Id nescio : sed id scito, dum nihil amplius exstillat, ab opere cessandum esse. Signum enim est corpori ligni Guaiaci nihil amplius inesse humiditatis & spirituum.

*Doctor.*

Oleum itaque Guaiaci tum distillatum erit?

*Chirurgus.*

Erit quidem, sed alijs adhuc preparationibus indiget.

*Do-*



CHIRURGIAE.

Doctor.

Quibus obsecro?

Chirurgus.

In primis id quod in phiala reperitur est aqua & oleum, & proinde hæc separari debet.

Doctor.

Quomodo separantur?

Chirurgus.

Quia oleum fundum petit, & instar picis crassum est, aquam leniter & paulatim effundendo paratur.

Doctor.

Aqua hæc, est ne alicuius facultatis?

Chirurgus.

Maximè: sed eam hic omittimus, nihilque præter oleum ipsum habere volumus.

Doctor.

Quid porrò agendum est cum isto oleo iam ab aqua separato?

Chirurgus.

Oleum hoc in alia cucurbita poni debet, eique aquæ aliquantulum adfundendum est.

Doctor.

Quale alembicum huic superponi debet, rostratum de quo diximus, an aliud?


Chirurgus.

Non quoduis huic operationi est conveniens. Idcirco alembicum convenientissimū est quod vapor appellatur, quod superiori sua parte aquā frigidā in se continet, ut hic vides.

Vapor.



## Vapor.



*Doctor.*

Quare hoc ?

*Chirurgus.*

Quia istac refrigeratione alembici vel rostri oleum reprimitur, & in cucurbitam decedit, unde postea non eleuatur.

*Doctor.*

Quousque distillabis ?

*Chirurgus.*

Donec aliquid in phialam suppositam stillare videris.

*Doctor.*

Quid tum deinceps agendum est ?

*Chirurgus.*

Id quod in phiala est, tibi reseruabis si voles



les, nam oleum in fundo cucurbitæ iacet.

*Doctor.*

Quomodo oleum hoc è cucurbita eximitur?

*Chirurgus.*

Postquam vas refrigeratum est, aperiri debet, & aqua, quæ in vase reperitur, modesta quadam effusione ab oleo separari, ne quid olei quoque effluat.

*Doctor.*

Id oleum in fundo cucurbitæ ab aqua separatum iam perfectum erit, nec ut perficiatur ulteriori præparatione egebit?

*Chirurgus.*

Nec hoc quidem adhuc perfectionem suam habet, alia insuper metamorphosis opus est, ut spe non frustremur.

*Doctor.*

Bone Vulcane, quæ autem hæc est metamorphosis?

*Chirurgus.*

Oleum hoc quod dicimus ab aqua separatum in cucurbitam vitream collocandum est.

*Doctor.*

Tertio igitur distillandum est? timeo ne distillatio toties iterata naturam olei corrumpat.

*Chirurgus.*

Quid corrumpat? quin vereare potius, ne columbæ apertis fenestris auolent.

*Doctor.*

Quomo-



Quomodo igitur? distillandum est in instrumento aneo, cui vapor superlutatus est?

*Chirurgus.*

Alio instrumento opus est, ut dixi, nam hæc materia oleacea in cucurbitam vitream mitti debet.

*Doct̃or.*

Quid deinde?

*Chirurgus.*

Alembicum quoque vitreum superlutandum est.

*Doct̃or.*

Bene, vitrea vitreis bene quadrant.

*Chirurgus.*

Atque cucurbita hæc, alembico suo bene adaptata in arena poni debet in primo gradu caliditatis.

*Doct̃or.*

Inde aliquid extillabit?

*Chirurgus.*

Extillabit rogas? Ita, oleum rubrum in vase recipiente videbis, quod tantę est facultatis, ut nihil supra.

*Doct̃or.*

Quamdiu distillandum est?

*Chirurgus.*

Triduum vel quatrimum, donec nihil amplius extillet.

*Doct̃or.*

Feces post distillationem in fundo relictę,  
sunt



sunt alicuius utilitatis?

*Chirurgus.*

Sunt profectò: sed cū aquæ in vapore distillata misceri debent, sed antequā miscentur, aquam hanc rectificari oportet in ventre equino, de qua re, quia difficilioris est operationis, hic nihil dicere decreui. Sufficiat tibi oleum nostrum quod cuius sit facultatis, experientia tibi indicabit. Bona merx non eget præcone.

## *Lectio Octava.*

DE MODO PRÆPARANDI  
Ceram, ut inde Oleum distilletur.

*Doctor.*

Quid censes de Oleo Cerae? in eo parando magna est difficultas?

*Chirurgus.*

Non vides tantum subesse difficultatis, ac aliqui credunt.

*Doctor.*

Doce itaque, quo id modo confici à Chirurgo possit.

*Chirurgus.*

Ante omnia, Cera præparari debet: nam hac parte omissa, tanquam potissima nihil ex Cera olei extrahitur.

*Doctor.*

Quomodo putas eam igitur præparandā esse?

E

*Chir-*



*Chirurgus.*

Inter alias præparationes, hæc vna est de potentissimis. Quatuor aut quinque libræ Cera virginæ in partes sex aut septem confractæ in cucurbita poni debent, cui admiscenda sunt tria pocula vini maluatici.

*Doctor.*

Quid deinde?

*Chirurgus.*

Vapor superlutari debet, & ita temperandus est Vulcanus, ne cera inter ebulliendum effluat.

*Doctor.*

In quoto gradu igitur caliditatis?

*Chirurgus.*

In secundo: nihilominus quod si pauxillum ceræ cum vino subinde extillasse videris, ne putes ilicò te errasse. Hæc enim cera post cucurbita delutata massæ cereæ denuò admisceri potest.

*Doctor.*

Vasis igitur bene coaptatis, quomodo aspicienda est operatio?

*Chirurgus.*

Ope Vulcani id agendum est, vt cera cum vino in cucurbita bulliat.

*Doctor.*


Quod genus cucurbitam putas?

*Chirurgus.*

Id genus, vt hic depictum esse vides.

*Doctor.*





*Doctor.*

Ad quid hæc ebullitio vtriusque conferet?

*Chirurgus.*

Ad quid conferat? in bullitione distillat paulatim spiritus vini cum facultate ceræ.

*Doctor.*

Distillatio hæc sæpius repeti debet?

*Chirurgus.*

Sæpius. Proinde vt bene cera præparetur, postquam pintam vnã huius vini stillaticij habemus, id denuò per fistulam à latere super infundimus, & ne quid euaporet, hanc obturamus.

*Doctor.*

Quid si cera rostro alembici adhereat?

*Chirurgus.*

Ea paulatim extrahi debet, alioquin rostrum ipsum clausura.

*Doctor.*

E 2

Quid



Quid deinde?

*Chirurgus.*

Secundo iterari debet tum huius distillatio, & ut antea vini stillatitij pinta distillata, iterum per fistulam lateralem affundi vinum debet. Idque duodenis horis continuis agendum est, ut reciproca quaedam sit distillatio & affusio.

*Doctor.*

Quid post duodecim horas?

*Chirurgus.*

Distillatione repetita tibi spiritum vini & cera comparaueris, hunc spiritum reservare debes: nam oleo cera, ut dicetur, postea admiscendus est.

*Doctor.*

Hisce igitur ita absolutis, Cera satis præparata est?

*Chirurgus.*

Nondum: sed post multas distillationes cucurbita aperiri debet, & Cera à phlegmate, cui admixta est, separari.

*Doctor.*

Quomodo id faciendum est obsecro?

*Chirurgus.*

Compressione sola manuum.

*Doctor.*

Satis aptè: comprimendo enim ceram, humor effluit.

*Chirurgus.*

Hanc ceram à suo phlegmate liberam in cucurbita



curbitam, unde extraxisti, mittes, & postquam igne lento liquefacta est, eam tantisper spatula agitabis, donec non amplius ascendat, & fumum de se sursum non mittat, aut spumam non habeat.

*Doctor.*

Sunt igitur hæc certa signa, quibus ceram satis præparatam esse cognoscimus?

*Chirurgus.*

Proculdubio. Atque hæc omnia benè memoriæ mandanda sunt, alterna eiusdem distillatio & adfusio, & phlegmatis expressio, ceræ liquefactio & agitatio, donec signa iam dicta adesse videmus. Quod si omnia uti oportet, facta sunt inde oleum, quod Ceræ oleum vocant, facillimè eliciemus.

## *Lectio Nona.*

### DE MODO EXTRAHENDI Oleum ex Cera Præparata.

*Doctor.*

Cera iam satis Præparata, quomodo oleum inde distillatur?

*Chirurgus.*

Interea quod cera adhuc calida est. Retortæ imponi debet capaci & vitreæ, vndique luto sapientiæ bene lutatæ. Huius collū quoque fistulæ per aquam frigidā transeunti, im-

E 3

ponen-



**PRACTICA**  
ponendum est & agglutinandum.

*Doctor.*

Quo lutamento ?

*Chirurgus.*


Ex argilla, lana de pannis tonsa, cum albu-  
minibus ouorum & arena.

*Doctor.*

Post lutationem Retortæ & eiusdem colli  
cum fistula, quid agendum est ?

*Chirurgus.*

Ponatur in furno, vti hic vides, & primo  
lento igne operationē auspica per horā vnā.



*Doctor.*



*Doctor.*

Quid post horam ?

*Chirurgus.*

Ignis augendus est paulatim donec oleum extillat, & dum oleum extillare incipit, ignis in eodem gradu seruandus est, nec mutandus.

*Doctor.*

Quid post olei distillationem ?

*Chirurgus.*

Oleum hoc in Balneo Neptuni liquefieri debet.

*Doctor.*

Quid, liquefieri inquis ?

*Chirurgus.*

Ita inquit, & liquefactum cum vase in aqua frigidā poni, ei que admisceri spiritū vini & ceræ, tantisper agitando donec crassescat.

*Doctor.*

Nihil restat, nisi ut quæ dicis hic experientia comprobemus. Ita enim verum ne an falsum sit, certò certius cognoscetur.

## *Practica Corn. Schylandri.*

Albissensis, de Apostematibus

Pars III.

### *Lectio Prima.*

DE APOSTEMATIBVS, EORUMQUE differentijs.

*Doctor.*

Quid autem tu vocas Apostema ?

E 4

*Chirurgus.*



*Chirurgus.*

Abscessum, vel tumorem præter naturam.  
In Apostemate enim partes à seinuicem ab-  
scedunt.

*Doctor.*

Vnde prouenit huiusmodi tumor ?

*Chirurgus.*

A quibus hulcera, sed sine cutis erosione.

*Doctor.*

Sunt itaque tot Apostematum, quot hul-  
cerum diuersitates ?

*Chirurgus.*

Omnino : pro causarum enim differentia,  
& hæc in corpore quoque diuersa apparent.

*Doctor.*

Quot eorum discrimina à modernis recen-  
sentur ?

*Chirurgus.*

Quintuplicia : est Sanguineum, Choleri-  
cum, Phlegmaticum, Melancholicum, & Em-  
physemata, quæ ex signis externis & sensibili-  
bus optimè distinguuntur.

*Doctor.*

Cedo nobis huius breuem quandam di-  
uisionem ?

DIVI.



CHIRURGIAE. 73.  
DIVISIO GENERALIS APO-  
stematum.



Apoſtematū aliud {  
Humorale { Cū partium } Eſtiomenus  
mortifica- } Eſchachylus  
tione. } Gangræna  
Sine partium  
mortifica-  
tione.  
Ventofum, vt  
ſunt Emphyſi  
mata

Apoſtema ſine {  
partium morti } Calidum { A ſanguine.  
ficatione. } A cholera.  
Frigidum { A phlegmate  
A melancholia.

Calidum Apoſtema {  
A ſanguine, vt Phlegmon.  
A Cho { Eriſipelas  
lera } Formica { Ambulatiua  
Corroſina  
Miliaris.  
Ignis perſicus vel pruna.  
Carbunculus vel Antrax  
veſicæ vel inflationes.

E s Oede-





Doctor.

Optimè, ita me Deus amet, breui diuisione, & apostematum, & causarum discrimina complexus



complexus es : vnde facillimè quisque omnia horum genera cognoscat.

*Chirurgus.*

Id apprimè Chirurgo necessarium est : nam morbo incognito nullus bene mederi potest.

*Doctor.*

Quæ in curatione apostematis sunt attendenda ?

*Chirurgus.*

Quàm plurima : imprimis resoluendum ne sit, an maturandum, diligenter indagandum est.

Quæ enim resolvuntur ad maturationem non perueniunt : & quæ maturatur, resolutionem non admittunt.

*Doctor.*

Quibus indicijs hoc cognoscas ?

*Chirurgus.*

Ex pulsatione, & dolore cum augmento caliditatis. Hæc enim signa sunt futura saniei. Nam dum pus fit, febres magis accidunt, quam confecto. E contra, carentia pulsationis & doloris, signa sunt materiei resoluendæ.

*Doctor.*

Repercutientia non sunt applicanda ?

*Chirurgus.*

Sunt certè in principio, & augmento, quo materia fluens retardetur : minimè dum ad statum peruenit apostema.

*Doctor.*

Semper itaque repercutere licet ?

*Chirurgus.*



Non semper: existente enim apostemate in locis emūctorijs, aut materia existente venenosa, aut in loco aliquo contusa, aut criticè foras protrusa hæc omittenda sunt, vt dicitur ratio.

*Doctor.*

Quam rationem medendi igitur in his seruiabimus?

*Chirurgus.*

Primò, materiam ad suppurationem perducemus, deinde eandem mundificabimus. Digesta enim medicari oportet, non autè cruda.

*Doctor.*

Sed quomodo mundificabis id, quod vndique pelle obductum est?

*Chirurgus.*

Eam ob causam nisi post materiæ suppurationem ultro apostema rumpatur ferro, aut caustica medela aperiendum est.

*Doctor.*

Intelligo: est eadem ubique medendi methodus: sed diuersitas remediorum difficultatem parit.

## *Lectio Secunda.*

### DE CVRA APOSTEMATVM

Do-



Doctor.

Medendi ratione generali utcumque prælibata, iam ad remedia accingamur. Sed obsecro, quæ nam sunt illa repercutientia, quorum mentio facta est?

Chirurgus.

Oui candidum rosaceo mixtum.

Doctor.

Bene quidem: sed id œdemati minimè competit?

Chirurgus.

Fateor, & in hisce non repercutimus: sed locum corroboramus tantum, rori (marino, absinthio, stechade, menta, nepita, & similibus.

Doctor.

Indica nobis maturatiua, quibus communiter practicautes vtuntur?

Chirurgus.

Hæc pro apostematum diuersitate, diuersa sunt.

In Phlegmone vel Erysipelate, sume foliorum maluæ, violarum ana manipulum vnum, in iure pulli decocta pistentur cum axungia porci, & oleo rosaceo quantum satis est.

Doctor.

Emplasticum hoc penitus est, quod suppurandi magnam vim habet.

Chirurgus.

A suppuratione aperimus (vt diximus) in parte decliuiori, quo purulenta materia facili-

us



us effluat. *Quæ educere oportet, quo maxime vergere videbuntur ducito, auctore Hippocrate.*

*Doct̃or.*

Hæc apertio ferre fiet, an caustico medicamento ?

*Chirurgus.*

Vel hoc, vel illo. Si ægrotus abhorret ab apertione, quæ ferro fit, caustico, hoc est, vrenti medicamento vtimur : sin minus, ferro vti licebit.

*Doct̃or.*

Sed ab hac cutis incisione, nihil imminet periculi ?

*Chirurgus.*

Nihil penitus : modò legitimè fiat, hoc est modò fiat secundum processum & lōgitudinem neruorum, venarum & arteriarum : quod ex musculorum anatomia peti debet.

*Doct̃or.*

Quod est causticum illud medicamentum, quo apostemata adaperiuntur ?

*Chirurgus.*

Recipe *lixiiij barbiton soris libram semis, vitrioli romani drachmam vnam & semis, coquantur ad spissitudinem, in fine addēdo opij scrupulum vnū, hoc cuti impositum ipsam corrodit, escharamque parit.*

*Doct̃or.*

Verum eschara hæc, id est, crustula combusta, quo pacto aufertur ?

C b-



*Chirurgus.*

*Pinguedine porcina veteri cum calaminari mista, hâc filis in circulum conformatis applicatam superponunt, de super forti ligatura emplastrū vincientes : hæc indubiè casum escharæ intra quatrimum procurat.*

*Doctor.*

Quid porro post apertionem apostematis agendum est ?

*Chirurgus.*

*Lichnū vel tintan, vt vocant, ex oleo rosaceo, & vitello oui, imponimus, emplastrum maturatorium exterius applicantes, quo materia tota tandem ad saniem perducta per foramen educatur.*

*Doctor.*

Nōne mundificandum est ?

*Chirurgus.*

*Proculdubio: nam vt id quod suppuratū est, effluat, leniter manu nostra ipsum apostema comprimimus, idque repetentes quotidie, donec omninò mundum extiterit.*

*Doctor.*

Siccine finietur cura ?

*Chirurgus.*

*Rectè, modò intrinsecus fomes morbi, medicamentis extirpetur. Quod quia ad pharmaceuticam & dieteticam spectat, non est huius loci tractare.*

*Lectio*



## Lectio Tertia.

### DE CVRATIONE TVMO- ris Laxi & Frigidi.

Doctor.

Iam de Oedemate tractemus.

Chirurgus.

Placet: eius curam breuissimè tibi depin-  
gam. In maturatione enim tantum est varie-  
tas. Apertio enim & mūdificatio, eodem mo-  
do perficiuntur, quo in præcedenti dictum est.

Doctor.

Quod est igitur maturatiuum Oedemati  
conueniens?

Chirurgus.

Recipe capitū liliorum alborum, radicum al-  
theæ ana vncias quatuor ficū siccarū pinguium nu-  
mero quinque, coquantur in quantitate sufficienti  
aquæ cum farina tritici, semine lini & semine fenu-  
greci, & fiat emplastrum solidum, addendo pinguedi-  
nis porcinae recentis vncias tres, butyri vnciam v-  
nam, fermenti vncias duas.

Doctor.

Habes ne facilius?

Chirurgus.

Habeo: fumus terræ eandem vim habet. Herba  
enim hæc in caule sub cineribus tosta cū pinguedine  
seu axungia porcina, in mortario misceatur, &  
parti



parti affectę applicetur : vulgare est, sed bonū.

Ad idem valet & Senecion.

## Lectio Quarta.

### REMEDIA AD DURITIES PARTIVM.

Doctor.

Ad Schyrrhositates, quibus vtimur ?

Chirurgus.

Diachylon, descriptione Ioannis Guidonis:  
id enim resoluit, & molliciat vnamquamque  
duriciem, vel *Emplastro de mucilagibus eiusdē,*  
vel *ceroto æsopi humidi.* hæc in omnibus duricie-  
bus multum priuilegij sibi vendicant.

Doctor.

Cedo eorum descriptiones.

Chirurgus.

Longum hoc foret: habes eas in Antido-  
tario Vigonis, inde petas, quando vacabit.

Doctor.

Hisce igitur omnis duricies tollitur ?

Chirurgus.

Minimè: ego vtor decoctis quoque, quæ  
supplent, quod ab his emplastris, vel vnguen-  
tis fieri nequit.

Doctor.

Quæ autem sunt ista ?

Chirurgus.

F

Im-



Importunus es interrogator D. Doctor:  
anteà dixi, & denuo dico, me ab ijs, quæ ad re-  
liquas medicinæ partes pertinent, hic abstinere:  
& tantum ea, quæ exterius applicantur  
velle explicare.

## *Lectio Quinta.*

### REMEDIA CONTRA APO- stemata à Ventositatibus.

*Doctor.*

Nobis sese nunc offerunt Emphysimata,  
quæ non ex impuritatibus ipsis, sed earundem  
spiritibus natiuitatem suam habet. Quibus  
medicamentis chirurgæ ijs medemur?

*Chirurgus.*

Resolutiuis, & euaporantibus, hisce enim  
& similibus cutis ipsa rarefcit, & spiritus in-  
clusi ob pororum apertionem euanescent.

*Doctor.*

Audiam descriptionem huiusmodi resolu-  
tiui.

*Chirurgus.*

Recipe Milij torrefacti libram semis, farina  
fabarum libram vnā, fursuris macri bene tritura  
ti vncias octo, pulueris camomille, meliloti, aneti a-  
na vncias duas, corriandri, cumini ana drachmas  
sex, fiat emplastrum solidum cum sapa sufficienti  
addendo



*addendo Olei camomilla, aneti ana vncias tres, laurini, rutacii ana vnciam semis, misce. Eius operatio in resoluendo & euaperando est mirabilis.*

*Doctor.*

Sed præposterè mihi videntur procedere, qui à topicis medicamentis curâ exordiuntur.

*Chirurgus.*

Quibus equidem consentio, minera namque alicuius mali primum auferri debet: hac enim ablata, tollitur effectus. Cum itaque inflatio ex resolutione spirituum impuritatum proveniat, necessariò impuritates hæ, in primis auferendæ sunt.

*Doctor.*

Rectè, non opus igitur erit topicis medicamentis. Qui enim causam tollit, tollit & effectum.

*Chirurgus.*

Non rectè concludis, meo tamen iudicio, illi naturæ arcana sunt perscrutati optimè qui omnia vlcera, apostemata, œdemata, schyrrus, emphysemata, decoctionibus curare nonunt.

**F 2**

**PRAC-**



# PRACTICA COR.

Schylandri Albiffensis.

## De Dislocationibus & Fracturis.

### Pars IIII.

Doct̃or.

Artus luxati, quomodo curari debent?

Chirurgus.

In primis ossa in pristina sedē reponuntur,  
& vt hoc fiat, ossiū anatomia cognosci debet.

Doct̃or.

Quid porrò post ossium repositionem?

Chirurgus.

Defensiuā adhibemus per aliquod dies ex  
olei rosacei, & mirthino equali portione cum  
albumine oui.

Doct̃or.

Nihil autem amplius tum agendum est?

Chirurgus.

Quis dubitat? membrum ipsum confor-  
tandum est ceroto à Vigone descripto, cuius  
talis est ordinatio.

Recipe olei myrthini, olei rosacei, omphacini  
ana libram semis, succi radicis altheæ libras duas,  
radicis fraxini & foliorum eius, radicis zymphiti  
minoris & foliorum mirthi, foliorum salicis ana ma-  
nipulos duos, bulliant omnia aliquantulum contusa,  
in vini nigri & aquæ equali mensura ad medias,  
cum



cum mirrha thuris ana drachma semis, colatura ad  
de seui hircini liquefacti libram vnam & semis, tere  
binthina vncias duas, mastice drachmam vnam, bul  
liant ad consumptionem decoctionis. Colatura adde  
litargirij auri & argenti ana vncias tres, boli ar  
meni triti, terræ sigillatæ ana vncias 2. minij drach  
mas decem. Coquantur lento igne, & continuo agi  
tentur spatula, & fiat cerotum cum cera.

Doctor.

Optimè, id enim iuualle multos scio. Sed  
in fracturis eadè mne est procedendi ratio?

Chirurgus.

Ita planè, primum in locando & reponen  
do osse solliciti esse debemus: secundo mem  
brum defendimus, ne à fluxu humorum irri  
tetur: tertio confortamus, vti dictum est.

Doctor.

Sunt ne aliquæ herbæ, quæ à proprietate  
naturæ occulta, fracturam omnem sanant?

Chirurgus.

Sunt. Sophia tam cruda quam cocta id fa  
cit. Vnica symphiti radix in vino decocta &  
applicata, callum inducit. Sic Aristolochia &  
Serpentaria.

Doctor.

Bene dicis: idem memini me sepè apud a  
lios legisse.

Chirurgus.

Faxit Deus, vt hæc nostra Chirurgia insti  
tutio Reipublicæ proſit, eaque ad Dei glo  
riam



riam & proximi salutem, tonsores & balneatores, vbique locorum vtantur.

FINIS.

*Inter excudendum prætermiffa*

sunt pagina 10. quæ inter Lineam 18.  
& 19. sunt inferenda.

Doctor.

Quid verò deinde?

Chirurgus.

Vulnus ipsum vnguento nostro implebimus quod cõponitur ex resina abietis liquefacta & à sordibus expurgata cum modico medulla vituli & tantundẽ radicis consolida, & emplastro stictico accurratè deligabimus in circuitu oxyredina irrigantes.

Doctor.

Non aliud habes hunc simile?

Chirurgus.

Habeo.



In hac methodica Chirurgiæ Institutione  
& Epistola, quod Sanctæ catholicæ Ecclesiæ  
Romanæ religioni contrarium est, nihil conti-  
netur, eam vtilem Chirurgiæ studiosis fore,  
& imprimendam censemus Datum Antuer-  
piæ die 7. Iulij. 1575.

*Henricus Zebertus Dughen S. T. D.  
Canonicus Antuerpiensis.*

ANTVERPIÆ.  
Typis Ioan. VVithagij, expensis  
Anton. Tilenij.















